


Oct 21, 1882 - Rnn

492

2

GUACANAGARI	PONTIAC	BLACK HAWK
MONTEZUMA	CAPTAIN PIPE	KEOKUK
GUATIMOTZIN	LOGAN	SACAGAWEA
POWHATAN	CORNPLANTER	BENITO JUAREZ
POCAHONTAS	JOSEPH BRANT	MANGUS
SAMOSSET	RED JACKET	COLORADAS
MASSASOIT	LITTLE TURTLE	LITTLE CROW
KING PHILIP	TECUMSEH	SITTING BULL
UNCAS	OSCEOLA	CHIEF JOSEPH
TEDYUSKUNG	SEQUOYA	GERONIMO
	SHABONEE	



TO PERPETUATE THE HISTORY
AND DEVELOPMENT OF THE
PEOPLE REPRESENTED BY THE
ABOVE CHIEFS AND WISE MEN
THIS COLLECTION HAS BEEN
GATHERED BY THEIR FRIEND
EDWARD EVERETT AYER

AND PRESENTED BY HIM
TO
THE NEWBERRY LIBRARY
1911

THE
ACTS OF THE APOSTLES,

TRANSLATED INTO THE
CHOCTAW LANGUAGE.

CHISUS KILAIST

IM ANUMPESHI UHLIHA UMMONA KUT NANA AKANIOHMI
TOK PUTA ISHT ANNOA, CHAHTA ANUMPA
ISHT ATASHOA HOKE.

By Rev. Cyrus Byington

BOSTON:

PRINTED FOR THE AMERICAN BOARD OF COMMISSIONERS
FOR FOREIGN MISSIONS, BY CROCKER & BREWSTER.

1839.

✓

ayer
421
C475
B553
1839

THE CHAHTA ALPHABET.

LETTERS.

A	a	ah	as <i>a</i> in father.
B	b	be	
E	e	a	as <i>a</i> in made, or <i>e</i> in they.
F	f	fe	
H	h	he	
I	i	e	as <i>i</i> in pique, <i>ee</i> in seen.
K	k	ke	
L	l	le	
M	m	me	
N	n	ne	
O	o	o	as <i>o</i> in note.
P	p	pe	
S	s	se	
T	t	te	
U	u	oo	as <i>u</i> in full, or <i>oo</i> in wool.
U	u	u	as <i>u</i> in tub.
W	w	we	
Y	y	ye	
Ch	ch	che	
Sh	sh	she	
Hl	hl	hle	<i>l</i> aspirated, before a consonant written <i>lh</i> .

DIPHTHONGS.

Ai ai i as *i* in pine.

Au au ow as *ow* in now.

NASALS.

<u>A</u>	a	<u>O</u>	o
<u>I</u>	i	<u>U</u>	u

These nasals are much softer than the *ng* in English. The full English nasal, as in *sing*, occurs in Chahta only before *k* in an accented syllable.

ANUMPA NISHKOBO VMMONA—I.

1. Kilaist vt illi ha yvt toka isht annoa kaniohmi kv̄t vlbitvt annoa hoke.

1, 2. Tiafilvs ma, Chisvs vt vmmona, nana puta akaniohmit nan im av̄chit isht mahaya tok osh, vba anumpeshi v̄hliha h̄a ilapo akinli atokoli tok vt, nana v̄lhpisa ka Shilombish Holitopa pulla h̄o isht aiihima tok osh, vba ia tok nitak fena ka, Holisso tikba kash̄o, isht ai ikbi li tok.

3. Yvmmak okvt ilbv̄sha hayvt okchaya kv̄t, nana gh̄li isht ikhaiyana he laua ka, yvmmak ash o ai isht im ile haiakv̄chi cha, nana kv̄t Chihowa ap ehlicheka ya, pit aiahalaya puta ka isht anumpohonli ka, okla p̄isa nitak pokoli ushta tok.

4. Micha itahobit taiyahli mvt, Chiluselvm a okla issvt ik aiyu hosh; amba Iki vt nana miha tok, Yvmma hvs svm ahaklo tuk vt, pit hoyot hv̄sh chieyashke; achit im apesa mvt,

5. Chani ak okvto oka ȳo isht baptismochi mv̄hli tok; amba hv̄chishno vto himmak pila h̄a, nitak kanohmi keyukma, Shilombish Holitopa yak o isht hv̄chi baptisma ch̄i hoke; achi tok.

6. Yumohmi na okla itahobvt chieya mvt, nan im ponaklot, Chitokaka ma, himak foka hokvno ap ehlichika ya falvmminchit Isil a ish ema chi cho? achi tok.

7. Mihma, Nitak, micha afvmmi puta ka, Iki vt ilapo ibbv̄k akinli hō fokit ieshi ka hvsh ithana vlvhpesa keyu hoke.

8. Amba Shilombish Holitopa yvt ayvt hvchm vba ha mano, nana aiahlika ya, hvsh esha he: yvmohmik-mvt Chiluselvm, micha Chutia moma, micha Samelia, micha yakni afolota ont ai vhli fena aiena ka, atokolit a na si anoli hvchia ha hemak oke; im achi tok.

2. Yvmmvt vba ia isht annoa.

9. Mihma nana yakohmi ka anumpulit ont intaiyaha ma, oklat pisa ma, vba ishtia na, hoshonti hv̄t i holhpōnayo ha ant im aluhmit ishi tok.

10. Mihma vba iya na, pit aiokchifelit shutik pilla ka pit hopokoyot hieli ma, hatak tuklot nafohka tohbi fohka hosh i bilikasi hieli tok.

11. Mihmvt yvmmak ashosh, Kalili hatak hvchia hv̄t, nanta katihmi hō shutik pilla ka pit hopokoyot hvsh hieli cho? Chisus ilvppakash fenakinli kv̄t hvchm eshit vba ishtia ka, kaniohmit vba ia hō hvsh pisa tuk a yvmmakinli hō chohmit ayot vla hi oke; achi tok.

12. Yummohmi ma, nv̄nih chaha Alifit hohchifo hō, yvmmak okvt Chiluselvm a pit bilika nitak hullo anowa vlvhpesa hō *asht falamvt Chiluselvm a okla vla tok.

* Nitak hullo anowa vlvhpesa kv̄t, koi achvfa husi hō, Chu oklat achi chatuk.

13. Micha okla ant chukowa mvt, vba patvhlpo ya yummak o Pita, micha Chemis, micha Chani, mikmvt Anti, Filip, micha Tamvs, Bafalomu, micha Mahlu, Chemis Alfvs ushi, mikmvt Saimvn Silotis, micha Chutvs Chemis itibapishi aiena kvt ai asha tuk o pit oia taha tok.

14. Ilvppak osh momvt ohoyo puta, micha Meli Chisus ishki, micha itibapishi vhlia hatuk aiena ka ai itvpehvt imanukfila ai achvft vba pit anumpulit, nana asilhha aiena kvt ik isso hosh aiasha tok.

3. Chutvs vlhtoba ho achvfa ka atokola he a, Pita yvt isht anumpuli tok.

15. Atuko nitak ymma foka ma, nan ithvna vhlia hohchifo holhtina kvt tahlepa achvfa cha pokoli tuklo foka hosh itvnahvt chieya ho, Pita yvt iklvna wakayvt hikia cha,—

16. Hatak itibapishili vhli ha ma, Shilombish Holitopa yvt tikbanli, Lewi ash itvkha ai isht Chutvs a isht anumpuli tok o, Chisvs okla ishi ka in tikba hoka tuka, ik kaniobmi kia holisso ilvppvt aialli tuk pulla hoke.

17. Yummak okvt hvpiba holhtiena cha, anonti nan isht vta ilvppa pit ahalaya ka ieshi hatuk,

18. Micha hatak ilvppvt yoshoba isht vlhtoba tuk a osapa yo ishit chumpa tuk ; micha itihpelvt akkivt, iklvna mitafa na, iskuna puta kashot momvt kucha pit fohopa tok.

19. Yvmohmi ka Chiluselvm okla aiasha kvt momvt akostininchi tuk ; yuhmi hatuk o osapa yummvt ilap im anumpa ya, Esiltima hohchifo, yummvt osapa issish achi hoke.

20. Micha ataloea holisso ha a holisso kv̄t, Yumm̄vt aiahanta yatuk a ik chukilissa, yuhmikma hatak nana kia yummak ash ik ai ahanto kashke; micha, Nana ai isht vtta yatuk a, inla yosh ishaske; achishke.

21, 22. Yumohmi hoka, Chitokaka Chis̄vs vt pi takla v̄ttvt aya, Chani a im abaptismo, chash, v̄hlit mintit ah̄vpim eshi na v̄ba ia nitak fena ai ala ka, hatak yakomi kv̄t piap̄ehvt, aya na bilia tok ok̄vt, yumm̄vt falam̄vt tani tuka, atukoa pib ai anola chi kv̄t, ach̄v̄sv̄t v̄lhtuka pullashke; achi tok.

23. Mihma hatak tuklot, Chosif osh Basēvs hohchifo hosh, hochifo apunta kv̄t Ch̄vs̄vs, o, anonti Mataīvs aiena ho, okla hiohlich̄i tok.

24. Micha okla v̄ba pit anumpuli m̄vt, Chitokaka hatak moma ch̄ykv̄sh a ithaiyana chia hok̄vt, tuklo il̄v̄ppa kanimampo kak o, ish atokoli hatuk ok̄m̄vt ish ottunninchi na.

25. Nan isht vtta il̄v̄ppa, micha v̄ba anumpa isht vtta pit ahalaya aiena, yummak atuk o, Ch̄v̄vs̄ vt ilap ai vtta ya ia chin cha, yoshoba cha issa tuk oka, ieshashke; okla achi tok.

26. Micha okla n̄ashueli bohli tok; mihma n̄ashueli ashot Mataīvs ak o onuttula na, yummak osh v̄ba-numpeshi auahch̄v̄fa kash iba holhtiena tok oke.

ANUMPA NISHKOBO ATUKLA—II.

4. Ubanumpeshi v̄hliha hv̄t Shilombish anukfoka fena mvt, anumpa ilaiyuka anumpuli tok.

1. Atuko Pintikvs nitak vt ont v̄lhpiesvt taha ma, momvt imanukfila aiachvfvt mih achvfa yq chieya tok.

2. Yvmohmi ma ashalika mahli kv̄llo chinto chiyohmit, v̄ba ya fopa hosh mintit ala cha, aboha anuka okla aiasha tuk ash ant alotulit kaiyanchi tok oke.

3, 4. Yvmohmi ma, isunlv̄sh chublahli kv̄t luak q chiyuhmi hosh ant i haiaka, micha achvfayuka ant onuttoyula tok; yvmohmi na, moyumvt Shilombish Holitopa yvt isht anukfokvt alota ma, anumpa inla puta anumpula he a, Shilombish vt apelahanchi na, okla anumpulit ishtia tok oke.

5. Yvmohmi ma. Chiluselvm a Chu v̄hliha, hatak hopoyuksa puta, oklushi moma Shutik nuta ka aiasha ka, aminti hosh, aiasha tok.

6. Mihma ilv̄phak ashot annovt takakanli ma, okla l̄awa yvt ant itahoba cha, ilap im anumpa aiyuka yq, aianumpulit maya na, hatak momvt h̄aklo hatuk osh, okla anukhlakancha tok.

7. Micha momvt okla nukhlakancha mvt, okokko ai ahni mvt, Ilv̄ppa anumpulit maya kv̄t momvt Kalili okla keyu hq?

8. Micha nanta katiohmi hq hatak moma kv̄t il a toba tok pim anumpa akinli hq, e hahaklo cho?

9. Patia okla, micha Mit okla, micha Ilam okla, mikmvt Misopotemia, micha Chutia, anonti Kapetoshi, micha Pantvs mikmvt Eshi,

10. Fichia micha Pafilia, Ichip, mikmvt Libya pilla Sailini foka aiena aiasha puta, micha Chu vhlia, mikmvt aiibvhlto puta, Lom mintit itvnowvt aya,

11. Kilit okla, micha Alebia okla puta kashot, Chihowa i na fena ka, pishno pim anumpa hq okla isht anumpoli na eho haiyakloshke ; itim achit maya tok.

12. Michā okla momvt nukhlakancha mvt, ik ai akostinincho chohmi cha ilvppvt, Katiohma hinla hosh yakohmi hq ? itim achit maya ma,

13. Anonti inla ka mvt isht yopulvt. Hatak yakomi kv̄t oka paki himona yo yvm̄mi hoka ; achi tok.

5. Pita yvt vbanumpa isht anumpuli tok.

14. Yvhmi kia Pita yashot, auahchvfa kash ibafokvt hikia cha, im anumpa vba takalechit, Chutia hatak hvchia, micha Chiluselvm̄ aiasha chia, hvsh moma kv̄t, ilvppa oh ithaiyana cha, vm̄ anumpa hq hvsh haponaklashke.

15. Yakomi kv̄t nan ishkot haksi hq keyu, chishno yokvto yuhmi hq hochim ahoba kia, nitak hushi isht v̄lhpisa ont atuchina hoka.

16. Amba ilvppvto hopaii Choil vt isht anumpohonlit,

17. Nitak himmaka pilakma yakohma hi yoke : Nipi poyuta ka vm̄ ishilonbish ma ai isht o fohohompli la hi yoke : yuhmikma hvchiso nakni v̄lhlha, micha hvchiso tek puta kashot vba anumpa isht anumpulikma, anonti

hatak hvch_i himithoa puta kashot nan isht ahoba pihisa he; yuhmikma batak hvch_i sipokni puta kv_t holhpokun-na ma holhpokohuna hi oke.

18. Micha nitak yvmma fokakma, an tishu v_hliha, micha ohoyo an tishu moyuma ka v_m ishilombish a o fohohombli la he; yuhmikma v_banumpa isht anumpula hi oke.

19. Micha v_ba shutik a nana fena ka a haiakahanchi likm_vt, anonti akka yakni ma nan isht ahoba, issish, micha luak, anonti shobulli yobota aiena ya hi oke.

20. Chitokaka i nitak chinto holitopa kv_t iklo kisha h_o, hvshi ashot okhlili h_o tobakma, hvshi ninak, aya ashot issish toba hi oke.

21. Micha yakohma hi oke, Kv_na kia Chitokaka hohchifo h_a pit hochihifokm_vt okchaya himak oke; Chihowa yv_t ahanchishke: ahanchi toke mak oke.

22. Isil hatak hvchia hv_t, anu_vpa yakomika hvsh haiyaklashke; Chisv_s Naselit ai v_tta, Chihowa yv_t ai ahmiechi hatak osh, hvch itintakla ahanta ma, yvmmak o Chihowa yv_t isht ahullo, nana fena, micha nan isht ahoba poyuta ka isht hvch itintakla ma, a yvmihinch_i tuk a, hvchishno akinli kak kia hvsh ithaiyanvshke.

23. Yvmma Chihowa yv_t nan tikbanli pit akostininchi, micha ik kaniohmi kia yuhma he ma im anukfila cha, issa tok pulla hatuk mak o, hvsh ishi cha, ibbv_k haksi yash isht iti taiyukhvna atakalechit hvsh bi tok.

24. Yvmma Chihowa yv_t illi na-hotupa puta ka hotuffi cha, tanichi tok: yvmmak oka yvmv_t afoka he v_hhpesa keyu hatuk oka.

25. Lewi yv_t yvmma isht anumpuli m_vt, Chitokaka yv_t sa nashuka itikba ya hikia na, pit pihisali chatuk. Ik sa kanv_llo ka he a, yvmmak okv_t subbak isht impaka imma ya hikia hoka:

26. Yuhmi hatuk o, sa chukvsh vt na yukpa ma, anonti sa sunlvsh vt yukpa tok : yuhmikma sa nipi akkia nan ahni iksho hosh foha hi oke.

27. Um ishilombish a aiokpuloka ya ish a kancha he keyu hokvt, anonti chi Holitopa tuk ash kia ant toshbit ik taha, ish im ahna he keyu hoke.

28. Chishno yvt ai okchaya hina puta is sum ottvn-nichi tok ; chishno vt chi nashuka ya, isht yukpalit is si alotula hi yoke ; ahanchi tok.

29. Hatak il itibapishi vbliha ma, nukwaya ikshot hatak iki chinto Lewi atuk osh illi cha hullopi aiena tok o, ino ahullopi yvt hvpitin takla ya hikiya na himak a nitak fena hatuk a, isht hvchim anumpohonli lashke.

30. Yumohmi ka hopaii atuk, micha Chihowa yvt, nipi okvto yvma isht atia ka yo, Kilaist a ai ikbit yvma im ai asha holitopa tuk ash, ai o binila chi mak o, hilecha he yvt, anumpa kvllo isht ai im il apihisa tok a, ithaiyana tok oke.

31. Ilvppa tikbanli akostininchi hatuk osh, Kilaist vt falamvt tana he a isht anumpuli mvt, ilap im ishilombish a aiokpuloka ya ik im a kancha ma, anonti nipi yvt toshbit ik taho ki tok aiena ka, miha tok oke.

32. Chisvs iluppa Chihowa yvt taniche tuk o, yvma atukowa nan anoli pi bieka mak osh e hielishke.

33. Yuhmi ka Chihowa im ibbak isht impak imma abinilit holitopa, micha Shilombish Holitopa im ihisa tuk ash, Iki ya im ai ihishi aiena hatuk makosh, ilvppa auet fohohombli na, himonasi ka mihmak o hvsh pisa, micha hvsh hahakloshke.

34. Lewi yvt vba shutik a ona tok keyu hoka ; yuhmi kia ilapinli kv, Chitokaka yvt an Chitokaka ya Sv-bak isht impak imma ya ish binili na,

35. Chin tɔnɔp vɔliha hɔ chiɣi ai ɔ hikia ikbi lashke; im achi tok, ahanchi tok.

36. Yɔmohmi hoka, Isil okla moma kɔt, Chisɔs iti itaiyukhɔna hɔsh atakalechi chash fena ka, Chihowa yɔt yɔmmɔt Chitokaka, micha Kilaist aiena makɔ, ikbi tok a, ithaiyana pullashke; im achi tok. (Peter.)

37. Yuhmi ma ilɔppa okla haiyaklo mɔt, chɔkɔvsh vɔ nukhɔklo fena mɔt, Pita, micha vba anumpeshi inla aiena kashɔ, Hatak ilitibapishi vɔliha ma, nantak ɔ e katiohma chɔ cho? im ahanchi tok oke.

38. Yɔmohmi ma Pita yashot, Hɔsh mɔma kɔt ile kostininchit, nan aiashvcheke puta isht kashofa chɔ ka, Chisɔs Kilaist hohchifo hɔ, im a hɔchi baptismashke; yuhmikmɔt Shilombish Holitopa holhpila ka hɔsh isha he mak oke.

39. Anumpa hɔt hɔchishno micha chim vlla puta aiena, micha auet hopaki pilla aiasha ka moma, pe laua kɔt kaniohmi hɔ Chitokaka hopin Chihowa yɔt pit hoye he a, im aya hoka; im ahanchi tok oke.

40. Michu anumpa inla mɔt laiyawa hɔ, isht im anumpulit, anonti atohnohonchi mɔt, Aivlhpesa iksho isht aionchuloli vɔliha ilɔppa hɔsh ai ile mokofashke; ahanchi tok oke.

41. Yɔmohmi ma im anumpa hɔ nɔ yukpɔt ihishi tuk puta kɔt baptismo tok; yɔmohmi na, nitak yɔmmakinli ka hatak tahlepa sipokni tuchina fokɔt ibvɔlhkaha tok oke.

42. Yɔmohmi cha vbanumpeshi vɔliha im anumpa hash, micha iti hullo aiena, micha pɔska boshullihi, mikmɔt vba pit anumpuli aiena kɔt kullo fenɔt ahashwa tok.

43. Yvmohmi ma hatak moma ka, nukshopa hv̄t onuttoyula tok ; mihma nana fena, micha nan isht aho-ba laua aiena kv̄t vbanumpeshi v̄hliha hash isht a yvm-ohomi tok.

44. Yvmohmi ma n̄a yimmi tuk v̄hliha hv̄t momv̄t ai itachv̄fa mv̄t, anonti nana puta ka ai i moma hosh ai asha tok.

45. Micha im osapa puta, v̄lh̄poyak aiena kash okla kampela cha, hatak mominchit hatak v̄t nana h̄o b̄v̄n̄na hatuk ai yuka ka, i hopela tok.

46. Micha im anukfila mv̄t ai achv̄fv̄t, Timpil anukaka ya, nitak moma aiah̄ashwa, micha chuka taloha puta ma, p̄v̄ska aboshullichit it̄v̄nowa aiena mv̄t, ch̄v̄-kv̄sh aiah̄lit n̄a yukp̄v̄t im ilhpak ma v̄p̄v̄t aiashv̄t,

47. Chihowa ya ai okpahanchi ma, okla moyuma kv̄t ahniechi tok. Yvmohmi ma okchaya he puta kano, Chitokaka yv̄t nitak moyuma ka v̄banumpuli iksa ya isht ibakahanli tok oke.

ANUMPA NISHKOBO ATUCHINA—III.

6. Pita, Chani ita tuklo kv̄t hatak im omokpulo hlakofichi tok o isht an-noa hoke.

1. Yuhmi ma Pita, Chani ita tuklo kv̄t hv̄shi kanv̄lli isht v̄lh̄pisa chakali h̄o, v̄ba pit ai anumpuli hv̄shi kanv̄lli hatuk o, Timpil ā itiachit ont chukowa tok.

2. Yvmohmi ma hatak vt imomokpulo yosh vtta tok o, yvmma okla iti sholit, Timpil a, okla ont a chukowa ka, nanasi kia im asilhha chi ho, nitak uha Timpil okhisa, yvmvt hohchifo mvt ai ukli achi ho, ont okla boyuli beka tok o;

3. Yvmmak ashot, Pita, micha Chani ita tuklo kvT Timpil a pit chukovt okla chi ho, pisa mvt nanasi kia asilhha tok.

4. Mihma Pita yvt Chani yash auant yvmmak ash aiokchi-felit pihisa mvt, Auet pi pesa, achi tok.

5. Yuhmi ma yvmmak ashot nana ho im ahabena chi ka, im ahoba mvt imatia tok.

6. Mihma Pita yashot, Tvli holisso, micha tvli holisso lakna aiena hokvto ik sum ikshoshke : amba nana ho ishi hi kvto chima lishke : Chisvs Kilaist Naselit ai vttahohchifo pulla ka, wakaya cha, nowa, achi tok.

7. Mihmvt ibbak im isht impak imma ya halvlli cha, wakeli tok : mihma ashalika iyi, micha iyi imoksak foni puta aiena kashot hlampkot toba tok.

8. Mihma yvmmak ashot balaklit tanit hikiya cha, nowa tok : mihmvt nohovvt, anonti mvllet, Chihowa ma pit aiokpahanchit, yvmmak ash auant Timpil a ont chukowa tok.

9. Mihma okla momvt yvmvt nohova, michaa Chihow pit aiokpahanchi aiena ka, piesa tok.

10. Mihmvt yvmmak osh na habena chi hosh Timpil okhisa aiuklia asha beka tuk a, okla ithana tok : nana kvT ai i yakohmi tuk a, okla okokko ahnit anukhlahanchvt kvnia tok.

11. Michahatak imomokpulo hlakofi tuk ashot Pita, mieha Chani ita tuklo ka halanli ma, okla moma kashot

okokko ahni fenvt, o yihlept Salomvn im apishia achi hq mutaka ya, ont ai itahoba tok.

12. Yvmohmi na Pita yvt pihisa mvt, okla hash im anumpulit, Isil hatak hvchia hvt, nanta katihmi hq ilvpa isht hvchi anukhlakancha cho? Micha nanta katihmi hq pishno nan isht a pim qhlika akinli hokma, keyukmvt pi achukma hokma, nana tuk osh hatak ilvpa enowvchi tuk chiyuhmit aiokchifeli fenvt hvsh pi pihisa cho?

13. Eblihvm micha Aisik, mikmvt Chekvp in Chihowa, micha hvpiqi vhliha in Chihowa yvt Ushi Chisvs a holitobli tok; yvmmak oka Pailvt vt ant ikia, im ahni vllhpiesa tuk a hvchishno vt itikba hielit kanchit ibbak hvsh foki tok oke.

14. Micha Holitopa, mikmvt Aiahli aiena tuk ash hvsh kanchi cha, hatak vbi yak osh ahvchim vllhpiesa chi kvt, hvsh asihihla tok.

15. Micha Aiokchaya i miko ya hvsh bi tok o, yvmmak ash illi tuk a, Chihowa yvt tani chi tok o; yvmma atvkowa anoli vhliha pia mak oke.

16. Yvmma hohechifo, hohechifo yvmma a yimmi pulla hosh hatak ilvpa hlampkochi tuk o, hvsh pisvt hvsh ithaiyanvshke: qbli, yvmma ai i yimmika pulla hosh haknip achukma aiahli ilvpa, hvsh moma hvchi tikba ya a im ataiyahli hoke.

17. Yuhmi ka itibapishili vhliha ma na, hvchik ithaiyano kakosh hvsh yvmohmi tok; micha hatak hvchi pehlich i vhliha ak kia yuhmi akinli tuka, himak a ithaiyana lishke.

18. Yuhmi kia Kalaist vt ilvsha he a, Chihowa yvt tikba ma i hopaii puta itih ha, nana yvmma puta ka isht anohonli tuk vt, yvmichit aiahlich i tok oke.

19. Yvmohmi hoka ilekostininchit im anukfila inla hvchi anukfokashke ; yvmohmi na nitak hochukma Chitokaka itikba amihinti kv̄t ahanlakma, nan hvsh aiashvcheka puta kv̄t hvchi kashofa hi oke.

20. Yvmohmikma tikba kash isht hvchim anumpa tok, Chisvs Kilaist a auet chvficha hi oke.

21. Yvmmak oka vba shutik vt ieshi pulla na, nana okluha Chihowa yvt nitak tikba pilla mihinta ka, i hopaii hochukma puta itih ha isht anumpohonli tok vt, ont aighla he vhlpiesa hoke.

22. Mosis okvt, hatak pintikba vhliha ha, Chin Chitokaka Chihowa yvt hvsh itibapishi hatuk a hopaii, vno chuhmi ka ikbit hvchi hilecha he : yvmmak o nan okluha nana ho hvchim ahanchikma, hvsh haiyakla hi oke.

23. Yuhmikma, yakohma hi oke : kv̄na hvsh Hopaii yvma i haponakla he keyukmvt, okla aiibafoka tuk vt ai okpulo kv̄t kv̄nia hi oke ; im ahanchi mv̄hli tok.

24. Ahli, micha hopaii moma, Samyul ai vhlit minti, micha ola takla ha asht isht auehinchit anumponli kv̄t momvt, nitak yakohma hi oka, tikbanlit anoli akinli tok.

25. Hvchishno vt, hopaii vhliha, micha Chihowa yvt hvpin tikba vhliha ha, nan itim apesvt Eblihvm a, chishno isht chi aionchuloli ho, oklushi puta yakni paknaka aiasha kv̄t ai isht ilayukpa hi oke ; im ahanchi tok, anumpa ha ushi hvchia hoke.

26. Chihowa yvt ushi Chisvs ikbit hilechi mvt, hvchishno ako mominchit nan im aiashvcheka ya ai isht filvmmichit a chi yukpala chika, tikbanli auet chvfihinchi tok oke ; achi tok oke.

7. Pita, Chani ita tuklo kvt aboha
kvllo vhlpitta tok.

1, 2. Micha okla hā im anumpulit ahashwa ma, nā
holitompa isht vtta vhliha, micha Timpil atoni, mikmvt
Satusi uhliha aiena kvt, yummvt hatak illi puta tana hi
oka, Chisvs atukmak o okla hā nan ikhvnanchi, micha
isht anumpohonli kako, ik im vhlpieso hatuk osh, ant i
kucha tok.

3. Micha okla ibbak isht ieszit, aboha kvllo apitta na
onna tok, opia husi tok oka.

4. Yuhmi kia anumpa hā hahaklo tuk vt, laua hosh
yimmi tok; yvmohmi ma hatak holhtina kvt tahlepa
sipokni tahlapi foka tok.

5. Ont onna ma yakohmi tok. Okla i pehlicheka
vhliha, micha hatak hochitoka vhliha, micha nā holisso-
chi vhliha.

6. Mikmvt Anvs, nā holitompa isht asha pehlichy,
micha Kaiefvs, mikmvt Chani, micha Aliksanta, micha
nāholitompa isht asha pehlichy i kanomi vhliha moma
aienvt, Chiluselvm a ai itahoba tok.

7. Micha yummak ash o ai iklvnna hiohlechi mvt,
Kvta hosh nan apesa tuk o, keyukmvt nanta hohchifo ho
ilvppa isht hvsh ai yakohmi tuk oh cho? achit ponakla
tok.

8. Pita yvt nukwaya iksho tok.

8. Yuhmi ma Pita vt Shilombish Hölitopa isht anuk-foka fena mvt, Okla pehlichī vḥliha, micha Isil ī hochi-toka vḥliha hṽchia ma.

9. Hatak iksitopo vt nan isht il ayukpa yvt im vḥlta-ha tuk a, kaniohmi hō isht ahlakofi tuk a, himak nitak a pishno ak o pim ponaklo hatuk oka,

10. Hṽchishno vt hṽsh moma, micha Isil okla moma kvt hṽsh ithaiyanashke; Chisvs Kilaist Naselit ai vṭta hohchifo pulla, yvmma iti itaiyukhvna hṽsh atakalechi tok o illi tuk a, Chihowa yvt tanichi tok: yvmmak fena kak o, hatak ilvppvt isht ahlakofi cha hṽchi tikba ya, yakhikia hoke.

11. Tvli ilvppak o, chuk-ikbi vḥliha hṽchia hvt, ik ahobalot hṽsh kanchi tok mak o, yvmmak ashot chukbi ka nutak intola fena toba hoke.

12. Michā aiokchaya mvt inla kia iiksho: shutik nutaka ya hohchifo inla ma hatak puta ka auet ai ima tok o, mihiy o il ai okchaya he vḥhpesa kvt iksho hoka; im ahanchi tok.

13. Yuhmi ma Pita, micha Chani ita tuklo kvt nuk-wayā iksho hō okla pihisa, micha yvmmvt hatak holisso imponna keyu, micha nan ikithano aiena yatuk a, akostinichi mvt, okokko okla aiahni tok; micha yvmmvt Chisvs a apēhvt aya tuk a, okla im akostininchi tok.

14. Michā hḷakofi tuk hatak ashot ibafokvt hikiya na, okla pisa hatuk osh, yvmma okla nan isht amiha he keyu tok.

15. Amba ai itvnaha ka a kucha chī ka, okla im apesa ha yokvto, ilap bika itim anumpulit mayvt,

16. Hatak ilvppa nanta kō eho katimicha chī ho? na fena ithana hinla mak o, yvmma ai isht yvmohmi mvhli tukā, Chiluselvm ai asha kv̄t momv̄t akostininchi hoka; anonti pishno vt ik ahlo, e miha he keyvshke.

17. Amba okla hā ibai achukowvt ī shahlit isht ik aiyu ka he ā, ī nukoa fenvt, himmak a pilla ma, hatak nana kia hohchifo ilvppa isht ik im anumpolo ka he ā, iloh im apesashke; ahanchi tok.

9. Ubanumpeshi v̄hliha hv̄t anumpa kv̄llo im v̄lhpisa tok.

18. Mihmv̄t okla pit ī hoa cha, Chisvs hohchifo hā isht ik anumpolo kv̄mohmikmv̄t, anonti nan im av̄chit ik ahāshwo ka chī hō, im apesa tok.

19. Yuhmi kia Pita, micha Chani ita tuklo kashot, afav̄mm̄nichi mv̄t, Hv̄chishno ak o a hv̄chī haponaklo kv̄t, Chihowa yā, ī shahlechi kakokma, nanta kosh Chihowa itikba yā ai v̄hlpiesa hō anukfillit ho pesa.

20. Nana ka e pisa tuk, micha ehahaklo tuk aiena kv̄t, isht kil anumpolo ka he keyu hoka; im achi tok.

21. Yvmohmi ma okla hatuk pulla makō, kanimichit afv̄mma hinla kv̄t, ik akostinincho hatuk osh, achakalet nan ī mihvt tahli mv̄t, ant ik āya, okla im ahni tok; nana kv̄t ayvmohmi tuk ā, hatak moma kv̄t, Chihowa yā pit isht holitobli hatuk o.

22. Hatak vt hopahki kv̄t afv̄mmi pokoli ushta ka atampa hō nō fena nōhlakofichi ilvppvt ai ī yvmohmi hatuk oka.

23. Ant ik āya, im ahni mv̄no, ivt ilap aitatepa ai asha kash itonachi tok; micha na holitopa isht v̄tta

v̄hliha, hochitoka aiena kvt nana im āchi tuk ash mominchit anoli tok.

24. Mihma yv̄mma okla haklo mvt, imanukfila ai achv̄vt, Chihowa yā okla pit im anumpuli mvt, Chitokaka ma, chishno akosh Chihowa chia hosh, v̄ba shutik, micha yakni, mikmvt okhv̄ta, micha nana moma yakomi aiasha ka ikbi tok chia kvt ;

25. Lewi chim v̄lla itih hā isht ish ai anumpuli mvt, Nanta katihmi hō okla nan ik ithano yvt nukoa ma, anonti okla hv̄t nanat tok keyu ka, anukfillit ai asha tok oh cho ?

26. Yakni miko v̄hliha hv̄t hi eli ma, yuhmi nā pehlichī v̄hliha hv̄t Chitokaka, micha ī Kilaist aiena ka ī sv̄nalit itahohomba tok ; ish achi tok.

27, 28. Ahli mv̄hlishke, chiso holitopa Chisv̄s, yvm̄mak o chishno vt ish ila hv̄mmichi tuk ash, Helvt vt Pashis Pilvt ā ita tuklot, okla nan ik ithano v̄hliha, micha Isil okla aiena ka itapehv̄t ī sv̄nalit nana hosh kaniohma he ā, chibbak, micha chim anukfila aiena kvt, tikbanlit aiahmi tok ā, yvm̄micha chī makosh, okla itahohomba tok oke.

29, 30. Yvm̄ohmi ka himonasi ā, Chitokaka yvt okla im anumpa palv̄mmi ā ish ithaiyanashke, micha hlakoficha chī kvt, chibbak ā auet ish wihinli ; micha nan isht ahoba puta, anonti nā fena puta aiena kvt chiso holitopa Chisv̄s hohchifo pulla ka isht a yvm̄ohmi na, chin tishu v̄hliha hv̄t nukw̄ya iksho hosh chim anumpa hā isht anumpohonla chī kā auet ish im aiahnashke ; achi tok.

31. Yvm̄ohmit v̄ba pit anumpulit ohla in taiyaha ma, itv̄nahvt ohla a chieya tuk ash winakahanchi tok : yuhmi ma momvt Shilombish Holitopa yvt anukfokvt kv̄nia

mut, nukwaya iksho hosh Chihowa im anumpa ha okla isht anumpohonli tok oke.

32. Okla laua na yimmi tuk vhliha hashot chukvsh achvfa mut, Shilombish mut achvfa hosh ai asha tok ; micha achvfona kia nana im aiasha kv̄t kaniohmi ka ilv̄ppa vno v̄mmi fena, achi tok keyu ; amba nana moma ai i moma hosh aiasha tok.

33. Ubanumpeshi vhliha hashot nan ahlika chintoka il aieshi hosh. Chitokaka Chisv̄s vt tani tokā atukowa okla anohonli tok : yvmohmi ma ayukpa chinto kv̄t mo minchit onuttoyula tok.

34. Micha achvfona kia nana kv̄t ik im iksho mut ibafokv̄t tok keyu ; amba osapa, micha chuka kia in talohm̄aya aiyukali atukv̄t, kampila cha, nana hosh nana kanchi ka itv̄lhtoba tuk puta ka, okla isht ai v̄la tok.

35. Micha yvm̄makash v̄banumpeshi vhliha iyi ituma ya, ant asha chi tok ; yuhmi na hatak vt nana ka banna ka aiyukali tuk a isht i holhpila tok oke.

36. Yv̄hmi ma Chosi atuk o, v̄banumpeshi vhliha hv̄t Banebus hochefo tok, yvm̄mut toshowakmut Nana im av̄chi ushi achi hoke. Lewi hatak Saipilv̄s yakni v̄ttai vt,

37. Osapa in talaia tuk osh, kanchi cha, tv̄li holisso a isht v̄la cha, v̄banumpeshi vhliha iyi ituma ya, ant ashachi tok oke.

ANUMPA NISHKOBO ISHT TAHLAPI—V.

10. Aniniʋs, Sapaila itatuklo kʋt, Pita yʋt nan i miha ma, illit akka kahʋt tok.

1. Yuhmi kia hatak achʋfa Aninaʋs hohchifo hosh, tekchi Safaila itatuklot, osapa kanchi,

2. Micha isht ʋlhtoba tuk ash kashʋblit ishi tok; tekchi ak kia im akostininchi hō; micha akashampa hō isht ala cha, ʋbanumpeshi ʋhliha iyi ituma ant bohli tok.

3. Yuhmi ma Pita yashot, Aninaʋs, nanta katiohmi hō Shilombish Holitopa ya ish i holabi cha, osapa isht ʋlhtoba tuk a kashʋblit ish isha chi ka, Setʋn ʋt chi chʋkʋsh a anukfohki tok oh cho?

4. Talaya moma mʋt, chishno okō chimmi hʋt tok keyu? micha yʋmmʋt kʋnia haya, chishno chibbak o foka tuk keyu? nanta katiohmi hō, ilʋppa chi chʋkʋsh anukaka isht chim anukfiela tuk oh cho? Hatak o ish i holabi tuk keyu, amba Chihowa ak atuk oke; achi tok.

5. Yʋmohmi ma, Aninaʋs ashot anumpa ilʋppa hakaklo mʋt, aka itulʋt fiopissa tok; yuhmi ma na yakohmi ka haklo kʋt momʋt nukhlakancha fena tok,

6. Mihma hatak himitta vhliha yosh wakayvt, nan abonullit isht kucha cha, ont okla hohpi tok.

7. Mihma yummak atuka hopahki kv̄t hv̄shi kanv̄lli isht v̄hlpisa tuchina foka hō, tekchi vt nana kv̄t yvmohmi tuk a, ik akostinincho hosh ant chukoa tok.

8. Mihma Pita yvt im anumpuli mvt, Yakohmi hō osapa ya hosh kanchi tuk okma, nanakmvt, is sum anolashke; achi tok, mihma, Yau, yummak okvno; achi tok.

9. Mihma Pita yashot, Katiohmi hō Chitokaka im ishilombish a imona ka hv̄sh pisa chī kv̄t, hv̄chim anukfila hv̄t ai achv̄fa tuk oh cho? Chī hatak a hohpi tuk, micha chishno ma isht chi kucha chī vhliha iyi vt okhisa ya asha ka, pisa; im achi tok.

10. Yuhmi ma mihmakinli hō yummak ashot iyi itu-ma ya ont itula mvt fiopissa tok; mihma hatak himitta vhliha yashot ant abeha cha, yvmvt illi tuk o pisa mvt, ishit kucha cha, i hatak ont apotulit hohpi tok.

11. Mihma v̄banumpuli ik̄sa yvt moma, micha kani-ohmi hosh n̄ yakohmi ka h̄aklo tuk vt momvt nukshopa fena tok.

11. Ūbanumpeshi vhliha hv̄t n̄ fena puta yvmihinchī tok.

12. Yvmohmi ma v̄banumpeshi vhliha ibbak a nan isht ahoba, micha n̄ fena aiena laua kv̄t okla itintakla ya isht a yvmohmi tok. Mihma momvt im anukfila hv̄t aiachv̄vt Salomv̄n im apishia nutaka chieya tok.

13. Mihma inla hokvto nukwia kv̄t hatak achv̄fa kia ik ibafoko ki tok; yuhmi kia okla hokvto yv̄mma ahninchī tok.

14. Mihma nā yimmi v̄hliha hatak nakni, micha ohoyo puta aiena k̄vt, laua hosh Chitokaka yā ai ibv̄lhka-ha k̄vt i shaht ia tok.

15. Yuhmi hatukō Pita yvt ayvt ont iakma shilombish ak illa kia kaniohmi ka pit o hoshontikacha he a, abeka puta ka isht kuchvt hina puta isht onvt topa, micha topv̄shi aiena paknaka ont okla o kahpulli tok.

16. Mihma auet abelika tvmaha talohmayvt fullota ka asht minti k̄vt laua hosh abeka puta, micha nā shilombish okpulo puta isht issikkopa v̄hliha hatuk aiena isht ayvt, Chiluselvm a ai v̄la tok; mihma momvt hlakofit taiyaha tok.

17. Yuhmi ma nā holitompa isht asha pehlichī, micha apeha tuk vt, (yvm̄mvt satusi iksa yatuk osh,) momvt wakaya mvt, anukhobela fena tok.

18. Mihmvt v̄banumpeshi v̄hliha hā, okla ibbak isht ieshi cha, okla moma im aboha k̄v̄llo yō pit apitta tok.

19. Yuhmi tuk kia Chitokaka im enchil vt ninak o aboha k̄v̄llo okhisa yā ant tiwit tahli cha, pehlichit k̄v̄cha mvt,

20. Oh ia cha, ai okchaya ilv̄ppa isht anumpa hā mominchit Timpil anukaka yā ont hielit okla hā isht hv̄sh im anumpo honlashke; achi tok.

21. Mihma yv̄mma okla haklo mvt, onnahinli fena Timpil a ont abeha cha, nan ithv̄nanchit ahāshwa tok. Yuhmi kia nā holitompa isht asha pehlichī vt apeha tuk ash aienvt ai v̄la mvt, nan apesa v̄hliha, micha Isil okla i hochitoka moma ihovt itahobi mvt, yvm̄mak ash isht v̄la chī hō, aboha k̄v̄llo a pit tihleli tok.

22. Yuhmi tuk kia nan v̄lhtuka v̄hliha hashot ai v̄la cha, aboha k̄v̄llo anukakaya, yvm̄mak ash ant ik apeso mvt okla falamvt ont anolit,

23. Aboha kvllo yokvto v_hhkama achukma bano, yuhmi ma apistikeli yvt okhisa puta itikba kucha y_a hiel_i h_o, ont episa h_o mvhli tuk, yuhmi kia etiwi mvt, hatak nana kia anukaka y_a a_asha na ke peso kano; ahanchi tok.

24. Yvmohmi ma n_a holitopa isht asha pehlich_i, mi-cha Timpil atoni, mikmvt n_a holitompa isht asha i miko v_hliha aiena kv_t, n_a yakohmi ka haklo mvt, nana k_o ilvppvt ont ai v_hhpiesa hinla ka, ik ai akostininchot okla aiasha tok.

25. Yohmi ma achvfa kv_t ayvt okla hash ant im anohonli kv_t, Yaki, hatak aboha kvllo pit hvsh apitta tuk ash o Timpil anukaka y_a hielit, okla h_a nan imabahan-
hanchishke, achi tok.

26. Yuhmi ma nan atoni ashot, nan v_hltuka v_hliha hash itvpeha cha ia mvt, okla h_a i nukshopa, yvmmak keyukmvt, tvli okla isht boa hinla hatuk osh, yvmmak ash_o nan ik kanihecho hosh ont pehlichit v_la tok.

27. Ont okla pehlichit v_la mvt, nan apesa v_hliha itikba y_a hiohlich_i tok: yuhmi ma n_a holitompa isht asha pehlich_i yvt im aponaklot.

28. Hohchifo ilvppa isht im avrchit hvchik ahanto ka he a, kvllochi fenvt okla e chim apesa tuk keyu? Yuhmi kash_o Chiluselvm a hvchim anumpa isht ai alo-
tulit hvsh kaiyanchi; yuhmi mvt hatak ilvppa im issish a pishno ak_o isht pionuchi hvchi bvvnnvshke; ahanchi tok.

29. Yuhmi ma. Pita, micha vbanumpa isht v_tta v_hliha inla aiena kashot afalvmm_inchi mvt, Chihowa yak o il im antia kv_t hatak a, il i shalecha he tuk oke.

30. Hvpin tikba puta in Chihowa yvt, Chisvs yvmma iti atakalechit hvshbi tuk a, tanichi tok.

31. Yummak o Miko, micha Nan okchalinchi aiena cha, ilekostininchi Isil a anukfoki, micha aiashvcheka aiena ma kashofa chi ka, Chihowa yvt ilap ibbak isht impak imma ya isht holitobli tok oke.

32. Yvmohmi ka pishno ak osh nan ilvppa puta ka isht im aiaturkuvt anoli pia; yuhmikma Shilombish Iolitoa, yvma Chihowa yvt im antia vhliha ha ima tok a, yuhmi akinli hoke; achi tok.

33. Yvma haklo mvt, okla anukhobela fena mvt, vba chi kv, isht anumpulit maya tok.

34. Mihma achvvt Falisi hatak, Kameliyl hohchifo, nan ulhpisa ikhananchi, okla momvt i holitopa cha tuk o, nan apesa vhliha itin takla ya hikia mvt, vbanumpeshi vhliha hash, chekosi takla ka kucha pit ashacha chi ka, miha tok.

35. Yvmohmi mvt, Isil okla hvchia hv hatak ilvppa imma yo, nana kanihcha chi ka, hvsh aiahni hokvto, ahah isht hvsh il aiahnashke.

36. Himak nitak takla ka, Tatvs vt ilap ak osh hatak fena mak, mihvt ahanta na; yvma hatak holhtina kv tahlepa ushta fokvt iba kaha tok o; yummak ash vbi ma, im antia vhliha hatuk ashot momvt, ita fimimpvt, ont aiokpulokvt taha toke.

37. Chutvs Kalili hatak osh hatak ilvppak ash achgkv, okla holhtinv maya nitak ash ahanta cha, okla lava ka isht il akanvlechi tok osh, yummak ash kia illi tok : yuhmi ma kanihmi hosh im antiya tuk vt, momvt itatiapvt taha tok.

38. Yvmohmi hoka, Hatak ilvppa nan isht hvchik ahalayo ho, peh asht ik itvnowa; chim ahanchi lishke Anumpa, micha, nan isht vta aiena ilvppvt hatak atuk okma, ont aiokpulokvt taha chi hoka.

39. Amba yvmma Chihowa yak atukmuno, ai okpunit hvsh kancha he keyushke. Yvmmak keyukmvt, Chihowa yak o itibbi hosh hvsh ahashwa na hvchi ahayucha hinla hoke ; im ahanchi tok.

40. Mihma, vhpesa okla im ahmi tok. Micha vbanumpa isht vttta vhliha hash ihoa cha, fvmmit ashachi mvt, Chisvs hohchifo ha okla isht ik anumpoloka chi ha, im apesvt taiyahli cha ; kvnompit tihleli tok.

41. Yuhmi ma yvmma hohchifo pulla ho na hofahya ka isht ilepisa he a, ont ai vhpiesa tuk vt, na yukukpvt nan apesa vhliha itikba ya asht okla ia tok.

42. Micha nitak moma Timpil anykaka, micha chuka taloha moma ka, nan im avvchi, micha Chisvs Kilaist isht anumpuli aiena kvv okla ik isso tok.

ANUMPA NISHKOBO ISHT HANALI—VI.

12. Ubanumpeshi vhliha hvv hatak ilbusha ithana, micha anumpa ha isht anumpuli aiena tok. Hatak vlhtuka untuklot vlhtuka tok.

1. Nitak yvmmak foka, nan ithvna vhliha hvv laua kvv isht ishaht taha ma, im ohoyo vlhtakla puta ka nitak moma nana iti hopela ya ahaksichi beka hatuk o, Kulik okla hvv Hiblu okla ha nanumachit aiasha tok.

2. Yuhmi ma auahtuklo kashot nan ithvna vhliha laua kash itahobi cha, Chihowa im anumpa ha il issa cha, ai impa yak o isht il ai vshwa he, vhpesa keyushke.

3. Yuhmi hoka il itibapishi vhliha ma, hvsh ai itvpeha ya hatak vtutuklo annoa achukma chatuk, nan imponna, micha Shilombish Holitopa anukfoka aiena ho hvsh atokoli na, yvmmak o nan ai isht vta iluppa chiohle-chashke.

4. Amba pishno ak okvto, vba pit anumpuli, micha anumpa isht vta aiena kak o, kil isso kvmohma chi hoke; achi tok.

5. Yuhmi ma Okla lava kashot momvt anumpa ha aiokpanchi tok. Yvhmi mvt Istifin hatak na yimmi, micha Shilombish Holitopa yvt anukfoka fena, micha Filip, micha Pokolvs, mikmvt Naikena, micha Taimvn, micha Paminvs, mikmvt Nikolis vbanumpa nukfoka Antiak ai vta aiena ho, okla atokoli cha,

6. Yvmma puta kash o vbanumpeshi vhliha itikba hiohlechi tok. Mihma okla vba pit anumpuli mvt, ibbak isht ombitepa tok.

7. Yuhmi ma Chihowa im anumpa hvv isht i shahlit ia ma, Chiluselvm a nan ithvna vhliha holhtina laua kvv i shahlit ishtia fena tok; yuhmi ma na holitomp isht a sha lava fena kvv ayimmika ya im antivt aiasha tok.

8. Mihma Istifin vt ayimmika, micha isht aiahlika aiena kvv isht alota mvt, nan isht ahoba chinto, micha nafena aiena ka, okla itin takla ya a yvmihinchi tok.

9. Yvmohmi ma * Sinikak Laibitin okla, i * Sinikak achi ho, asha yatuk, micha Sailini okla, micha Aliksantia okla, mikmvt Silishi, micha Eshi minti aiena kaniohmi kvv, Istifin a itim anumpulit hiel tok.

* Vba isht ai anumpa chuka.

10. Yuhmi kia chukvsh, micha ahopoyuksaka aiena hq isht aianumpuli hatuk ash, okla nan isht a miha he keyu tok.

11. Yuhmi mvt hatak lumvt tohno na, Yvmmak ashot Mosis, micha Chihowa aiena ka ik ahobalot isht anumpohonli ka, e haklo kano; achi tok.

12. Micha okla puta, mikmvt i hochitoka vhliha mi-cha holissochi vhliha aiena kash okla ilhkolihinchi na, okla i kucha cha yvmmak ash ishi mvt, nan apesa vhliha hq isht im ona tok.

13. Micha hatak nana aholvbbi ya hiohlechi na, yum-mak ashot, Hatak ilvpput aholitopaka ilvppa, micha nan vlhpisa aiena ka, anumpa ik ahobalo isht mihachi kvv ik issoshke.

14. Chisvs Naselit ai vttā ilvpput ilvppa okpvna he, micha nan vlhpisa puta Mosis vt hvpima tok a inlvcha he, ilvpput achi hq, okla e haklo kamo; achi tok.

15. Yvmohmi ma, itvnahvt maya kashot momvt yvmmak ash aiokchifeli fenvt pisa ma, nashuka mvt en-chil nashuka yq chiyuhmi na, pisa tok oke.

ANUMPA NISHKOBO ISHT UNTUKLO—VII.

13. Istifin a im asilhhvchi hatuko isht il anumpuli tok.

1. Yvmohmi ma na holitompa isht asha pehlichī ashot, Nana kvv yakohmi hq mvhli cho? achi tok.

2. Mihma yummak ashot, Hatak itibapishili v̄hliha, micha an tikba puta ma, hvsh haiyaklashke. Pin tikba Eblihvm vt Chalvn a, ont ik vtto kisha hosh, Misopotemia ako anta moma ma, Chihowa holitopa yvt ant i haia-ka tok.

3. Mihmvt yummak ashq, chi kanomi v̄hliha i filvm-mit, chi yakni a akuchvt ayvt, yakni chi pesvchi la chi ka, ish lashke; im achi tok.

4. Mihma Kaltia okla i yakni ash akuchvt minti cha, Kalvn ak o ant aiahanta tok. Atuko iki vt illi ma, yummak ashq awihachit yakni ilvppa himonasi hvsh aiahashwa ka, isht vla tok.

5. Ulla yvt ik im iksho h̄isha ma, ilap micha isht aionchuloli aiena ka, yummvt immi ahe makq, imahi okvt, i miha tok nana kia, abinila he a peh iyi pvtta ahabli achvfa kia, ilap a ikemo ki tok.

6. Micha Chihowa yvt yakmichit anumpuli tok: Yvma isht aionchuloli v̄hliha hv̄t yakni inla aitivnowa he; yuhmikma okla yukachit ilbvshahanchi na, afvmmi tahlepa ushta he.

7. Yuhmikma oklushi nana hq i yukvt ahashwa tukma, yvma na kanichi la hi oke; yuhmi hamvno, okla kucha wiha cha, ilvppa ant asi aiokpahancha hi oke; Chihowa yvt achi tok.

8. Mihmvt hakshup tvpa nan v̄lh̄pisa ka ima tok. Atuk o Eblihvm vt Aisik a ikbi cha, nitak isht untuchina ma, hakshup tvbli tok: Atuk o Aisik vt Chekvp a ikbi tok o, Chekvp vt hatak p̄iki hochitoka auahtuklo ka ikbi tok.

9. Yuhmi tuk o, hatak iki hochitoka hashot Chosif a i nukkilli hatukosh, nan isht chumpvt Ichip a pit kanchi tok; yuhmi kia Chihowa yvt auant anta tok.

10. Micha nan isht im apalvmmi puta ka mominchit ai ishtkuchi cha, Ichip miko Felio a itikba ya aholitopa, micha nan imponna aienvt ahanta chi ka, ima tok ; yuhmi na yvmmak ashot Ichip yakni, micha in chuka moma pehlichhi ikbi tok.

11. Yvmohmi ma Ichip yakni moma, micha Kenvn aiena ka na hobchvfo, micha na palvmmi chinto aiena kvv onuttoyula tok ; yuhmi ma hvpin tikba vhlia hashot nan ilimpa nana, kia ik ahayucho ki tok.

12. Yuhmi kia Ichip a tanchi vt asha na Chekv vt haklo mvt, hvpin tikba vhlia ak o vmmona ka pit tibleli tok.

13. Atuko ont atukla kak o, Chosif vt itibapishi vhlia ha im ilanoli tok. Yuhmi ma Chosif i kanomi vhlia hatuk vt Felio a im annoa tok.

14. Yuhmi ma Chosif vt iki Chekv, micha i kanomi vhlia moma kvv, hatak pokoli untuklo akucha tahlap i ho, pit hoyo hosh, pit chvfichi tok.

15. Yuhmi na Chekv vt Ichip a ona tok osh, ilap ash, micha hvpin tikba vhlia aienvt illi tok.

16. Yvmohmi na ishtvt Saikvm a isht ona cha, Eblihv vt akullohpi Saikvm iki, Ema ushi vhlia ha tvliholisso isht in chumpa tok a, ont foki tok.

17. Yvmohmi kash o Chihowa yvt anumpa kvllo Eblihv a nan isht ai im apihisa tok, nitak vt ai ona het mahaya ma, okla kashot Ichip a alaua kvv i shaht isht mahaya na,

18. Miko inla Chosif a ithana keyu hosh hikia tok.

19. Yvmmak ashosh hvpi kanomi vhlia ha haksichi mvt, hvpin tikba vhlia hash o ilbvshachi yvmohmi cha

okchayvt ik mayo ka chi ka, im vllosi a isht kampila be-
ka tok.

20. Yvmmak foka ma Mosis vt vtta mvt, aiukli fena,
yvmohmi cha iki in chuka ya hvshi tuchina ho, a pishi
tok.

21. Yvmohmi tuk kucha kanchi ma, Felio ushetik
vt eshi cha, ilap ushi achi ho hofantichi tok.

22. Yvmohmi ma, Mosis vt Ichip okla nan ai ithana
puta ka mominchit ithaiyana, yvmohmi mvt anumpa puta,
micha na fena puta aiena ka isht anta imponna tok.

23. Yvmohmi tok osh hopaki kvf afvmmi pokoli
ushta ont vlhpiesa mvt, itibapishi Isil ushi vhliha ha i
nowvt aya hi oka, chukvsh anukfoyuka tok.

24. Yvmohmi tok osh, achvvt nan vlhpesa keyu ho
isht ilbvsha na pisa mvt, yvmmak ash apelvchi, yuhmi
cha, issikkopa tuk atobbit, Ichip hatak ash vbi tok.

25. Yvmma ibbak ako Chihowa yvt isht hlakoficha
he a, itibapishi vhliha hvv okla akostininchi hatuk a,
im ahoba hatuk kia, okla ik akostinincho ki tok.

26. Yvmohmi tuk o nitak ont atukla ma itibli hosh
ashwa ma, yvmmak ashot ont i haiaka cha, itin nan
aiyvcha chi hosh, Hatak, itibapishi hvchia hoke; na
katihmi ho hvsh iti okpvni cho? ahanchi tok.

27. Yuhmi kia in chuka panta hatak okpvni tvk
ashot, Kvta hosh na pi pehlichi, micha na pim apesa
aiena ka chikbi tuk o?

28. Pilashash Ichip hatak ish bi tvk vt, is sa cho-
micha chi ho? achi mvt, naksi ka pit tobli tok.

29. Yuhmi ma ilvppa ahanchi ka, Mosis vt kvnia
cha, hatak nowvt aya yosh, Metivn yakni ya ahanta
hosh, yvmmak o ushi tuklo ka ai ikbi tok.

30. Atuk o afvmmi pokoli ushta kv̄t ont taha ma, Chitokaka im enchil vt yakni haiaka nv̄nih chaha Saina ya bvfaha anuka luak libbi hō, ant im a haiaka tok.

31. Mosis vt yv̄mma pisa mvt, nā pisa kv̄t okokko aiahni tok; micha akostinincha chī hosh bilika ona ma, Chitokaka im anumpa hv̄t im v̄la kv̄t,

32. Ūno akosh chin tikba v̄hliha ya in Chihowa sia, Ebliv̄m a in Chihowa, micha Aisik ma in Chihowa, micha Chekv̄p a in Chihowa sia mak oke; ahanchi tok. Yuhmi ma Mosis vt wv̄nihinchi mvt, atukov̄t pisa nukuia tok oke.

33. Yumohmi ma Chitokaka ashot, Shulusha chiyi ish a shuelashke; ish a hikia yv̄mmvt yakni holitopa hoka.

34. Um okla v̄hliha Ichip ai ahāshwvt ilbv̄sha ka pisa kv̄t pih̄sa lī: micha okla yahaya ka habaklo li chatuk; yv̄mohmi cha hucha weli la chī hosh akka minti lishke. Yuhmi ka minti, chishno ako himonasi a Ichip a pit chi chv̄fiche lashke; im achi tok.

35. Mosis ilv̄ppa, okla shitilema cha, Kv̄ta hosh na pehlichī, micha nan apesa aiena ka chikbi tok o? ahanchi tok ash fena akinli ka, nā pehlichī, micha na hlakofichi aiena ka, enchil bvfaha anuka ai ī haiaka ka ibbak o, Chihowa yvt isht a pit chv̄fihinchi tok.

36. Mihma nā fena, micha nan isht ahoba puta aiena ka, Ichip yakni, micha okhv̄ta humma, mikmvt afv̄mmi pokoli ushta hō yakni haiaka ya, isht a kaniminchi hosh, yv̄mma peblichit kucha tok.

37. Mosis ilv̄ppakosh Isil ushi v̄hliha hā, Chihowa hv̄chin Chitokaka yvt hv̄sh itibapishi hatuk a, hopaii v̄no ehohmi hō, ikbit hv̄chī hilecha he; yv̄mmak o hv̄sh ī haponakla hi oke; im ahanchi tok oke.

38. Ilvppak osh yakni haiaka okla ai itvnaha ka ibafohka, enchil vt nvnih chaha Saina ya ai im anumpuli ka auat anta ; micha hvpin tikba vhliha ma iba fohka tok ; yvmmak osh isht aiokchaya, nan vhlpisa puta ka hvpea chi kvt, ishi tok mak oke.

39. Yvmmak o hvpin tikba vhliha hvv im antia he keyu hosh, amba naksi ka pit tobli cha, chukvsh vt falavt Ichip a ia mvv,

40. Elvn ash o Pi tikba ilhkolachi ka, Chitokaka puta ka, pim ikbi ; Mosis ilvppa pi pehlichjt Ichip yakni ai isht pi kuchi ano, nana mak osh isht a kaniohmi tuk chishba, kil ithaiyano hoka : im ahanchi tok.

41. Micha nitak yvmma foka ma, wak ushi okla ikbi cha, na holba toba yash nan isht aiokpvchi ya, isht im ai vla cha, ilap ibbak nan ikbi tuk a isht il ai yukvvt aiasha tok.

42. Yuhmi ma, vba fichik puta ka, okla aiokpvcha chi mak o, Chihowa yvt issvt i filvmmi tok. Hopaii vhliha i holisso ha a holihiso kvt, Isil in chuka achvfa vhliha hvchia ma, avvmmi pokoli ushta ka yakni haiaka, nan vhlpoba nipi puta, micha nan isht ai okpvchi puta aiena ka, isht hvv svv ahanla cho ?

43. Amba Molak im vltipo a, micha Limvvn chin Chihowa i fichik aiena, na holba hvsh aiokpucha chi makosh, hvsh ikbi tok vt shoyulit hvsh aya chatok. Yvmohmi hoka wihachit Babilvn misha pilla, hvch isht ayala hi oke, achi hoka.

44. Yvmmak okvt Mosis a i mihvt, kaniohmi ho pisa tuk vt, holba ho ikba he o, apesa tok mak o, hvpin tikba vhliha hvv yakni haiaka ya isht ai atukoa vltipo vt in takali tok.

45. Atuko hvpin tikba vhlia hak kia, yvmma ishi tok osh, Chashwe a apehut oklushi nan ik ithano, yvm-mak o Chihowa yvt pin tikba vhlia itikba ya akuchit tihlihinli tok, i yakni a isht chukoa tok o, ituyula na, Lewi vt ahanta nitak a oyuna tok.

46. Mihma yvmmak osh Chihowa itikba ai isht il ayukpa ahayuchi, yvmohmi cha, Chekvp in Chihowa ya aboha im atahli bvnna tok;

47. Yuhmi tuk kia Salomvn ak osh chuka ya im ikbi tok.

48. Yuhmi kia Moma i shahli hut timpil puta ibbak o isht ikbi yokvno, ai ahanta cha tuk keyu;

49. Uba yvt vmaiasha okma, yakni vt sayi ai o hikia yoke. Chuka nanta ho hvs svm ikba chi ho: mikma afoha li ak osh nanta ho?

50. Uno svbbak ak osh nana ilvppa moma ka ikbi tok keyu cho? Chitokaka yvt achishke; hopaii vt achi hoka.

51. Ikonla kvllo, micha chukvsh mikmvt haksobish aiena wishakchi ik tapo hvchia hut, Shilombish Holitopa ya i svnalit hvsh bilia. Hvchin tikba vhlia hut yuhmi tok a, hvsh chiyumishke.

52. Hopaii vhlia ha katima kak o hvchin tikba vhlia hut ik ilbvshacho ki tok o? MichA Aiahli vt aya he a, tikbanli anoli vhlia, yvmma okla vbi tok o mihi o himak a hvchishno vt na haksichi, micha nan vbi aiena hvsh a toyuba tuk oke.

53. MichA enchil vhlia hosh nan vlhpisa ya auet tosholi na, hvsh eshi tok; yuhmi kia hvchik holitoblo cha tuk oke: achi tok oke.

14. Istifin ashō okla tvli ishit bolit illichi tok.

54. Yuhmi ma nā yakomi ka okla haiyaklo mvt, chukvsh vt nvhla tok; micha yvmmakash nuti isht o shakanlichi tok.

55. Yuhmi kia yvmmak okvt Shilombish Holitopa anukfokvt kvnia hatuk osh, vba ya pit ai okchifeli fenvt hopokoyo mvt, Chihowa im aholitopaka, micha Chisvs vt Chihowa im ibbak isht impak imma ya hikia aiena hō, pisa tok.

56. Micha, Uba yvt tiwa, micha hatak ushi vt Chihowa ibbak isht impak imma ya auet hikia aiena hō, pisa lishke; achi tok.

57. Yuhmi ma chitoli fenvt okla tasali mvt, hakso-bish a akvmmi cha, achvfa chohmit o yihhleptv tvmaha ha isht akuchi cha, tvli isht boli tok.

58. Yuhmi ma nana atukoa anoli vhliha hashot, ilap anchi a hatak himitta Sal hohchifo hō, iyi ituma ont ashachi tok.

59. Micha Istifin vt pit im, hayvt, Chitokaka Chisvs ma, Sa Shilombish a ish ish ashke; ahanchi na, okla tvli isht boli tok.

60. Yuhmi ma hachukbihleptv hikia cha, chitoli hosh, Chitokaka ma, aiashvcheka ilvppa isht ish onuchi na; achi tok. Micha ilvppa ahanchi mvt, nusit kvnia tok oke.

ANUMPA NISHKOBO ISHT UNTUCHINA—VIII.

1. Yvmmvt illi ka Sal vt vhlpesa ahni tok. Micha nitak yvmma foka ma, vbanumpuli ikxa Chiluselvm ashwa tok a im palvmmichi fena tok ; yuhmi ma momvt ita fimimpvt Clutia yakni, micha Samelia aiena amomnichi na, vbanumpeshi vhliha hash illa tok.

2. Yuhmi ma hatak hochukma yosh Istifin a hohpit taiyahli mvt, okla isht yaiya fena tok.

3. Yuhmi ma Sal ato, vbanumpuli ikxa ya okpvnit, chuka moma iba chukoa cha, hatak puta, ohoyo puta aiena ka halvllit ishit, aboha kvllo pit apihinta tok.

4. Yvmohmi hatuk o, itafimimpa tuk vhliha hashot, anumpa ha isht anumpulit kanima moma itvnowa tok.

15. Filip vt Samelia ya vbanumpuli ikxa ahilechi tok.

5. Yvhmi ma Filip vt Samelia tvmaha ha ona cha, Kilaist a isht im anumpohonli tok.

6. Mihma okla hvt, yvmmvt na fena yvmihinchi ka haklo, micha pikisa aiena mvt, imanukfila aiachvsvt Filip vt nana ahanchi puta ka, haponaklo tok.

7. Shilombish okpulo puta afoyuka tuk vt chitolit tahpanlvvt lava ka akucha wiha hatok o ; micha *palsi isht abeka lava tuk micha imomokpulo aiena tukvt hla-kofi tok.

8. Yumohmi ma tumaha yumma ayukpa chinto tok.

9. Yuhmi kia hatak achufa Saimyn hohchifo hosh, tikba ma tumaha yummakinli ka ai isht ahullot abantvl, ilap akosh hatak na fena mak o, mihha cha, Samelia okla ha nukhlakvshli tok.

10. Yummak o, chipunta, micha asvnu aiena kvv momvt, Hatak ilvppvt Chihowa nan isht im aiahlika chinto mak oke; ahanchi mvt, okla imantia tok.

11. Micha yummak osh ishtahullot, ishtnukhlakahashli tok hopaki hatuk o, okla imantia beka tok.

12. Yumohmi tuk kia, Filip vt Chihowa apehliechika, micha Chisvs Kilaist hohchifo aiena nana puta ka isht ai anumpohonli na, okla yimmi mvt, hatak, micha ohoyo puta aiena kvv baptismo tok.

13. Yuhmi ma Saimyn vt ilap ash kia yimmi akinli tok, micha baptismo mvt, Filip a ibafokvt avvt, na fena, micha nan isht ahoba puta aiena kvv akaniohmi na pisa mvt, nukhlakanha tok.

14. Yuhmi ma vbanumpeshi vliha Chiluselvm mayya tuk vt, Samelia vt Chihowa im anumpa ha ishi tuk o, haklo mvt, Pita micha Chani aiena ka okla pit in tihleli tok.

15. Atuk o, yummak ashot itonanchi mvt, okla Shilombish Holitopa anukfoka chi ka, vba pit isht anumpulit oklvv tok.

16. Yumma foka ma, achvfona kia yummvt ik onvt-tulo kisha hvv tok; Chitokaka Chisvs hohchifo ha isht a baptismo tuk ak illa hvv tok.

17. Yuhmi mvt okla hash ibbak isht om bitehimpa ma, Shilombish Holitopa yvt okla anukfoka tok.

18. Yvmohmi ma Saimvn vt vbanumpeshi vhliha ibbak isht ombitepa ka, Shilombish Holitopa yvt ai anukfoka hō, pisa mvt tvli holisso ant i weli cha,

19. Uno akkia nan isht im aiahlika ilvppa hvs sama na, kvna hō vno vt svbbak isht om bitepa likma, Shilombish Holitopa yvt ai anukfokashke; ahanchi tok.

20. Yuhmi kia, Pita yvt, Chihowa yosh nan ima ya, tvli holisso yvt isht vlhtoba hinla ka, chim ahoba tuk oka, chin tvli holisso yvt chi auant aiokpuloka pit kvniashke.

21. Chi chukvsh vt Chihowa ya itikba ya ai vlhpi-esa keyu hokvt; nan ilvppa kaniohmi kia, micha ahailaya kia ik chim ikshoshke.

22. Yvmohmi hoka, nan isht ik chi aivlhpeso ilvppvt ish ile kostininchashke; micha Chihowa pit ish im asihihlana, yuhma he yobakma, chi chukvsh imanukfila yvt chi kashofa hi oke.

23. Chishno vt basunlvsh homi, micha nan aiashvcheka abonunta aiena chia hatuk o, akostininchi li hoka; im achi tok.

24. Mihma Saimvn vt afalaminchit, Chitokaka ya pit im ilbvshvt isht hvs si anumpoli na, na yakomi hvsh anumpule tuk a achvfona kia ant ik si onuttulo kashke; achi tok.

25. Mihma yvmmak ashot, Chitokaka im anumpa ha atokovt anolit, isht anumpohonli cha falama mvt, Same-lia okla in tvmahushi lava ka vbanumpa isht ai anum-pohonlit, Chiluselvm a itvlachi tok.

16. Itiopia hatak anumpeshi yo baptismochi tok.

26. Yvmohmi ma, Chitokaka im enchil vt Filip a im anumpulit, Wakaya cha, oka mabli pila ivt, hina Chiluselvm vltvt, Kese ia bachaya chukushmi foka yvmma ish onashke; im achi tok.

27. Mihma wakaya cha ia tok. Atuk o Itiopia hatak, Kantisi ohoyo Itiopia i miko im anumpeshi holitompa hosh, yvmmak osh tvli holisso a mominchit i shoyuli yosh vba pit aiokpvcha chi hosh, Chiluselvm a vla tok osh,

28. Falamvt ia kvrt im iti chenvlli anukaka binilit, Isayvs hopaii i holisso ha itim anumpuli tok.

29. Mihma Shilombish vt, Filip a, Bilika ona cha, iti chenvlli ilvppa ont ibafoka; im achi tok.

30. Mihma Filip vt pit o mvlet ona cha, Isayvs hopaii i holisso itim anumpuli ka haklo mvt, Nan ish itim anumpuli kvto ish akostininchichi cho? achi tok.

31. Mihma, Katiohmi li kak osh, hatak nana hosh vm abvchi ho keyukma? achi tok. Mihmvt, Filip vt pit oia cha auat asha hinla ka; ahni tok.

32. Anumpa holisso holitopa ai itim anumpuli ka ilvppak vt tok. "Chukfi vllhpoba chohmi ho yvmma ai illi hvllat ishtia tok; micha chukfi vllhpo-ushi yosh hishi im vmo in tikba hikia kvrt, nan ik ayo chatuk a chohmit, yvmvrt itih ha ik wakvmmo ki tok:

33. "Ilbvsha fena ma, nan aivllhpiesa ka im ishi tok. Im ilhfiopak a yakni a ai ishi tok oka; im ai iti laui kvrt ahashwa tok a, kvta hosh anola hinla cho?"

34. Mihma anumpeshi ato, Filip a falvmmminchi mvt, Chim ponaklo lishke; Kvtā hō hopaii vt ilvppa isht anumpuli hō? Ilapo akinli okma, keyukmvt hatak inla yokma, nanta ho? achi tok.

35. Mihma Filip vt itih hā wakvmmi cha, holisso mihi ash inli hō ai ishtivt, Chisvs a isht im anumpohonli tok.

36. Yvmohmit hina fokvt mahayvt okla mvt, oka nana kia ont a hieli tok. Mihma anumpeshi ashot, Yaki, oka yoke; baptismo la he a nanta kosh ai ataklvmmi cho? achi tok.

37. Mihma Filip vt, Chi chukvsh mominchit ishit chi yimmi hokma, vlpiesashke; achi tok. Mihma falvmmminchi mvt, Chisvs Kilaist vt Chihowa ya ushi yoka, sa yimmishke, achi tok.

38. Mihma iti chenvlli vt lumvt hikia chi ka, miha tok; micha Filip vt anumpeshi ash ita tuklot pit okvttahvt oka ya itonanchi na, yvmmak ash baptismochi tok.

39. Yvmohmi ma oka yash ai vshvvt kuchvt okla ma, Chitokaka imi Shilombish vt Filip a ishtia na, anumpeshi ashot himmakma ik peso ki tok; micha na yukpa hosh i hina fokvt ia tok.

40. Amba Filip vto Esotvs ako antvt haiaka tok; micha ahlopullit aya mvt, tvmaha moyuma ka vba isht ai anumpohonlit ayvt Siselia ya vla tok oke.

ANUMPA NISHKOBO ISHT CHAKALI—IX.

17. Sal vt Temaskvs pila ia hosh aya ho, Kilaist vt im anumpuli tok.

1. Yvmohmi ma, Sal vt Chitokaka i nan im ai ithana vhlia ha i nukoa, micha vbi aiena he fiopvt kohunchi kv̄t imoma mvt, na holitompa isht asha pehlichī im ona tok.

2. Micha Sinikak puta, Temaskvs asha ka, nakni okma, keyukmvt ohoyo hokma nana hosh, ilvppa chohmi kv̄t ašha na, ahayuchikmvt talakchi o Chiluselvm a pehlichit vla hinla kv̄t, yvma puta pit holisso ha, im ikba he a, im asilhha tok.

3. Atukosh ia hosh aya mvt, Temaskvs pit bilika ona tok; mihma tohwikelit vba minti kv̄t yvmmak ash o ashalika tomit afolupli tok.

4. Yuhmi ma, akka ont ittula tok; micha anumpa hv̄t, Sal, Sal, nanta katihmi ho is svlvshali cho? im ahanchi na, haklo tok.

5. Mihmvt, Chitokaka ma, kv̄ta chia hoh cho? achi tok. Mihma Chitokaka ashot, Ūno akosh, Chisvs ish ilvshahanli ka sia mak oke, Na halupa puta asv̄n-alinchit ish habahli kv̄t chi palv̄mmi hoke; achi tok.

6. Yuhmi ma yvmmak ashot nukhlakanchvt wv̄n-hinchi mvt, Chitokaka ma, nanta hako katiohmi la he a, is sv̄m ahni cho? achi tok. Mihma Chitokaka yvt, Wa-

kaya cha, iŭt tvmaha hā ont ish chuoak makō, nana ish kaniohma chī kŭt, chim annoa chī hoke; im achi tok.

7. Yuhmi ma hatak apelyt āya tuk ashot anumpa kŭno haklo kia, hatak nana kia ik peso mŭt, ik anum-polo hosh hieli tok.

8. Atuk o, Sal ŭt akka ittolyt tani tok : Micha nish-kin ŭt fatuma mŭt, hatak nana kia ik peso ki tok. Yuhmi ma ibbak ā halŭlli cha ishtiyt, Temaskŭs ā okla isht chukowa tok.

9. Yuhmi ma ik hoponayo mŭt, anonti ik impo, nan ik ishko aienŭt ahanta na nitak tuchina tok.

18. Aninaivs ŭt ayŭt im ona ma, baptismo tok.

10. Yvmohmi ma hatak nan ithuna achŭfa, Aninaivs hohchifo kŭt Temaskŭs ā anta tuk o: yummak ash o holhpokuna ka, Chitokaka yŭt, Aninaivs, im achi tok; mihma, Yak anta lishke, Chitokaka ma; achi tok.

11. Mihma, Wakayŭt iŭt hina Ūppisa hohchifo ka ish ona cha, Chutŭs in chuka ya, Tasŭs hatak Sal hohchifo ka, ish aponaklashke; yummak ash osh ŭba pit anumpohonli hoka.

12. Micha holhpokuna kŭt, hatak Aninaivs hohchifo hosh ant chukoa cha hopokoya chī ka, ibbak ā ant isht om bitepa na, pisa tuk oke: Chitokaka yŭt im achi tok.

13. Yuhmi ma Aninaivs ashot afalŭmmminchi mŭt, Chitokaka ma, hatak ilŭppŭt, chī holitopa ŭhliha Chiluselŭm aiasha ka kaniohmit nan isht im okpani ka, laua hō a haklo li chatuk.

14. Micha chi hohchifo pit hochefo v̄hliha mominchit takcha chī ka, n̄a holitopa isht asha pehlichī v̄hliha yv̄t im apesa tuk o, ilv̄ppa anta hoke: achi tok.

15. Yuhmi kia Chitokaka ashot, Ia, nan isht v̄m v̄tta holitopa, sa hohchifo h̄a shoyulit, m̄iko v̄hliha, micha okla nan ik ithano puta, micha Isil ushi v̄hliha aiena itikba ȳa hikia hi oka.

16. Micha v̄no sa hohchifo pulla ka, n̄a palv̄mmi hochito kaniohmi kia isht ilbv̄sha chī ka, im anoli la chī hoka; im achi tok.

17. Mihma Aninaivs ashot, ivt aboha ȳa ont chukoa tok; micha ibbak a isht om bitepa mvt, Itibapishili Sal ma, ish minti ma, hina takla ȳa a chī haiaka tuk, Chitokaka Chisvs vt chishno vt ish hopokoyo cha, Shilombish Holitopa yv̄t chi anukfoka chī h̄o, auet sa chv̄fichi tuk oke; achi tok.

18. Yuhmi ma chekusi makinli h̄o, na hakhlobish atuko chohmit nishkin a mokohlit ak ittula tok; yuhmi ma ashalika hopokoyo mvt, wakaya cha baptismo tok.

19. Micha nana impvt in taha mvt blanpko tok; yuhmi mvt Sal vt nan-ithv̄na v̄hliha Temaskvs maya ka auat anta na nitak kanohmi tok.

19. Pal vt nukw̄aya iksho hosh Kilaist a isht anumpohonli tok.

20. Micha in chekusi makinli h̄o, Kilaist a yv̄mmvt Chihowa Ushi atuk̄a, * Sinikak puta ka, isht ai anumpohonli tok.

* Uba isht ai anumpa chuka.

21. Yuhmi ma okla haklo kv̄t momv̄t anukhlakan-cha m̄vt, Ilvppak osh n̄a hohchifo ilvppa pit hochefot Chiluselvm̄ ai asha tuk a ilbv̄shahanli cha, ilvppa aya kv̄t, yvm̄m̄vt talakchi yō, n̄a holitompa isht asha pehli-chi v̄hliha, isht im ona ch̄i mak atuk keyu? achi tok.

22. Yuhmi kia Sal ato hlampko kv̄t isht i shahlit ishtia, yuhmi m̄vt atukowv̄t, ilvppak osh Kilaist fena mak oke; ah̄aya m̄vt, Chu okla Temaskvs̄ āsha tuk a im aiyuchi tok.

23. Yvm̄ohmi kashō nitak kanohmi kv̄t taha ma, Chu okla kv̄t, yvm̄ma v̄ba ch̄i kv̄t isht anumpulit, m̄aya tok.

24. Yuhmi kia okla nan ahnit m̄aya ka, Sal v̄t akos-tinichi tok; mihma v̄ba ch̄i kv̄t nitak, micha ninak moyuma holihta okhisa puta ka okla atoni tok.

25. Yuhmi ma nan ithv̄na v̄hliha hv̄t ninak o eshit, kishi fokit tv̄li holihta lapalint akka pit bohli tok

26. Yvm̄ohmi na Sal v̄t Chiluselvm̄ a v̄la m̄vt, nan ithv̄na v̄hliha h̄a ibafoka bv̄v̄na tok. Yuhmi kia momv̄t okla i nukshopa tok; micha yvm̄m̄vt nan ithv̄na yō ik im ahoba ki tok.

27. Yuhmi kia Banebv̄s ato eshi cha, ilauev̄t v̄banum-peshi v̄hliha ȳa isht im v̄la tok; micha hina takla ȳa kaniohmit Chitokaka ȳa pisa tok, mina im anumpuli tok, micha kaniohmit nukw̄aya iksho hosh, Chisvs̄ hohchifo h̄a Temaskvs̄ ā isht ai anumpohonli tok aiena ka, im anoli tok.

28. Yuhmi ma Chiluselvm̄ ā asht kucha, micha ant abeha aiena ka takla ahanta tok.

29. Michā nukw̄aya iksho hosh, Chitokaka Chisvs̄ hohchifo h̄a isht anumpohonli cha, Kv̄lik okla ma itim

anumpohonli tok; yuhmi kia vbi bunnvt okla aiasha tok.

30. Yuhmi na itibapishi vhliha yvt akostininchi mvt, ilaueŧ Siselia isht ala cha, Tasvs a pit chvfichi tok.

31. Yvhmi na Chutia yakni vt moyuma, micha Ka-lili, micha Samelia aiena ka, vbanumpuli ikŧa puta kvŧ nuktanla mvt isht iŧhaht ia tok; mihma Chitokaka i nukshoyupa, micha Shilombish Holitopa ya isht iba yuk-pa aienŧ itvnowa kvŧ, lauvŧ isht iŧhaiyahli tok oke.

32. Yakohmi tok, Pita yvt mominchit hlopullit aya mvt vbanumpuli vhliha Litti ai asha tuk ash kia, im vla tok.

33. Mihmvt yvmma hatak achvfa, Inivs hohchifo kvŧ *palsi isht abeka kosh topa ittoyula na avmmi untuchina tukŧ, ont pisa tok.

34. Micha Pita yashot, Inivs ma, Chisvs Kilaist vt chi hlakofichishke. Tani cha, chishno inlit chin topa ha patali; im achi tok. Mihma chekosi tani tok oke.

35. Yuhmi ma Litti, micha Salvn aiena aŧha tuk vt momvt yvmma pisa mvt, filemvt Chitokaka ya im ai ona tok.

36. Yuhmi ma nan ithvna achvfa Tabita hohchifo, yvmmvŧ toshowakmvŧ Takvs achi ho, Chape ya anta tok: ohoyo ilvppvt nan achukma avvmohmi, micha na habenvchi aiena biekvt ahanta tok.

37. Atukŧ nitak yvmma foka ma yakohmi tok; yvmmvŧ abeka cha illi tok; yuhmi ma yvmnak aŧh okla achefvt tahli mvt vba patvlhpo ya boyuhli tok.

* Nipi illi.

38. Mihmvt Litti yvt Chape ya pit bilika hatuk, micha nan ithvna vhlia hvt, Pita yvt yvmma anta ka, okla haklo tuk osh anukwaya im vla hinla ka, pit im ahnit hatak tuklo ka pit tihleli tok.

39. Atuko, Pita yashot wakaya cha auant ia tok. Atuk osh vla ma, ilauet vba patvhlpo ya okla ishit chukowa tok; mihma ohoyo vlhtakla vhlia yvt momvt apehvt hiohmavvt yaiya mvt, na fohka, micha anchi chomi, Takvs vt auat anta moma mvt ikbi tok a, haiak-ahanchi tok.

40. Yuhmi kia Pita yvt mominchit kucha weli cha, hachukbihlepvt hikia mvt, vba pit anumpuli tok; mihmvt haknip ai ittola ka pit filema mvt, Tabita, tani, achi tok; yuhmi ma nishkin a fatvmmi cha Pita ya pisa mvt, tanit binili tok.

41. Mihma ibbak pit ema cha wakayvchi tok. Michavba pit anumpuli vhlia, micha ohoyo vlhtakla puta aiena kash hoyo cha, ohchaya ho ima tok.

42. Yuhmi ma Chape okla kvv momvt yvmma akostinichi tok; yuhmi mvt lawvt Chitokaka ya i yimmi tok.

43. Mihma yakohmi tok; Saimvn wak hakshup hummvchi ya auat Chape ya ahanta na nitak kanohmi tok oke.

20. Kanilis vt Pita ya pit hoyo tok.

1. Hatak achvfa Siselia ya ahanta kv̄t, Kanilis hohchifo hosh tvshka chipota aya achvfa, Etili okla achi hō, i kv̄pitv̄ni hv̄t tok.

2. Hatak achukma, micha in chuka-chvfa moma aienvt Chihowa ya i nukshompa cha, okla hā nā habenv̄chi fena mvt, Chihowa ya pit im anumpohonli ma bilia tok.

3. Yv̄mmak ashot holhpokv̄na chohmit pisa ka nitak hv̄shi kanv̄lli isht v̄lhpisa ont isht chakali foka hō, Chihowa im enchil vt haiaka achukma hosh mintit ant iba chukowa mvt, Kanilis, im achi tok.

4. Yuhmi ma yv̄mmak ash atukowvt pisa mvt nukshopa cha, Chitokaka ma, nanta hoh cho? achi tok; mihma, Uba pit ish anumpohonli, micha nan ish hopela puta aiena ka, Chihowa yvt ithaiyana he makō v̄ba ihiya hoke.

5. Yuhmi hoka himak ā, Saimv̄n, Pita hohchifo ka pit hoyot, hatak ā Chape pit ish tihlelashke.

6. Yv̄mmak okv̄t Saimv̄n wak hakshup hummv̄chi in chuka mvt okhv̄ta lapali ka yō talaya hō, auat anta hoke; yv̄mmak osh nana hō ish kaniohma he tuk ma, chim anola hi yoke; im achi tok.

7. Mihma enchil, Kanilis a im anumpohonli tuk ashot ia ma, chuka nan isht im ai vttā yā tuklo, micha tvshka chipota nan isht im ai vshwa bilia yā ahli achukma, achvfa hō aieninchit hoyo tok.

8. Micha nan okluha kash mominchit im anolit taiyahli mvt, Chape yā pit tihleli tok.

9. Ont onna ma okla itanowvt mahaya mvt tumaha hash pit bilika ona ma, hvshi kanvlli isht vllhpisa ont isht hanali foka hō, Pita yvt vba pit anumpula chi hosh aboha pakna pit oiya tok.

10. Atukosh hohchvfo fenvt taiyaha cha, impa hetuk osh; amba okla atahlit isht maya ma, holhpokuna hō chohmi tok.

11. Micha shutik vt tiwa, yuhmi ma, nan ai vllhpitta yosh nan tohbi chito wishakchi ushtvt ita shikonopa hō chohmi hosh akka i mintit, yakni ant anuttoyo hō, pisa tok.

12. Mihma anukaka yā nan-vllhpoa puta, hvnal-ushta ilayuka yakni aisha kvt moyuma, micha nā hoā puta, micha nana akka abavlli puta, micha vba hvshi puta aiena kvt ai asha tok.

13. Yvmohmi ma anumpa hvvt mintit im vba kvt, Pita, tani cha, vbit vpa; achi tok.

14. Yuhmi kia Pita ashot, Yuhma he keyushke, Chitokaka ma, nana kvt ai vllhpesa keyu, kashofa keyu hokvno himonna kia, vpa li chatuk keyu hokvt; achi tok.

15. Yuhmi ma anonti anumpa hvvt atukla ma, im anumpuli kvt, nana hō Chihowa yvt kashofi tuk a, yvma vllhpesa keyu, chik hochefo kashke; achi tok.

16. Hituchma hayo ilvppa yakohmi tok; yuhmi ma nana ai vllhpitta kashot falamvt vba ia tok.

17. Pita yvt holhpokona chohmit nana pisa tuk, yvm-mvt nana isht akaniohmi hatuk a ik akostinincho chohmi ai itin takla ma, hatak Kanilis vt pit tihleli tuk ash, Saimvn in chuka ya aponaklo tuk osh okhisa itikba ya hieli tok.

18. Mihmvt pit tahpula cha aponaklot, Saimvn, Pita hohchifo kv, yvmmak o antakma, nanta cho? achi tok.

19. Pita yvt holhpokona tuk ash o anukfihinlik fena, Shilombish vt, Yaki, hatak tuchina kv chi hoyoshke.

20. Yuhmi hoka tanit pit akowa cha, nana kia isht ai anuktuklo iksho hosh auant ish iashke, yvmma vno akosh auct tihleli li tuk oka; im achi tok.

21. Yuhmi ma Pita yashot akowvt ivt, Kanilis vt auct in tihleli tuk hatak ash im ona mvt, Yaki, vno akosh hatak hvsh hoyo hatuk a sia mak oke. Nanta hosh a katiohmi ho ayvt hvsh la cho? achi tok.

22. Mihma, Kanilis Kvpitvni hatak ahli micha Chihowa ya i nukshohumpa cha tuk, micha Chu okla moyuma ka ai im annoa achukma hosh ahanta chatuk, yvm-mak osh in chuka ya ish ona chi ka, chi hoyo cha anum-pa ha chi a hakla chi ka, Chihowa yvt enchil holitopa ya isht ai im anoli tuk oke; okla achi tok.

23. Yuhmi ma i hvvt aboha pit apitta na maya tok. Atuko ont onna ma, Pita yvt wakaya cha auant ia ma, itibapishi vliha katiohmi kv Chape ya asht apihvt ilhkoli tok.

24. Atukosh yvmmak atuk a onna ma, Siselia ya okla ont chukowa tok; yuhmi ma Kanilis vt i kanomi vliha, micha i kana fena aiena ka hoyot itahobit tahli cha, asht pit hoyo tok.

25. Atukosh Pita yvt ant chukowa ma, Kanilis vt ont afama cha iyi ituma ya hlipeyvt ai okpvchi tok.

26. Yuhmi hia Pita yvt, Hikia, vno akkia hatak sia akinli hoke, ahanchi cha halvllit tanichi tok.

27. Micha im anumponlit pit chukoa mvt, itahoba tuk vt laua hosh ai asha na pisa tok.

28. Yuhmi mvt Chu hatak okvt okla inla takba aya hokma, keyukmvt ont ibafoka hokma nana ka kaniohmit im ai vlhpiesa keyu ka hvsh ithaiyanvshke; yuhmi kia vno yokvto hatak nana kia ik vlhpeso, micha okpula ala he keyu hq, Chihowa yvt vm abahanchi tuk oke.

29. Yvmohmi hatuk o, sa hoyo makinli hq nana ak acho hosh, ayvt hvchim ala li hoke. Yuhmi hosh hvchim ponaklo lishke, nanta katiohmi hq is sa hoyo tuk oh cho? im achi tok.

30. Mihma Kanilis vt, Nitak ushta kashq nahullochit anta li, hvshi kanvlli himak foka tok. Yuhmi hosh hvshi kanvlli isht vlhpisa ont isht chakali hq, vm aboha anukaka ya vba pit ai anumpule li tuk; yuhmi ma hatak vt nafohka shohmalali fohka kvv sa tikba ya hikia tuk.

31. Mihmvt, Kanilis vba pit ish anumpuli ka haklo, micha nan ish hopehinla chatuk a Chihowa yvt ithaiyana hoke.

32. Yuhmi hoka Saimvn, Pita hohchifo ka pit hoyot Chape ya pit ish tihlelashke; yvmmak okvt okhvta lapali ka Saimvn wak hakshup hummvchi in chuka yq anta hoke; yvmmakosh vlakmvt ant chim anumpula hi yoke; achi tok.

33. Yuhmi hatuk o ashalika pit chi hoyo le kvno; atuko ish la kvv ish vlhpesa hoke, yvmohmi ma Chihowa yvt nana chim apesa tuk a, mominchit e hakla chi mak

osh momvt himak a yakohmit Chihowa itikba ya e chiya hoke ; achi tok.

21, Pita yvt vbanumpa isht anumpuli tok.

34. Mihma Pita yvt itukha ya wakummi mvt Chihowa yvt hatak a kanimanchi keyu ka, aiahlit akostinichi lishke—

35. Amba oklushi moyuma ka kuna hosh yumma i nukshoyupa cha, ai vhpiesa ka yvmohmi hokvt, im aholitopa chatuk oke.

36. Chihowa yvt Isil ushi vhliha ya anumpa auet ema na Chisvs Kilaist pulla ho nuktanla he a, isht ai im anohumpa tok a, yummak osh moma in Chitokaka yoke.

37. Baptismo yo Chani vt isht anompoli hayak o, anumpa yvmnvt Kalili ai ishtia tukosh, Chutia yakni a mominchit ai anumpvt hlopulli tok ;

38. Kaniohmit Chihowa yvt, Chisvs Naselit ai vtta ya Shilombish Holitopa, micha nan isht im ai ahlika aiena ka isht akummichi tok ; Chihowa yvt auant aya hatuk o, yummak ashot nan achukma ka isht ahanta, micha nan isht-ahullo okpulo isht ilvsha vhliha ya mominchit hlakofichit nohwa tok, hvsh athaiyanvshke.

39. Micha yvmnvt Chu okla i yakni, micha Chiluseym aiena ka nana ho akanimihinchi tukma, moyuma atukowa anoli pia mak oke ; yummak okla iti atakalechit vbi tok.

40. Yummak ash nitak ont ituchina ma, Chihowa yvt tanichi cha, achukmat haikuchi tok.

41. Yuhmi kia okla moma kak vt tok keyu, amba nana atukowa anoli vhliha, Chihowa yvt tikbanli atukohonli tok, illi tuk vt falamvt tani haya, nan itibai impvt, ishkvt maya tok, pishno ak vt tok oke.

42. Mihma okla ha il im anumpula he, micha okcha-ya vhliha, mikmvt illi puta aiena nan im apesa ya he, Chihowa yvt atukoli ka ilap ak atuka, atukowa il anohonla he, pim apesa tok oke.

43. Yvmmak o hopaii moma kv̄t, yvmma hohchifo pulla hatuk mak o, kv̄na ho kia i yimmi hokvt ai ashv-chika puta kv̄t isht akashofa ahayucha he a, atokolit okla anohonli tok; achi tok. (Pita.)

22. Shilombish Holitopa yvt haponak-lo vhliha ha onuttoyula tok.

44. Pita yvt anumpa ilv̄ppa anumpohonli kv̄t moma ho, anumpa haklo yash Shilombish Holitopa yvt mominchit onuttoyula tok.

45. Yuhmi ma hakshup tv̄ptua na yimmi vhliha Pita ya apihvt v̄la tuk vt, okla nan ik ithano vhliha akkia Shilombish holhpila kv̄t o fohopa hatuk o,

46. Anumpa ilaiyuka okla anumpulit Chihowa anihinchī ka, okia haklo hatuk osh momvt nukhlakancha tok. Mihma Pita yvt afalv̄mminchit,

47. Shilombish Holitopa yvt anukfōka tuk vhliha pishno akinli chohmi; yakomi kv̄t ik baptismo ka chī ka, hatak nanta hosh oka ya im atakalv̄mma hinla cho? achi tok.

48. Yuhmi mvt Chitokaka isht ahochefot okla baptisma chī, i miha tok; yuhmi ma auat anta na nitak kanohma chī ka okla im abni tok oke.

23. Pita yvt oklushi nan ik ithano vbanumpa ont isht im anumpule tuk o, nanumachi tok.

1. Yumohmi ma vbanumpeshi vhliha micha itibapi-shi vhliha aiena Chutia maya tuk vt okla nan ik ithano vhliha hak kia Chihowa im anumpa ha ishi tuk a, okla haklo tok.

2. Yumohmi tuk o, Pita yvt Chiluselvm a vla ma, hakshup tupa vhliha yatuk vt ichapvt anumpulit,

3. Chishno vt hatak hakshup tupa keyu vhliha ya ont ish iba chukowa cha, ish ibai impa tuk oke; ahanchi tok.

4. Yuhmi ma Pita yvt ai ishtia vmmona ka silhhit im anolit,

5. Chape tvmaha ha vba pit anumpuli hosh ahanta le tuk osh, sa holhpokona chohmit na pisa li ka, nan ai vlhpitta yvt mihinti kv nan tohbi chito yo chi yuhmi hosh vhli vshta ka ishi ho vba ya ai aka mihinti tok, mihmvt vno ash fena vm vla tok.

6. Yvmmak ash sa nishkin a isht atokoli li mvt, nana vmanukfihinla tok, mihmvt nan-vlh-poba iyushta puta yakni pakna aiasha, micha na-poa nukshopa, mikmvt nan akka balvlli puta, micha vba hushi aiena ka pihisa li tok oke.

7. Mihma anumpa hv̄t, Pita yvt wakaya cha, vbit vpa, v̄m ahanchi na, haklo li tok.

8. Yuhmi kia vno ashot, Yuhma he keyushke, Chitokaka ma, nitak nan ash nana kv̄t ai v̄lhpesa keyu, micha okpulo aiena kv̄t sa tukha yā foka tok keyu chatuk oke; achi li tok.

9. Yuhmi kia atukla ma anumpa hv̄t vba auet ā si afalv̄mminchit, Nana hō Chihowa yvt kashofi tuk ā, yv̄mma ai v̄lhpesa keyu, chik achokashke; achi tok.

10. Ilv̄ppa yakohmi kv̄t hituchina ya tok; yuhmi ma moma falv̄mminchit vba isht māya tok.

11. Yvmohmi ma, mih makinli hō hatak tuchina Siselia auet ai an tihleli tuk ā, chuka ai v̄tta li tuk ash, ai v̄lla tok.

12. Yvmohmi ma Shilombish vt, nana kia isht anukwaya iksho hosh auant ia la he, ā miha tok; yuhmi ma il itibapishi hanali ilv̄ppvt si apēhv̄t itv̄nowa hō, hatak ash in chuka ont e chukowa tok.

13. Yuhmi ma yvm̄mak ashot kaniohmit enchil vt ilap im aboha anyka yā hikia na pisa hō, Hatak ā Chape yā pit tihlelit Saimv̄n, Pita bohchifo ka pit ish hoyashke

14. Yvm̄mak osh anumpa, chishno, micha chin chuka achv̄fa moma aienvt isht hv̄chi okchaya he ā, chim anola he oke, im achi tuk ā, pim anoli tuk oke.

15. Yvmohmi ma anumpulit ishtia li makinli hō, Shilombish Holitopa yvt okla hā onuttoyula kv̄t, v̄mmona ka hv̄pishnoā pi onuttula chash, chiyuhmi tok.

16. Yuhmi ma Chitokaka yvt, Chani okv̄to oka yō ishit baptismochi mv̄hlishke; amba hv̄chishno yokv̄to Shilombish Holitopa yō ishit hv̄chi baptisma hi yoke; achi tok ā, im anumpa hā ithaiyana le kv̄no.

17. Yvmohmi ka Chihowa yvt, Chitokaka Chisvs Kilaist i yimmi vhliha hā hvpema tok, ai iti laui nā holhpila ka ihima tukā, vno akosh nanta sia hatukosh Chihowa yā ataklvmmi la hinla cho? im achi tok.

18. Nā yakomi ka okla haiyaklo mvt lumvt chieya cha, Chihowa yā aiokpahanchi mvt, Yuhmikma Chihowa yvt okla nan ik ithano vhliha akkia isht okchaya ile kostoninchi yā ihima tumvshke; ahanchi tok oke.

24. Ubanumpa yvt tumaha kanohmi ka ai anumpa tok.

19. Yvmohmi ma nā palvmmi kv̄t Istifin ā isht atoba ma, okla ita fimimpa tuk vt itvnowvt āya kv̄t Finisi, micha Saipilvs, mikmvt Antiak ā pit vhlchit inla kayano keyu, amba Chu vhliha ak bano hō anumpa hā okla isht im anumpohonli tok.

20. Micha kanimi kv̄t Saipilvs hatak, micha Sailini hatak aiena hatuk osh Antiak ā ai v̄la mvt, yvmmak ashot Kv̄lik okla hā im anumpulit Chitokaka Chisvs ā isht anumpohonli tok.

21. Yuhmi ma Chitokaka ibbak vt auat anta tok, holhtina laua hosh yimmi cha filemut Chitokaka yā im ona tok.

22. Yvmohmi ma nā yakomi kv̄t annvt, iksa Chiluselvm āshwa tok haksobish ā ont chukowa tok; mihma Banevs ā yvmmv̄t ia kv̄t Antiak o ona chī hō okla pit chv̄fichi tok.

23. Yvmmak ash osh v̄ba cha, Chihowa im isht ilaiyukpa ka pihisa mvt nā yukpa tok; micha chukv̄sh mvt kv̄llo hosh Chitokaka yā isht asitia chī ka, mominchit atonohonchi tok.

24. Yvmmak okvt hatak achukma hosh, Shilombish Holitopa, micha ayimmika aiena kv̄t anukfoyuka fena hatuk oka; yuhmi na okla hv̄t lāwvt Chitokaka yā iba kaha tok.

25. Yuhmi ma Banev̄s vt Sal ā hoya chī hosh, Tasv̄s ā ia tok.

26. Atukosh yvmmak ash ahayuchi mv̄t, ilauet Antiak ā isht v̄la tok. Mihma yakohmi tok, afv̄m̄mi achv̄fa v̄lhpiesa ka v̄banumpuli iksa yā ibai itahobvt okla lāwa ka nan im abahanchi tok. Mihma nan ithv̄na v̄hliha hv̄t v̄mmona ka Antiak ak o, Kilaist okla a hohchifo tok.

27. Yvmohmi ma nitak ilv̄ppa foka ma, hopaii v̄hliha Chiluselvm̄ minti kv̄t, Antiak ā ai v̄la tok.

28. Micha yvmmak ashot achv̄fvt Akelv̄s hohchifo hosh hikia cha, hohchv̄fo chinto kv̄t yakni mominchit ahlopulla chī ka, Shilombish pulla isht ai anohonli tok. Yvmmvt Kilatv̄s Sisa yvt ahanta nitak akō ont aighli tok.

29. Yuhmi ma nan ithv̄na v̄hliha yvt nana kv̄t kaniohmit im āsha tukmv̄t ik kaniohmi kia, itibapishi v̄hliha Chutia māya ka isht apelv̄chi yā pit im pila chī kv̄t, hatak moma tok.

30. Yvmmak ash okla yuhmi mv̄hli cha Banev̄s, micha Sal ita tuklo kakō ibbak fokit, hatak tikba v̄hliha yā pit im pila tok oke.

25. Helvt vt vbanumpuli vhliha ha
issikkopali tok,

1. Yuhmi ma nitak yvmma foka ma, Helvt miko yvt
vbanumpuli ikxa yatuk a kaniohmi ho, ilbvshala chi kv
ibbak a o weli tok.

2. Micha Chemis, Chani itibapishi ha bvshpo falaia
ho isht vbi tok.

3. Micha yuhmi ka Chu okla hv im achukma ho,
pisa hatuk osh achakalinski mvt, Pita ya aieninchit isha
chin tok ; mihma pvska ik shatvmmo vpa nitak vt tok.

4. Atukosh yvmmak ash hoklit ishi mvt, aboha kv-
lo pit foki cha, chepuli chito issa ha yo okla ha isht i
kucha chi mako, ahni hosh, tvshka chipota ushta bat aya
ushta ho apesvcha chi ka, im issa tok.

5. Yuhmi hatuk o Pita yashot aboha kvllo ya foka
tok ; yuhmi kia vbanumpuli ikxa yvt yvmma isht Chiho-
wa pit im asilhha kv, ik yokopo ki tok.

6. Atuko Helvt vt isht kucha he tuk a, yvmma ni-
nak fenak akinli ka, Pita yvt tvli itatakvi tuklo hosh
isht talaiyakchi ho, tvshka chipota tuklo itin takla yo
anusi tok ; yuhmi ma apesvchi vt okhisa itikba ya hielit
aboha kvllo ya apesahanchi tok.

7. Yvmohmi kasho Chitokaka im enchil vt im ala
na tohwikeli kv aboha kvllo anykaka ya tomi tok :

mihma yummak ash osh Pita ya naksi a isso cha, tanichi mvt, Tusbvt tani; achi tok; yuhmi ma in tvli itatakvli yvt ibbak a amokohli tok.

8. Mihma enchil ash ot, Il airskufachi cha, chi shulush a holo, im achi ma, yvmichi tok, mihma, Chim anchiq anchi cha, is si akaiyashke, im achi tok.

9. Mihma kucha mvt iakaiya tok; yuhmi kvv enchil vt nana ayvmichi ka aqhli mak atuk a, ik akostinincho ki tok. Amba nana mak o pisa ho im ahoba tok.

10. Ai atoni vmmona, micha atukla aiena ko ant itiachi mvt, vmaha pila ia tvli holiht okisa ya itvlachi ma, ilap akiat in tiwa tok; mihma pit kuchato cha, hina achvfa ho fokvt ayvt okla tuk o enchil ash ot ashalika i filvmmi tok.

11. Yuhmi ma Pita yvt falamvt kostieni mvt, Chitokaka yvt im enchil a auet chvfechi cha vno a Helvt ibbak, micha Chu okla nana ahni tuk puta ka, a sa hlakofichi tuk a, himak a ai ahli mak o ithaiyana lishke; achi tok.

12. Micha nan im anukfihinla mvt Chani, Mak hohchifo ishke, Meli in chuka ya, yvma laua hosh itahobvt vba pit anumpuli hosh maya na, vla tok.

13. Micha Pita yvt apishia okhisa ya ant sukoha ma, ohoyo himitta Loti hohchifo hosh ont haponaklo tok.

14. Micha Pita im anumpa ho pit ithana mvt, na yukpa kvv apishia ya okhisa ya ik tiwo hosh, amba mvlet ant chukowa mvt, Pita yvt apishia itikba ant a hikia ka, anoli tok.

15. Mihma, Ik chi hopoiksoshke, im achi tok. Yuhmi kia i shahlechit, yuhmi tuk ash pulla ko mihia tok, yuhmi ma, Im enchil oka, okla achi tok.

16. Yuhmi kia Pita ashot sukoha kvv imoma tok, yuhmi ma okla tiwi cha, pisa mvt nukhlakancha tok.

17. Yuhmi ma nukchintot maya chi ka, ibbak pit i fahvmmi mvt, kaniohmit Chitokaka yvt ilap a aboha kvllo isht a kuchi tuk a, im anoli tok ; mihmvt, Na ya-kohmi ka Chemis, micha il itibapishi vhliha aiena ka ivt oh im anoli, achi tok ; mihmvt kuchvt ivt inla ho ona tok.

18. Atuko onnvt taha makinli ho, tvshka chipota vhliha ashot Pita yvt nanta mak o akatiohmi tuk, ahnit nukhlakancha kvt chomi tok keyu.

19. Yvmohmi tuk o Helvt vt yvmmak ash hoyo tuk osh ik peso mvt, apesvchi vhliha yash achukmalit im asilhhvchi mvt, yvmmak ash o vba chi ka, apesa tok. Mihmvt Chutia ya vttvt ivt Siselia ona cha, yvmmak o anta tok.

20. Mihmvt Helvt vt Taia, micha Saitvn aiena ai asha ka isht ik i yukpo fena tok ; yuhmi kia miko im vba patvhlpo apissvchi Bilastvs a iti kana okla ikbi tok, micha ilap i yakni ya miko i yakni yak osh ai apelvchi atuk aiena hatuk oka, imanukfila mvt ai achvfa hosh im ai ala cha, nan aiyaka ai ahni tok.

21. Yvmohmi ma ai vhlpisa tuk nitak o, Helvt vt miko i na fohka ishit shemvt taiyahli cha, im aiasha hoolitopa paknaka ya binili cha, anumpa isht hikvt im anum-pohonli tok.

22. Mihma okla hashot tahpvlvt, Ilvppvt Chihowa yako im anumpa, hatak im anumpa yo keyushke ; ahanchi tok.

23. Mihma isht aholitopaka ya Chihowa yak o pit ik im isso hatuk o, mih makinli ho Chihowa im enchil vt isso tok ; mihma shvshi yosh aiahampa na fiop-issa tok.

24. Amba Chihowa im anumpa to achakvt isht i shahlit ia tok.

25. Yuhmi ma Banevys micha Sal ita tuklo kv̄t nan isht ahashv̄vt atahli m̄vt Chani, Mak hohchifo ka ilauint Chiluselvm̄ a vshv̄vt falamv̄t ia tok oke.

ANUMPA NISHKOBO ISHT AUAHTUCHINA—XIII.

27. Pal, Banevys ita tuklo kv̄t ok-lushi nan ik ithano, ya im ia tok.

1. Yuhmi ma iksa Antiak ahashwa ka kaniohmi kv̄t hopaii, micha nan im av̄chi v̄hliha, Banevys, micha Simiv̄n osh Naika hohchifo, anonti Lushv̄s, Sailini v̄tta, micha Manev̄n, Helv̄t na pehlich̄i ya iba hofanti tok, micha Sal chomi kv̄t maya tok.

2. Okla Chitokaka pit aiokpv̄chit nahullochit maya ma, Banevys, micha Sal ita tuklo ka, atoksv̄li im ai atokoli le tuk isht ashwa ch̄i ka, hv̄s sum atokolashke, Shilombish Holitopa yv̄t achi tok.

3. Mihma okla nahullochit v̄ba pit anumpuli cha, ibak a isht om bitepv̄t taiyahli m̄vt, okla pit tihleli tok.

4. Yuhmi ma Shilombish Holitopa yak osh pit tihleli hoka, iv̄t Silushi a itonachi tok osh, yv̄mma vshv̄vt peni v̄lhtot iv̄t Saipilv̄s a itonachi tok.

5. Micha Salemv̄s a ont ashwa m̄vt, Chu okla i sinikak puta Chihowa im anumpa isht ai anumpohonli tok. Mihma Chani a il ai apelahanchi akinli tok.

6. Micha tashaiyi yā ahlopullit Pefvs ā itonachi mvt, hatak isht ahullo achvfa hopaii ilahobi, Chu hatak Bachisvs hohchifo hō, pisa tok.

7. Yvmmak okvt nāhullo miko hatak nan ithana, Sachis Paulvs ā auat anta tuk o, yvmmak ashot Banebvs, micha Sal aiena ka hoyo mvt, Chihowa im anumpa hā haklo bvnna tok.

8. Yuhmi kia Ilimvs hatak isht ahullo ashot, hohchifo hvrt toshowakmvt yvmmak oka, nāhullo miko ā nā yimmika ai ī filvmmichi bvnna kvrt yvmmak ash im ataklvmmi tok.

9. Mihma Sal mvt, Pal hohchifo akinli hosh, Shilombish Holitopa yvt anukfokvt kvnia hosh, yvmmak ash atokolit pisa tok.

10. Mihma, Nā haksichi, micha nan ik ai vlpeso aiena banot isht alotowa, nan isht ahullo okpulo ushi, ahopoyuksa okluha in tvnvp ma, Chitokaka ī hina aiahli puta okpvni kvrt, ish issa he keyu cho?

11. Mikma, inta, himak ā Chitokaka ibbak vt chi onuttula hoka, chi lapakmvt hvshi ā chik peso hō ahcheba chī hoke; achi tok. Mihma chekosi makinli hō tohbi, micha okhlileka aienvt onuttula tok. Mihma kvna kia ibbak ā halvlli cha isht āya chī ka, hoyot fullokahanchi tok.

12. Mihma nāhullo miko vt Chitokaka im anumpa hā anukhlakancha cha, nana kvrt yvmohmi na pisa mvt yimmi tok.

13. Mihma Pal vt itvpiha yash aienvt Pefvs ā ahotufi cha, okla mintit Pāfilia yakni Pvki ā ai vla tok. Mihma Chani vt ī filvmmi Chiluselvm ā falamvt ona tok.

14. Amba Pvk̄i ā asht kuchvt okla ia mvt, Pisitia yakni Antiak ā ai ala cha, nitak hullo ā * Sinikak ā ont chukovt chieya tok.

15. Mihma nan v̄lhpisa, micha hopaii ī holisso puta aiena kash, itim anumpulit atahli ma, Sinikak apehlich̄i v̄hliha v̄rt, Hatak, il itibapishi v̄hliha ma, okla isht im anumpa he anumpa hv̄t hv̄chim āshakmvt hv̄sh anum-pulashke; achit auct im anoli tok.

16. Mihma Pal vt hikia cha ibbak ā pit isht imalamit, Isil okla, micha Chihowa yā ī nukshohumpa v̄hliha hv̄chia ma, hv̄sh haponaklashke.

17. Okla ilv̄ppa Isil v̄hliha in Chihowa v̄rt pin tikba v̄hliha yā atokoli mvt, hatak nowvt aya chiyuhmi hosh Ichip ā okla ah̄ashwa ma, yv̄mmvt holitobli tuk osh, ilap ibbak kv̄llo pulla kv̄t yv̄mmak ash isht akohunchi tok.

18. Michā afv̄mmi pokoli ushta foka yakni haiaka okla nana akaniohmi ka, ant ik yuhmi, im ahni tok.

19. Michā Kenv̄n yakni ā oklushi untuklot ai imai-yachi mvt, ī yakni atuk ā, nā shueli hō, isht ai ī hopela tok.

20. Mihcha yuhmi haya nan apesa v̄hliha im ahioh-lihinchi na, afv̄mmi tablepa ushta cha pokoli tahlapit aiena foka hō, Samyul hopaii vt v̄tta tok.

21. Atuko ī himmakma, m̄iko okla asilhha tok, Mihma Chihowa v̄rt Sis ushi, Sal, hatak Binchemv̄n ishtatiaka yō, ī hilechi na afv̄mmi pokoli ushta tok.

22. Atuk osh yv̄mmak ash ai ishi mvt, Lewi akosh ī m̄iko ya ch̄i hō okla hā ī hilechi tok; yv̄mmak ō pit atokolit, ilap vt, Lewi Chissi ushi, v̄no sa chukv̄sh fena

* Ūba isht ai anumpa chuka.

iakaiya hatak, micha vno nan ai ahni li ya mominchit ai^hlichia chi mak^o ahayuchi lishke ; achi tok oke.

23. Hatak ilvppa isht aionchuloli y^o Chihowa yvt ilap miha tok pulla hosh, okchalinchi Chisvs a Isil okla ha i hilechi tok.

24. Yvmmvt iklo kisha h^o, Chani yvt vmmona ka Isil okla moyuma ka ilekostininchit baptismo ya isht im anumpohonli tok.

25. Micha Chani vt anumpulit ahanta mvt, Kvta hak^o sia, hvchim ahoba cho? Uno vto mih mak^o sia keyu hoke. Amba si-akaiyvt minti kak o, yvmma iyi i shulush a vno vt i hotufi la he si ahoba keyu hoke ; achi tok.

26. Hatak itibapishi li vhliha ma, Eblihv^m ishtatiaka ushi, micha kvna hosh hvchi takla ashwa kv^t Chihowa ya i nukshohumpakma, hvchishno ak o, aiokchaya isht anumpa ilvppvt hvchim aya hoke.

27. Chiluselvm ai asha, micha i hochitoka aiena kv^t, yvmma, micha hopaii vhliha im anumpa nitak hullo mo-ma ka itim anumpuli chatuk aiena ka ik ithano hatuk osh, na palvmmi ka onuchit yvmmak atuk a, ai-ahlichⁱ tok oka.

28. Micha kaniohmi h^o yvmmak okvt isht ai illa he vhpesa kvno, im ai akostininchi keyu hoka kosh, illa he a ahnit, Pavt a okla im asilhha tok.

29. Micha yvmma isht aholihiso tok a mominchit ai-ahlichit okla tahli mvt, iti ash ai ishit akachi cha ahullo-pi anukaka ya bohyuli tok.

30. Yuhmi kia illi tuk^a Chihowa yvt tanichi tok.

31. Yuhmi ma Kalili ya asht apehvt mintit Chiluse-lvm a ai vla tuk vt yvmma okla pisa na nitak kanohmi

tok; mih makosh yvmma atukowvt okla hā im anoli yoke.

32. Yuhmi hosh anumpa achukma pin tikba v̄hliha ima tok a isht e hv̄chim anumpulishke.

33. Im v̄lla v̄hliha hv̄pia hak o, Chihowa yvt yvm-mak ash isht pim aiahlichī hosh Chisvs a falvmmichit tanichi tok. Yuhmi kv̄t ataloa ont atukla ka, Svso chia hoke, himak nitak a chikbi lishke, achit aholisso akinli hoke.

34. Micha yvmmvt illi tok a falvmminchit tanichi ka himmakma falamvt ahullopi a chukoa he keyu hatuk o yak ahanchi tok, Lewi i nan isht il aiyukpa ahli ka chima la hi oke.

35. Yvmohmi hatuko anonti, Chi Holitopaka ant nan toshbika ik pisa, ish im ahna he keyu hoke, inla ma aiahanchi hoke.

36. Lewi ak okvto Chihowa nan ahni pulla ho, im okla hā nan isht im ahantvt in taiyaha mvt, illi cha in tikba v̄hliha ya ibafokvt ittoyulvt nan toshbi ma, pisa tok oka.

37. Amba Chihowa yvt falvmminchit tanichi tok, yvmmvto nan toshbi nana kia ik peso ki tok.

38. Yvmohmi ka hatak il itibapishi v̄hliha ma, hatak ilvppa pulla hatuk makō, nan aiashv̄cheka puta isht kashofa yvt ishit hv̄chim anumpa hoka hv̄sh ithaiya-nashke.

39. Micha Mosis i nan v̄lhpisa ak okmvno yvmma kaniohmit isht hv̄sh ai ihlakofa he keyu ke tuk kia, nā yimmi vt momvt yvmma pulla kano okluha isht ai i hlakofi hoke.

40. Yvmohmi hoka ahah hv̄sh ai ahnashke; yvmmak keyukma hopaii v̄hliha i holisso hā isht ai anumpvt,

41. Nā shitilema v̄hliha hv̄chia hv̄t ho pesa cha, okokko ahnit, ik hv̄chi nukhlakancha; hv̄chī nitak a nan isht vtta yā isht ahanta li ka, kv̄na kia ik hv̄chim anoli makō, kaniohmit nan isht vtta yv̄mma ahv̄chi yimma he keyu, achi kv̄t hv̄chi onuttula hinla hoke; achi tok.

28. Oklushi nan ik ithano v̄hliha yvt v̄banumpa yimmi tok.

42. Mihma Chu okla hv̄t * Sinikak a a kucha wiha ma, okla nan ik ithano v̄hliha yvt anumpa yakohmi kashot nitak hullo atuklakma isht im anumpa hinla kv̄t asilhha tok.

43. Yv̄mohmi tuk o itv̄naha yashot tisheli ma, Chu okla laua, micha himona v̄banumpuli toba v̄hliha apehvt aya tok. Mihma yv̄mmak ashot im anumpulit, Chihowa im ai isht il ayukpa pulla hō ai itanowa chī ka atohnohonchi tok.

44. Atukō atukla nitak hullo yā tv̄maha chito achv̄fa kv̄t mōma hosit Chihowa im anumpa hakla chī kv̄t itv̄naha tok.

45. Yuhmi kia Chu okla hato okla laua yā pisa mv̄t, nukhobelvt alota mv̄t, Pal vt nana anumpuli ka ik aho-balot nā mihachit itachowvt maya tok.

46. Yuhmi ma Pal, micha Banebv̄s ita tuklo kashot nukwaya iksho kv̄t isht i shaht ia mv̄t, Chihowa im anumpa hv̄t tikba hv̄chishno akō ahv̄chim anumpa he

* Ūba isht ai anumpa chuka.

mvto ai vhlpiesa tuk okvno; yuhmi kia, yvmmak ash naksi ka pit hvsh bohli cha, okchayvt bilia he o ik chi ahobo kvrt isht hvsh il anukfihinli hoka, okla nan ik ithano yak o pit il i filemvshke.

47. Yakohmi ho Chitokaka yvt pim apihisa mvt, Okla nan ik ithano vhliha ya ish in tohwikela chi, yakni ont vhli fullota kvrt isht ai okchaya he makq, chi hilechi lishke; ahanchi tuk oke, achi tok.

48. Mihma okla nan ik ithano vhliha yvt ilvppa haklo mvt, okla na yukprt Chitokaka im anumpa ha aiokpahanchi tok. Mihma okchayvt bilia he isht im vhlpesa tok vto momvt yimmi tok.

49. Yuhmi na Chitokaka im anumpa hvrt annovt yakni yvmma mominchit ahlopulli tok.

50. Yuhmi ma Chu okla hvrt, vbanumpuli ohoyo holitompa vhliha, micha hatak holitompa tvmaha asha tuk aiena ka atohnohonchi cha, Pal, micha Banevrs ita tuklo ka isht ai ilbvshaka ya ilhkolechi tok; micha i yakni a kuchit kanom pit tihleli tok.

51. Yuhmi kia iyi hituk chubi asha tuka on tahtuli cha, mintit Aikonivm a itvlachi tok.

52. Mihma nan ithvna vhliha yvt na yukpa, micha Shilombish Holitopa aiena ka isht anukfoka tok.

29. Pal, micha Banebys ita tuklo
kvt im palvmmi tok.

1. Mihma Aikonivm a yakohmi tok; Chu okla i
* Sinikak o ita tuklot ont chukoa cha kaniohmit anum-
pohonli ma, Chu okla, micha Kvlik okla ai itvpeha kvt
laua hosh yimmi tok.

2. Amba Chu nan ik yimmo vhliha to okla nan ik
ithano a atohnochit, imanukfila itibapishi vhliha hash
isht i nukkillichi tok.

3. Yvmohmi hatuk o nukway-iksho kit Chitokaka
ya isht anumpulit, yvmmak ash ahashwa na hopaki ma,
yvmmak ashot nan ishtahoba, micha na fena puta aiena
kvt yvmma ibbak a isht ai yuhma he a ahni cha, im
anumpa hanta ya isht aiahlichi tok.

4. Yuhmi kia tvmaha okla chinto kashot ita kashapa
tok; mihma kashapa kvto Chu okla hako pit halanli ma,
anonti kashapvt vbanumpa isht vtta vhliha yak vt
tok.

5. Atukosh okla nan ik ithano vhliha, micha Chu
okla ha pit aiena kvt i pehlichi ka ai itvpehvt, yvmmak
ash ilbvshachit, tvli isht bola chi kvt imanukfilvt maya
ma,

* Uba isht ai anumpa chuka.

6. Akostininchit okla mvt, tihlaivt Laikeonia yakni a tvmaha Listi, micha Tabi ita tuklo, micha yakni auet folumpa ka ona tok.

7. Micha yvmmak o vbanvmpa isht ai anumpulit okla tok.

30. Pal vt Listi a hatak imomokpulo a hlakofichi na, nan-ishtahullo vhliha hatuk o, okla hvt ahobvchi tok.

8. Mihma Listi a hatak achvfa kvt ishki ikfuka anuka yakinli ho ai imomokpulo tok osh, iyi vt ik kvullo hosh, nitak nana nowa tok keyu vt binili tok.

9. Yvmmak ashot Pal vt anumpuli ka haklo tok; mihma yvmmak ashot atukovt pihisa cha, hlakofa he vt yimmi ka akostininchi mvt,

10. Chitoli hosh anumpulit, Wakayvt chiyi a apissvt isht ish hikiashke; achi tok. Mihma yvmmak ashot mvllit, micha nowa aiena tok.

11. Mihma okla hashot, Pal vt nana yvmihinchi na pisa mvt, Laikeonia anumpa ho okla annmpulit chitoli hosh, Chitokaka vhliha yvt hatak o chiyuhmit okka mintit avrt hvv im vlvshke; ahanchi tok.

12. Micha Banevvs a Chupita hochefo mvt, Pal ak okvto anumpuli chito atuk o, Makulvs hochefo tok.

13. Mihma in tvmaha itikba hikia Chupita ya na holitompa isht im vtta yvt, wak nakni chomi, micha sita bita puta aiena ka ishit holihta okhisa ya vla kvt, okla ai itvpehvt vbit isht aiokpvcha he ahni tok.

14. Mihma vbanumpeshi vhliha Banebvs, micha Pal ita tuklo kv̄t haklo mvt, im ilefohka ya ita hlilv̄ffit, okla mvt pit tihlaiyvt okla h̄a iba chukoa cha, tahpv̄lv̄t,

15. Hatak puta ma, n̄a katihmi h̄o hv̄chi yakohmi cho? Pishno akkia hatak hv̄chishno chohmi pia hoke, mih hosh nan ik ahobo yakohmi ka ai i filv̄mmit, Chihowa okchaya, v̄ba shutik, micha yakni, micha okhv̄ta, micha nana puta, yv̄mma ai ah̄ashwa ka aiena ikbi tok a, hv̄sh im ona he mak o, e chim anumpohonli hoke.

16. Yv̄mmak okvt nitak tikba ma, oklushi moma ka ilap o inli nana akaniohmi a ant ik ai ithanowa, ahni tok.

17. Yuhmi kia ilap fena isht ai atukov̄t anoli a ik takohlecho hosh ahanta tok keyu; Yuhmi kv̄t nana ka achukmali hosh umba v̄ba minti, micha n̄a w̄aya achukma nitak aiena ka auet hv̄pih̄ima cha, pi chukv̄sh a ilhpak, micha n̄a yukpa aiena ka, isht alotohonli hoke; ahanchi tok.

18. Michā ilv̄ppa ah̄aya pulla hosh n̄a kv̄ni okla h̄a yokobli na, yv̄mma okla nan ik im abo ki tok.

31. Pal vt tv̄li isht bōa tok.

19. Yv̄mohmi ma Chu hatak kanomona Antiak, micha Aikoniv̄m aiena mintit v̄la cha, okla h̄a ant atohnochit, Pal a tv̄li isht bolit, illi h̄o im ahoba cha hv̄llat tv̄maha h̄a isht kuchi tok.

20. Yuhmi tuk kia, nan ithv̄na vhliha yvt afolublit hinli ma, tani cha, tv̄maha h̄a ant chukoa tok. Atukosh nitak ont atukla ma. Banebvs auant Tabi a ia tok.

32. Tvmaha ilaiyuka hlopullit aya mvt, falamvt Antiak a itvlachi tok.

21. Atukosh tvmaha yvmma vba isht im anumpulit, micha lawa ho nan im avchi mvt, falamvt anonti Listi, micha Aikonivm, micha Antiak aiena kash itvlachit,

22. Nan ithvna vhliha imanukfila hlampkuchi, micha ayimmikvt achunancha chi ho atohnochit mvt, na palvmmi laua ka il ahlopulli pulla hosh Chihowa apehlichika ya e chukoa hi oke ; achi tok.

23. Micha vbanumpuli iksa moma pehlichit aiyuka atokolit hiohlechi cha, nahullochit vba pit anumpulit issa mvt, Chitokaka yvmmak o okla anukcheto tuk ash pit im issa tok.

24. Micha Pisitia hlopulli mvt, Pafilia itvlachi tok.

25. Micha anumpa hash Paki a isht ai anumpoli cha Atelia itonachi tok.

26. Atukosh yvmmak o peni ai vlhtot Antiak yvmmak o toksvlla chi ka Chihowa im aholitopaka he o, pit im issa tok ash aiahliche tuk vt itonachi tok.

27. Micha itvlachi cha iksa ya itahobbi cha, Chihowa yvt isht kaniohmihinchit tuk moma, micha okla nan ik ithano vhliha ya ayimmika okhisa ya in tiwi tuk aiena ka, im anohonlit okla tok.

28. Micha yvmmak o nan ikhvna vhliha ya auat ahashwa na hopaki tok oke.

33. Hakshup tupa isht ai itachoa tok.

1. Mihma hatak kaniohmi Chutia mintit ai v^la tuk v^t, itibapishi v^hliha h^a nan im ab^uchit, Mosis i nan v^hl-pisa ak^o cho^hmit hakshup h^uchi tapa keyukm^ut, h^uchi okchaya he keyushke; achi tok.

2. Yuhmi na Pal, micha Baneb^us ita tuklo k^ut y^um-mak ash itach^ot itim inla fe^ua ma, Pal, micha Baneb^us anonti inla ka kaniohmi aiena k^ut anumpa itachoa tok, il^uppak atuk v^t v^ubanumpeshi v^hliha, micha asononchi-ka v^hliha aiena ka Chilusel^um a im ona chⁱ ka okla apesa tok.

3. Mihma iksa v^hliha y^ut pit a^upeh^ut a^uya na kuch^ut ilhkoli m^ut, okla nan ik ithano v^ubanumpuli toba tuk a anohoulit, Finisi, micha Samelia aiena ka lilopulli tok; micha itibapishi v^hliha y^a mominchit yukpali chinto tok.

4. Atukosh Chilusel^um ash itonachi ma, iksa v^hliha micha v^ubanumpeshi v^hliha, micha asononchika v^hliha aiena k^ut aiokpanchi tok. Mihma Chihowa y^ut ilapo a nana isht akanimⁱnchi tuk a mominchit anoli tok.

5. Yuhmi kia Falisi iksa kaniohmi n^a yimmi atuk v^t wakaya cha, Hakshup a in t^upli cha, Mosis i nan v^hl-pisa h^a holitobla he aiena ka im apesa he v^hl^upiesvshke; ahanchi tok.

34. Ūbanumpeshi v̄hliha hv̄t isht itim
anumpulit m̄aya tok.

6. Yumohmi ma v̄banumpeshi v̄hliha, micha assonon-
chika v̄hliha aiena kv̄t anumpa ilv̄ppa anukfillit pisa
ch̄i kv̄t itv̄naha tok.

7. Atukosh itachoa ch̄uma naha ma, Pita yv̄t waka-
ya mv̄t, Hatak itibapishi li v̄hliha ma, nitak hopaki kash
Chihowa yv̄t hv̄pin takla ma auet ai atokoli ka, yv̄mmv̄t
sv̄tih ako okla nan ik ithano v̄hliha yv̄t v̄ba isht anumpa
anumpa ka a haiyaklo cha yimma he vt̄ tok̄a, hv̄sh ithai-
yanv̄shke.

8. Michā Chihowa yv̄mmak osh ch̄ukv̄sh puta ka
ithaiyana kv̄t, aiokpanchi hosh Shilombish Holitopa ibi-
ma kv̄t hv̄pishno yō chash iti-lauechi hoke.

9. Michā hv̄pishnoa yv̄mma a pit im inluchi keyu,
yimmi hatuk o ch̄ukv̄sh a i kashobu fi hoke.

10. Yumohmi ka nanta katihmi hō Chihowa hv̄chik
anukeheto hosh, nan ithv̄na v̄hliha, ikonla ya ikonla
abana yv̄mma pin tikba v̄hliha, micha hv̄pishno aiena
kv̄t e lauwi cha e shala he keyu ka, yv̄mma hv̄sh onu-
chi cho?

11. Yuhmi kia Chitokaka Chisv̄s Kilaist achukma
pnlla hatuk makō, pi okchaya kv̄t yv̄mmakinli ili iti laua
he aiahnit pi yimnishke; achi tok.

12. Yuhmi ma okla laua yv̄t lumv̄t chieyv̄t, Banev̄s,
micha Pal ita tuklo Chihowa yv̄t ilapo a, nā fena, micha
nan isht ahoba puta aiena kaniohmi hō okla nan ik itha-
no v̄hliha itin takla ya, isht ayv̄mihinechi tuk a anoli ka
haklo tok.

13. Okla hvt lumvt chieya hayano, Chemis vt achakalinchi mvt, Hatak itibapishi li vhliha ma, hvs sa haponaklashke.

14. Chihowa yvt vmmmonaka oklushi nan ik ithano a kaniohmit aiokpanchit okla ilap isht hohchifa chi ka akuchit ishi tuk a, Simiyn vt anohonli tok.

15. Micha hopaii vhliha im anumpa hvt ilvppak o aiachvfvshke.

16. Yakohmi ha ma falama lish Lewi in chuka kinafa tuk a falvmminchit ikbi la hi yoke; micha okpulo tuk a falvmminchit ikbit hilechi la hi yoke.

17. Yvmvt hatak akashampa, micha okla nan ik ithano vhliha moma sa hohchifo ha isht a hohchifo tuk puta kv, Chitokaka ya okla hohoya chi ka, yvmak osh na yakohmi moma ka yvmichi makosh Chitokaka yvt achishke; achi holisso tok a.

18. Vmmona pillvt isht auehinchi ka Chihowa yvt ilap nana akaniohmi puta ka mominchit ithaiyana chatuk.

19. Yvmohmi hoka okla nan ik ithano atuk filemvt Chihowa ya im onvt maya ka, kil anumpulecho ka he ako, vno vt aiahni lishke.

20. Amba na holba toba puta isht ai okpulo, micha ohoyo himitta itin lumaka, mikmvt nana kv nüksitvt illi puta, micha issish aiena ka ik ahalayo ka chi kako pit iloh i holisso chashke.

21. Nitak hopaki isht auehinchi ka, Mosis i holisso ha vmaha moma, kvna hosh isht ai anumpohonlikma, nitak hullo moma, * Sinikak a ai itim anumpohonli chatuk oka; ahanchi tok.

* Uba isht ai anumpa chuka.

35. Ai apissalechit im anukfila hv́t tok.

22. Mihma vbanumpeshi vhliha, micha asononchika vhliha, iksa vhliha moma ai itvpeba kv́t ilap ai itvpeha akinli, hatak ai vhtuka hq Pal, micha Banevvs ita tuklo ka ai itvpilinchit Antiak a pit tihlela he, vhlpesa ahni tok, Chutvvs osh Basevvs hohchifo, micha Sailvvs itatuklo itibapishi vhliha ya moma i shashuli kak vt tok.

23. Micha holissochit ibbak foki kv́t yakohmichi tok. Ubanumpeshi vhliha, micha asononchi ka, micha itibapishi vhliha aiena kv́t, itibapishi vhliha okla nan ik ithano vt tok Antiak, Silia, micha Silishi puta aiasha ka pit aiokpvchishke.

24. Yvmohmi kv́t hatak kaniohmi ilvppa asht ia tuk osh, anumpa isht hv́chi ataklammit hv́chi shilombish okpanit, Hv́chi hakshup vt tapa cha, nan vhlpisa ya hv́sh holitoblashke, ahanchi tuk a e haiyaklo tok; yvmmak oka il atohno tuk keyu hoke.

25, 26 Chukvsh vt achvfa chohmit itvnahvt e chieya mvt, hatak vhtuka hv́pin Chitokaka Chisvvs Kilaist hohchifo pulla ka ilap im ilhfiopak a a kaiyanchi chohmi hatak o, pi holitopa Banevvs, micha Pal ita tuklo ka ai itvpehv́chit pit e hv́chin tihlela he a, vhlpesa il aiahni tok.

27. Yvmohmi hatuk osh Chutvvs, micha Sailvvs aiena ka pit e hv́chin tihleli hoka, mih hosh yvmmak ash fena ka itih hq isht hv́chim anohoula hi yoke.

28. Yvmohmi ka Shilombish Holitopa, micha pishno il aiena kv́t nana kv́t weki kv́t ai vhlpesa ilvppa chomi

ka, ai i shahli hō e hŭchi onucha he keyu kak o vlhpiesa il aiahni tuk oke.

29. Yuhmi kŭt nipi nā holba toba pit im issa tuk, micha issish, mikmŭt nana kŭt nuksitŭt illi tuk puta, micha ohoyo himitta itin lumāka aiena kak o, hŭchik ahalayo kashke. Yŭmmak o hŭchik il ahalayacho hokmŭto hŭsh vlhpiesa hi oke. Hŭchi achukmakashke; achi tok.

30. Yuhmi na okla pit tihleli ma, Antiak a ai vŭla tok; micha okla laua yā itahobit tahli mŭt, holisso hash ima tok.

31. Mihma yŭmmak ash okla itim anumpuli mŭt, nan im annoa kŭt okla nā yukpa tok.

32. Mihma Chutŭs, micha Sailŭs ita tuklo kŭt, ilap mŭt hopaii akinli hatuk okŭt, itibapishi vŭhliha hā anum-pa lāwa ka isht atohnohonchi cha kŭllo chi tok.

33. Atukosh yŭmmak ash ahāshwa na ahchieba ma, itibapishi vŭhliha yŭt aiokpanchi cha vbanumpeshi vŭhliha hā pit in tihleli tok.

34. Yuhmi kia Sailŭs vto yŭmmakinli ahanta kak osh im vlhpiesa tok.

35. Pal akkia, micha Banebŭs aiena kŭt Antiak a, inla laua hō ai itapehŭt mayŭt Chitokaka im anumpa hā im abahanchi, micha isht im anumpohonli aiena tok oke.

36. Yŭmmak atuk a nitak ont isht kanohmi ma, Pal vt Banebŭs ash, Anonti iŭt tŭmaha moma Chitokaka im anumpa il ai anumponli tuk vt, il itibapishi vŭhliha hā i nowŭt aŭŭt kaniohmi hosh ai ashakma e pisashke; im achi tok.

37. Mihma Banebŭs vt Chani osh Mak hohchifo ka ālauint aya he a ahni tok.

38. Yuhmi kia Pafilia ai i filummi cha iba takla nan isht vttvt ik ayo ke tuk ash, ibauint aya ik vllhpeso, Pal vt ahni tok.

39. Mihma itachoa kvv kullo fena hatuk osh, iti filummit okla tok. Yuhmi ma Banevys vt Makā ilauei cha peni fokvt Saipilys a ona tok.

40. Mihma Pal vt Sailys a hoyo cha itibapishi vhliha yvt Chihowa im aholitopa he mak o, pit im issa ma, ia tok.

41. Mihmvt yummak ashot iksa vhliha ya hlampkuchit isht ayvt, Silia, micha Silishi aiena ka hlopulli tok oke.

ANUMPA NISHKOBO ISHT AUAHHANALI—XVI.

36. Pal vt Timoti a hakshup tvpli tok.

1. Yumohmi mvt Tabi, micha Listi aiena ka vla tok. Mihma yumma nan ithvna achvfa Timotivs bohchifo hosh anta tok; Chu ohoyo na yimmi o ushi; amba iki okvto Kvlik hatak vt tok.

2. Yummak oka itibapishi vhliha Listi, micha Aikoniym aiena aiasha kvv ahnichi tok.

3. Yummak osh takla aya he a, Pal vt aiahni tok; micha eshi cha hakshup tvpli tok, yakni koyofa yumma

aiasha kvto Chu vhlia hatuko, micha iki okvto Kulik hatak a momvt ithana hv tok oka.

4. Micha tymaha puta ahlopullit aya mvt, nan vhlpi-sa vbanumpeshi vhlia, micha hatak asononchi aiena Chiluselvm aiasha kv apesa tuk a, holitobla chi ka ihimvt okla tok.

5. Yumohmi ho iksa puta kv yimmi kv kullot hiohli ma, holhtina mvt laua kv nitak atukina, ishaht ia tok.

6. Yumohmi ma Fichia, micha Keleshi yakni aiena ahlopullit okla, micha Eshi a anumpa ha isht ai anumponla he keyu, Shilombish Holitopa yvt i miha tuk o,

7. Mishi a itylachi mvt, Betinia chukoa byuna tuk kia, Shilombish vt vhlpesa, ik im ahno tok.

8. Yuhmi ma Mishi a ant itiachi mvt, Toas a itylachi tok.

9. Mihma ninak o, Pal a nan isht ahoba yvt ant i haiaka tok. Masitonia hatak osh hikia cha, im asilhhvchit, Masitonia ako ala cha ant pi apela, ahanchi tok.

10. Mihma yvmak oka vbanumpa ont isht il im anumpula he mak o, Chitokaka yvt auet pi hoyo tok pulla ka, pim anukfilunla mvt, nan isht ahoba ka pisa tuk a, in chekosi ma, Masitonia ya ia pivvna tok.

11. Yuhmi cha Toas a il ahotuffi mvt, auet apissalint mintit Samoleshi e la tuk osh nitak atukla ka Nirpolis a e la.

12. Micha yvma ashvvt il ia mvt, Filipai, yvmak okvt tymaha chito kv Masitonia yakni koyofa yvma moma i shahli, okla wiha abinili a e la tok. Micha tymaha yvma il ashwa na nitak kanohmi tok.

13. Micha nitak hullo ma tymaha kuchvt ivt okhina lapali ka, yvmak o vba pit ai anumpuli chatuk a, ont

e chieya mvt, ohoyo hv̄t itahohumba ma il im anumpuli tok.

37. Litie vt vbanumpuli toba tok.

14. Mihma Chihowa aiokpanchi ohoyo achv̄fa Litie hohchifo, n̄a humma lusbi kanchi, Taiataila tv̄maha v̄tta yvt pi haklo tok; mihiq̄ chukv̄sh q̄ Chitokaka yvt tiwi na Pal vt nana isht ai anumpohonli ka anukfoka tok.

15. Micha ilap vt in chukachv̄fa aienvt baptismo mvt, asilhhv̄chit, Uno vt Chitokaka ya pit im ai ābli li ka hv̄chim ahobakmvt, an chuka ya ont hv̄sh chukoa cha hv̄sh āshwashke; ahanchi mvt, pi atushpalechi tok.

16. Yakohmi tok, v̄ba pit ai anumpuli ia hosh il aya ma, ohoyo himitta achv̄fa kv̄t isht ahullo shilombish anukfoka hosh pi afama tok; yvm̄mak okvt nan anolit ilahobit v̄lhtoba chinto i shahli v̄hliha isht im ahayuchi vt tok.

17. Yvm̄mak ashot Pal, micha pishno aiena ka pi akaiyvt aya mvt tahp̄lv̄t, Hatak yakohmi kv̄t Moma, i Shahli Chihowa yak̄o, in tv̄shka v̄hliha yosh aiokchaya hina hv̄pim abahanchi hoke; ahanchi tok.

18. Mihmvt iluppa yakohmi na nitak kanohmi tok. Yuhmi kia Pal vt ik im v̄lhpeso hatuk osh filema mvt, shilombish ash, Chisv̄s Kilaist hohchifo pulla h̄q, chishno vt yvm̄ma ish akucha ch̄i ka, ch̄i miha lishke; im achi tok. Mihma yvm̄mak ashot mih makinli h̄q kucha tok.

19. Yvm̄ohmi ma i shahli v̄hliha yvt nan isht ai ahayunchi ashot kv̄nia na pisa mvt Pal, micha Saisv̄s ita

tuklo ka hokli cha, hulat ishtivt nan vpa a kanchi a isht chukovt, hatak pehlichī vhlīha yā isht im ona tok.

20. Micha ishtivt tvshka chipota ī miko vhlīha yā isht im ona cha, Hatak iluppvt Chu okak osh hvpin tum-aha hā ataklavvmmi fenvshke.

21. Micha Lom okla pia hvv, nan vlvhisa yvmma il aiokpvchi cha, e holitobla he pim ai vlvhesa keyu ka pim abahanchishke; ahanchi tok.

22. Yuhmi ma okla laua yashot im asvnalit himona achvfa wakaya tok; mihma tvshka chipota ī miko vhlīha yashot im ilefohka yā okla ishveli mvt bola chī ka, okla apesa tok.

23. Mihma fuma lava hō okla onuchi mvt, aboha kvllo apesvchi a achukmalit apesahancha chī ka im apesvt tahli cha, aboha kvllo pit apitta tok.

38. Aboha kvllo apesvchi vt vbanumpuli toba tok.

24. Yvmmak ashot nana kvv yakohmit im vlvpihisa mvt, aboha kvllo anyakaka pilla pit apitta cha, iti iyi isht akvllo isht akvlluchi tok.

25. Yvmohmi tuk o ninak iklvnna ma. Pal, micha Sailvs ita tuklo kashot vba pit anumpulit, Chihowa pit aiokpvchit in talohova tok; mihma aboha kvllo vlvpin-ta tuk vt haiyaklo tok.

26. Mihma yakosi fena makinli hō, yakni winakvchi chinto na, aboha kvllo nutaka intola yvt ilhkoli tok: mihma ashalika okhisa yvt momvt tiwa ma, momvt im isht talakchi yvt ī mokohli tok.

27. Mihma aboha kullo apesvchi yvt nusi tuk vt okcha cha, aboha kullo okhisa puta kvt tiwa ho pisa mvt, aboha kullo vhto a tihlaiyvt tamoa tuk a, im ahoba mvt i bvshpo falaia ya hvllat shufi kvt ileba chin tok.

28. Yuhmi kia Pal vt chitolit pit tahpvlvt, Momvt iluppa e maya hoka, nana kia chik ile kanehcho kashke ; ahanchi tok.

29. Mihma pyla ha pit hoyo cha, mvlet pit chukovt wvnihinchi hosh vla mvt, Pal, micha Sailvs ita tuklo itikba ya ant hlipia tok.

30. Micha pehlichit kucha mvt, Hatak hvchia ma, sai okchaya chi kvtto nanta ko katiohmi la chi cho? achi tok.

31. Yuhmi ma, Chitokaka Chisvs Kilaist ako ish i yimmashke, mik makosh chishno, micha chin chuka achvfa aienvt chi okchaya hi oke ; achit okla tok.

32. Micha Chitokaka im anumpa ha ilap, micha in chuka anuka ya maya tuk ash amominchit isht im anum-poli tok.

33. Milma ninak hvshi kanvlli isht vhpisa mih mak-inli ho ishi cha, asvma tuk a achefa tok ; mihma ashalika ilap vt in chukachvfa momvt baptismo tok.

34. Micha pehlichit im aboha ya ishit chukoa mvt, ilhpak a itikba in talohli mvt, in chukachvfa ya amoyumvt Chihowa ya yimmit na yukpa tok.

35. Yvmohmi tuk onnvt taha ma, tvshka chipota i miko vhliha yvt anumpeshi a pit tihleli mvt, Hatak yvm-mvt ant ik itiachi, ahanchi tok.

36. Atuko aboha kullo apesvchi yvt Pal a anumpa iluppa im anolit, Tvshka chipota i miko vhliha yvt ant

ik aya, auet hvchim aiahni tuk oke ; yvmohmi hoka himak ano kvchvt irt, na yukpvt hvsh ayashke, achi tok.

37. Yuhmi kia Pal vt, Anumpa vllhpisa yosh pi onuttula keyu ka, Lom hatak pia hokako haiakvchi hosh pi fahami cha, aboha kvllo ya pit pi apitta tuk ; yuhmi kashot anonti pe, luma hosh pi kohchi hoh cho ? Yuhma he keyu pullvshke. Amba ilapo inlit ai ala cha, isht pi kohchashke ; im ahanchi tok.

38. Atuko anumpeshi ashot anumpa ilvppa tvshka chipota i miko vhliha yash ont im anoli tok. Mihma yvmvvt Lom hatak atuko okla haklo mvt, nukshopa tok.

39. Mihmvt aiala cha ant im asilhvvt, isht kohchi mvt, tvmaha ha akuchvt okla hinla ka, im ahni tok.

40. Mihma aboha kvllo a akuchvt ia mvt, Litie in chuka ont chukovt okla tok ; micha itibapishi vhliha ya pisa cha hopohlalit tahli mvt, kuchvt itiachi tok oke.

**39. Pal vt Tisalonaika ya vba isht
ai anumpuli tok.**

1. Yumohmi kashot Afipolis, Epolonia aiena ka hlo-
pullit okla mvt, Tisalonaika yummak o Chu okla *i sin-
ikak vt bikia ho itvlachi tok.

2. Mihma Pal vt yumma ko ayuhmi atuk okvt ont
iba chukoa cha, nitak hullo nitak tuchina ka holisso ho-
litopa ya ai isht okla ha im anumpohonli tok.

3. Kilaist vt issikkopa he, micha illi tuk osh falamvt
tana he vt ai ulhpiesa tok, isht i fahpullit im abvchit,
yumohmi ka Chisvs ilappa vno vt isht hvchim anumpo-
honli li kak osh, yummvt Kilaist mak oke ; achi tok.

4. Mihma kanimi kvv yimmi mvt Pal, Sailvs ita tuk-
lo kash iba kaha tok. Mihma Kulik hatak vbanumpuli
laqua fena, micha ohoyo holitompa aiena kvv kanomosi
tok keyushke.

5. Yuhmi kia Chu okla nan ik yimmo hokvto anuk-
hobela mvt, hatak haksi nan isht vtta ik im iksho kanioh-
mi ho pehhechit itvnali cha, tumaha okla ka mominchit
nukhlakashlit, Chesvn in chuka ya o yihlepa tok ; micha
pehlichit kuchvt okla isht im vla chi hosh yummak ash
hoyo tok.

* Uba isht ai anumpa chuka.

6. Atukosh yummak ash okla ik ahayucho mvt, Chesvn micha itibapishi vhliha kaniohmi ka aieninchit, hvlat tvmaha apehlichy vhliha ya isht im ona cha, tahpvtvt, Yakohmi kvt yakni a shot filimmi tuk vt ivppak kia ai vlvshke.

7. Mihio Chesvn vt pehlichit ishi tuk ; micha yakomi kvt momvt Sisa i nan-vlhpisa aiahalaya keyu_ho, okla yvmohmit, miko inla Chisvs vt asha hoke, ahanchishke, achi tok.

8. Mihmvt okla puta, micha tvmaha apehlichy vhliha aiena kvt na yakomi ka haklo ma, nukhlak ashli tok.

9. Mihmvt Chesvn, micha inla aiena anumpa nana ho im ai ishi kvt im vlhpesa mvt, asht ik itvnowa, okla im ahni tok.

40. Pal vt Belia ako ai anumpuli tok.

10. Mihma itibapishi vhliha yvt ashalika ninak o Pal, Sailvs itatuklo kash Belia pit tihleli tok ; yummak ash itonachi mvt, Chu okla i sinikak o ont abeha tok.

11. Yakomi kvtto hochukma kvt Tisalonaika maya ka i shahli tok, imanukfila mominchit isht aiokpanchit anumpa ha ishi hatuk osh, micha yvmmvvt yuhmi ho mvhli ho chishba, nitak moma Holisso holitopa ya a hohoyo tok.

12. Yvmohmi hatuk osh okla yvmmvvt laua hosh yimmi tok ; mihma Kvlik ohoyo holitompa vhliha, micha hatak aiena mvt kanomosi tok keyushke.

13. Yuhmi kia Chu okla Tisalonaika asha kvt, Pal vt Chihowa im anumpa ha Belia ya isht aianumpohonli

ka pit akostininchi mvt, yummak ash kia okla ai ala cha, okla hā ant okpani tok.

14. Mihma ashalika itibapishi vhlia ashosh Pal a okhvt a ko ia chohma chi ho, pit chvfichi tok. Amba Sailvs, micha Timotivs itatuklo kvto yummakinli ho ashwa moma tok.

41. Pal vt Etins a ai anumpuli tok.

15. Mihma Pal ilauet isht okla aya tuk vt Etins a isht ona tok ; micha Sailvs, Timotivs itatuklo kvv tushpa fenvt im itonancha chi ka, pit i miha anumpa ishi mvt, okla ilhkoli tok.

16. Yuhmi ma Pal vt yumma pit hoyo hosh Etins a anta takla cha, tumaha hvv na holba toba banot isht alotowa na, pihisa mvt imanukfila hvv ik vhpeso ki tok.

17. Yvmohmi hatuk osh Chu okla, micha vbanumpa ahni vhlia aiena ka, sinikak micha kvna ho nana aiita-toba ai itafama hokvt nitak moma ai im anumpohonli be-ka tok.

18. Mihma hatak nan-imponna Epikulvs ikxa, micha Istoik okla aiena kanihmi kvv, yumma okla itim anum-puli tok. Mihma kanihmi kvv, Anumpuli shahli ilvppvt nanta ko acha hinla? achi ma ; kanihmi kvv, Chisvs, micha falamvt tah iaiena isht im anumpuli hatuk o, Yakni kanima nan isht ahullo ho isht anumpuli ya chinishke; achi tok.

19. Mich a okla ilauet ishtivt, Mas nvnih a isht ona mvt, Ilvppvt anumpa himona nana ho isht ish ai anum-puli hatukma, il ithvna hinla cho?

20. Chishno yokvt nan inla nana makō pihaksobish a ant ish foyuki hoka. Yuhmi hoka ilvppvt kaniohmi hatuk okma il akostincha hinlvshke; ahanchi tok.

21. Etins okla moma, micha yakni inla hatak puta yvmma aiasha aiena kvrt, nan inla yō keyu, amba nā himona fena anoli, keyukmvt haklo hokma, nana hosh aiasha bilia hatok oka.

22. Yvmohmi ma Pal vt Mas nvnih iklvnna ya hikia cha, Etins okla hvchia ma, nana akaniohmi puta ka nā holba toba ya hvsh aiokpanchi fena hō, hvchim akostinichi lishke.

23. Ant ia li kvrt hvchi nā holba toba puta ka pihisa li mvt, vba tvla ya, K v n a i k i t h a n o C h i h o - w a m a k o , achi, ilvppak osh isht ai o holisso ka pisa li hokvno. Yuhmi hoka hvsh ithana keyu hosh, pit hvsh aiokpahanchi chatuk, mihmakō vno vt hvchina anohonli lishke.

24. Chihowa yakni, micha nana moma yvmma anykaka aiasha aiena ka ikbi tok; yvmmak okvt vba shutik, micha yakni aiena ka in Chitokaka yokvt timpil puta ibbak a isht toba ya, aiahanta keyu.

25. Micha nana hosh ik im iksho hatuk o, hatak ib bak vt im isht anta chatuk keyu; yvmmak osh moma ka okchaya, micha im ilhfiopak, micha nana moma aiena ka ihima hatuk oka.

26. Micha issish achvfa hō, hatak oklushi moma yakni paknaka amominchit aiasha he a ikbi tok; mihmvt nitak kaniohmi vlvhvisa hō, micha kanima yō aiasha he puta ka, apesa tok.

27. Yvmvmt Chitokaka ya hoyā chi hvrt tok; yvmmak okvto eho moma ka hvpi mishemanchi keyu nana kia, yuhma he yobakmvt, pasholit hoyo fena cha, yvmmak oka ahaucha hinla hoke.

28. Hvpishno vt yvmmako iloh aiokchaya, micha ilhkolit, iloh aiasha hoka. Hvchim ataloe ikbi kaniohmi kv̄t, Hvpishno akkia yvmma ushi hv̄pia hoka, ahanchi akinli tok oka.

29. Yuhmi ka Chihowa ya ushi v̄hliha pia hokv̄t, Chihowa imma ya tv̄li holisso lakna okma, keyukmv̄t, tv̄li hv̄ta, keyukmv̄t tv̄li, hatak nan isht vtta imponna nana anukfilli hosh, na holba ikbi ya chohmi hoka, hv̄pim ahoba hetuk keyu hoke.

30. Nan ik ithaiyano nitak yvmmak foka hokv̄no, Chihowa yv̄t tohmosonli hosh pihisa tok kia; amba himak okv̄no hatak okluha kanima moyuma ahanta kv̄t ilekostinincha he ako, im apihisv̄shke.

31. Hatak a ilapo inlit atokoli tok, yvmmak o yakni a aiahli banot nan isht im apesa he vt nitak a apesa tok okv̄t; illi tuk a tanichi hosh moma ka im ai ahlich̄i tok; ahanchi tok.

32. Illi falamv̄t tana he puta okla haklo mv̄t, kanihmi kv̄t isht yopula tok; mihma kanihmi kv̄t, Anonti himmakma ilv̄ppa e chim a hakla hi oke; achi tok.

33. Yakohmi ho Pal vt okla iklv̄nnaka ya, akucha tok.

34. Yuhmi kia hatak kaniohmi kv̄to yimmi cha, yvmmak ash ibakaha tok. Yvmma iba takla kv̄t Taionishv̄s, Mas mv̄nih nan ai apesa, micha ohoyo Tamelis hohchifo hosh, anonti inla ai itv̄peha tok oke.

ANUMPA NISHKOBO ISHT AUAHUNTUCHINA—XVIII.

1. Nana kv̄t a yakohmi ha ya, Pal vt Etins a aku-
chvt ia mvt, Kolin a v̄la tok.

2. Micha Chu hatak achvfa Akwela hohchifo, Pan-
tvs ai vtta tok vt, tekchi Pisila ita tuklo kv̄t, Kilativs vt
Chu v̄hliha yvt momvt Lom a akucha wiha ch̄i ka, ape-
sa hatuk o, Etili ya vshvvt itvlachi tuk a cheke hosh
ashwa na, pisa mvt yummak o im ona tok.

42. Pal vt Kolin a ibbak isht atok-
sv̄li, micha v̄ba isht ai anumpuli
aiena tok.

3. Micha ilapvt atoksv̄li itim ai achvfa hatuk okvt,
takla ahantvt toksv̄li tok; yummak okvt isht v̄lhtipo ik-
bi im v̄lhtayak v̄hliha hv̄t tok okvt.

4. Mihmvt sinikak a nitak hullo moma ai anumpulit,
Chu v̄hliha, micha Kv̄lik okla aiena ka nukfokichi
tok.

5. Atuko Sailvs, micha Timotivs ita tuklot Masito-
nia vshvvt itvlachi ma, Pal vt chukv̄sh vt a yimi-
hintā mvt, Chisvs akosh Kilaist pulla mak atuka, Chu
okla ha im abahanchi fena tok.

6. Mihma okla i sv̄nalit ik ahobalot anumpuli ma,
ilap im ilefohka ya wilohli mvt, Hv̄chissish vt hv̄chi

nishkobo akinli hō onuttalushke, vno vto sa kashofvshke. Himmak pilla ano okla nan ik ithano vhlia ako im aya la chi hoke; im achi tok.

7. Micha yummak ash akuchvt ia mvt, hatak achvfa Chrvstvs hohchifo, Chihowa aiokpahanchi in chuka ont chukoa tok. Yumma in chuka yvt sinikak o bilikasi hō, talaia hvt tok.

8. Mihma Kispvs sinikak apehlichika yvt in chuka-chvfa moma ai itvpehvt, Chitokaka ya i yimmi tok. Mihma Kolin okla hvt haklo mvt, laua hosh yimmi cha baptismo tok.

43. Holhpokuna hosh isht ai i yiminta tok.

9. Mihma Chitokaka yvt ninak o, Pal vt holhpokona chohmi ka im anumpulit, Chi nukshopa na, amba anum-puli, micha lumvt chik asho kashke.

10. Uno vt chi auat aya li hoka; hatak nana hosh chi onuttulvt chi hutupala he keyu hoke, tumaha ilvppa okla lauvt vm ai asha hoka; im achi tok.

11. Mihma Chihowa im anumpa ha ai im avchit ahanta na afummi achvfa cha hvshi hanalit aiena tok.

12. Atuko Kalio vt Ekaya i nahullo mikot ahanta na, Chu okla hvt im anukfila ai achvfa chohmit, Pal a o kinafvrt eshit nana ai apesa ya isht ona mvt,

13. Nan-vlhvisa ya ai ahalaya keyu ka, Chihowa ya aiokpvcha chi ka, hatak ilvppvt okla ha atohnohonchishke; ahanchi tok.

14. Mihma Pal vt ilap itih ha wakvmma chi foka ma, Kalio vt, Chu okla hash nana kvv ik vlhpeso, ke-

yukmvt, okpulo fena nana hatuk okmuno, vno vt hvchim aiokpanchi la he a, ai vlpiesa he tuk oke, Chu okla hvchia ma.

15. Amba anumpa, micha -hohchifo puta, mikmvt hvnhī nan-vlpisa imma aiena isht anumpa hatukmuno, hvchishno akinli hosh yummuno isht hvsh ahashke. Uno yokvto nana yumma chohmi hokvno, nan apesvt ahanta la he keyushke; im achi tok.

16. Mihmvt nana ai vlpisa asha tukā kvnom pit tihleli tok.

17. Mihma Kvlik vhliha hvv momvt sinikak apehlichī Sastinis a, okla hoklit eshi cha, nana ai vlpisa itikba ya a boli tok. Mihma Kalio vt yumma puta ka nan isht ik ahno tok.

18. Yakohmi ha ya, Pal vt ahanta na nitak kanohmi tok; atuk osh itibapishi vhliha ya aiokpvchit tahli mvt, Pisila, micha Akwela aiena ka ai itapihvt peni fokvt ayvt Silia ya ia tok; anumpa ha il onuchi tok okvt, Sikilia pashi ai vno tok.

19. Micha Efsvs a vla mvt, yummak o ant ashachi cha; amba ilapo vto vba isht ai anumpa chuka ont chu-koa cha, Chu vhliha ya im anumpohonli tok.

20. Mihma takla anta na, hopaka hinla ka, okla ahni ma, ilap akosh ik haklo tok.

21. Micha okla ha aiokpvchi mvt, Ik kaniohmi kia, chepuli mihinti ilvppa Chiluselvm ako ai isht anta la chi hoke. Yuhmi kia Chihowa akosh ik yuhmi ahni hokma, falamvt chim aya la he akinli hoke; ahanchi tok Mihmvt peni fokvt Efsvs vttvt ia tok.

22. Atuk osh Sisalia ya ont atayali cha, pit oiyvt iksa vhliha ha ont aiokpvchit tahli mvt, Antiak a ia tok.

23. Mihmvt yvmma ont anta naha cha ia mvt, Keleshi, micha Fichia yakni aiena ka, nan ithvna vhlia moma hlampkuchit abayvt ayvt hlopulli tok.

24. Mihma Chu achvfa Epalvs hohchifo, Aliksantia ai vtt tok, hatak anumpuli imponna, micha Holisso holi-topa ya imponna fena yosh Efisvs a vla tok.

25. Hatak ilvppvt Chihowa i hina yvt im vlvchi yvt tok; micha chukvsh vt ai yimihinta hatuk osh, Chani i baptismo ak illa ho ithana hosh, achunanchit Chitokaka imma ya isht anumpuli, micha im avchi aiena tok.

26. Micha nukwaya kvk iksho hosh, sinikak a ai anumpulit ishtia tok. Yvmmak ashq Akwela, micha Pisila ita tuklo kvk haklo mvt, yvmmak ash pit hoyo eshi cha, Chihowa i hina ya achukmalit i shahlehit im anohonlit okla tok.

27. Micha Ekaya ya ia ka bvna ma, nan ithvna vhlia yvt okla aiokpahancha chi ka, pit atahnochit, itibapishi vhlia yvt holisso-chi tuk o; yvmmak ashot vla mvt, i nukhaklo na yimmi tuk vhlia ya apelahanchi fena tok.

28. Yvmmak okvt, Chisvs akosh Kilaist mak vt tok a okla itin takla Holisso holitopa ya ai isht im abahan-chit Chu okla ha anukfoki fena tok oke.

1. Atuko, yakohmi tok, Epalus vt Kolin a anta mo-
ma ma, Pal vt ibetvp pilla ka ahlopulli mvt, Efisvs a vla
tok, micha nan ithvna kaniohmi ka ant pisa mvt,

2. Hvchi yimmi tok takla kvto, Shilombish Holitopa
ya hvsh eshi tok oh cho? im achi tok. Mihma Shilom-
bish Holitopa yvt asha hokma, nana kak kia, e haklo
chatuk keyu hoke; okla im achi tok.

3. Mihma, Yuhmi kvto, nanta ko ai isht hvchi bap-
tismo hvto? im achi tok. Mihma, Chani i baptismo ak
vt tok; okla achi tok.

4. Mihma, Chani vto ilekostininchit baptismo yo isht
baptismochi ho mvhli cha, ilapa iakayvt mihinti, Kilaist
Chisvs makv yimma he a, okla ha im ahanchi tok; Pal
vt achi tok.

5. Mihma ilvppa okla haklo mvt, Chitokaka Chisvs
hohchifo ha isht okla baptismo tok.

44. Pal vt ibbak isht ombitepaka
Shilombish Holitopa yvt anukfohy-
ka tok.

6. Mihma Pal vt ibbak a okla hash, isht ombitepa
ma, Shilombish Holitopa yvt ant onuttoyula tok. Mihma

anumpa ilaiyuka okla anumpuli mvt, vbanumpa aiena isht anumpuli tok.

7. Micha hatak vt moma kv̄t auah̄tuklo foka hv̄t tok.

8. Micha sinikak ont chukov̄t, nukwaiiksho hosh, Chihowa apēhlichika imma yā isht anumpulit, anukfokichit ahanta na hushi tuchina tok.

9. Yuhmi kia kaniohmi hokv̄to chukv̄sh kv̄llo taha cha ik yimmo mvt, hina yv̄mmak ash nā mihachit okla laua itikba yā ai anumpohonli ma, yv̄mmak ashot ai i filv̄m̄mi cha, nan ithv̄na v̄hliha hash a filamolechit eshi cha, Tailanvs osh nana aiikhv̄na i hikia hō, nitak moma aianumpohonli tok.

10. Ilv̄ppa yakohmi kv̄t imoma na, afv̄m̄mi tuklo tok; yuhmi hatuk o, Chu, micha Kv̄lik okla aiena Eshi ai asha tuk vt momvt Chitokaka Chisvs im anumpa hā haklo tok.

11. Mihma Chihowa yvt nana kv̄t isht ahullo fena kaniohmi ka, Pal ibbak ā isht ayv̄m̄ihinchi tok.

12. Yv̄mohmi hatuko, nantapv̄ski puta, keyukmvt, tikba takohlichika, yv̄mma haknip ā ai isht abeka puta ka isht im ohona; yuhmi ma nan ililli puta kv̄t ai i filamoli, micha shilombish okpulo aiena kashot akohuncha beka tok.

13. Yv̄mohmi ma Chu kaniohmi nan isht-ahullo okpulo kuchi ilahobit itanowa yvt, shilombish okpulo anukfoka v̄hliha hā, Chitokaka Chisvs hohchifo hā isht ai o hohchifochit pisvt, Chisvs, Pal, vt yv̄mma isht ai anumponli ka pulla hō, anumpa kv̄llo ai isht e chi onohunchishke; ahanchi tok.

14. Yuhmi ma Chu hatak Sifa hohchifo, nā holitompa isht asha pēhlichika o ushi untuklo hosh yv̄mma yuhmi tok.

15. Mihma shilombish okpulo ashot falvmmminchi mvt, Chisvs a ithana li, mikmvt Pal ano ithana li; amba hvchishno akosh kvt hvchia ho? achi tok.

16. Mihma shilombish okpulo yvt a foka hatak ashot yvmmak ashq mvlllet, onuttulvt isht i shahlichit im aiya-chi tok; yvmohmi na na fohka iksho micha ai okpulo kvt taha aiena hosh, chuka yvmmak ash akuchvt yihlepa tok.

45. U b a n u m p a y i m m i k v t l a u a t o k .

17. Yuhmi ma Chu okla hvvt moma, micha Kvlik puta aiena Efisvs asha tuk vt, ilvppa okla akostininchi tok; mihma na nukshopa hvvt mominchit onuttoyula ma, Chitokaka Chisvs hohchifo hvvt holitopa tok.

18. Mihma na yimmi tuk vt laua hosh ai vlvt ant il anolit, nana akaniohmi chatuk puta kvt anohonli tok.

19. Micha isht ahullo imponna vhliha hatuk aiena kak kia, laua hosh i holisso puta ka isht itahoba cha, hatak moma itikba ya ahukmi tok, Micha ai vltoba ya okla hotihna mvt, tvli hvta boshulli tahlepa sipokni pokoli tahlapi tuk o, akostininchi tok.

20. Chibowa im anumpa hvvt kvlllo kvt i shaht ia fena, yakohmi hosh im aiya-chi tok.

21. Nana kvt a yakohmit ont ai issvchi ma, Pal vt Masitonia, micha Ekaya aiena ka hlopullikmvt, Chiluse-lvm a ia he vt, chvkvrsh a isht ai ahni mvt, Yvmma ont anta le tukmvt, anonti Lom ma pisa li pulla akinlashke; ahanchi tok.

22. Mihmvt im ai itapela tuklo Timotivs, micha Elastvs aiena ka Masitonia pit tihleli cha, amba ilapo vto Eshi ya anta na ahchiba tok.

23. Mihma nitak yvmma fena ma, hina yvmma okla hv̄t nanumachi fena tok.

24. Hatak achv̄fa Timitilvs hohchifo, tv̄li hv̄ta ikbi, yvmmak osh 'Taiena ya tv̄li hv̄ta itomlushi puta im ikbi yosh isht vlhtoba mvt chv̄bihasi keyu hō, hatak nan ikbi imponna vhliha ya isht im ala cha ;

25. Yvmmak ash, micha nan isht vtta ai itim achv̄fa vhliha aiena ka hoyot itahobi mvt, Hatak puta ma, nan isht ai vtta ilvppa pulla hō, nan isht il ahayuchi ka hv̄sh ithaiyanvshke.

26. Yvmohmi ka Efisvs akō bano keyu, amba Eshi a ameminchi chiyuhmit Pal ilvppvt, ibbak isht toba yokvt Chitokaka vhliha nana hō keyu hoke, ahanchi cha, okla laua ka anukfokichit filamolihinchī ka hv̄sh pīsa, micha hv̄sh haklo aienvshke.

27. Yvmohmi ka hv̄pishno nan isht iloh ai vtta ilvp-pak bano hō, ik ahobalo ka he fena keyu ; amba nan ishtahullo ohoyo chito Taiena in timpil akkia aienvt kalakshikma, anonti yvmmak o Eshi moyuma, micha yakni puta kv̄t aiokpahanchi yash isht aholitopa yvt ont ai ok-pulot kv̄nia hinla fena hoke ; achi tok.

28. Mihma okla haklo mvt, anukhobelvt alota mvt, tahpvlvt, Efisvs okla in Taiena vt chin-to hoke : ahanchi tok.

29. Mihma tvmaha hā yahapa kv̄t alotvt kv̄nia tok. Micha Masitonia hatak, Pal apehvt nowvt aya Kayvs, micha Alistakvs ita tuklo ka hoklit okla ishi mvt, imanukfila ai achv̄fa chiyuhmit yihleptv̄t, okla ai itahoba cha-tuk a pit abeha tok.

30. Mihma Pal vt okla hā pit iba chukoa bvnna tuk akō nan ithv̄na vhliha yvt vlhpesa, okla ik im ahno ki tok.

31. Mihma Eshi hatak pehlichí v̄hliha kaniöhmi, ȳmma i kana yatuk vt, okla ai itahoba ya pit chukoa b̄vnnvt ik peso ka he a, ahnit pit im anoli tok.

32. Yumohmi ma kanihmi kv̄t nana hō mihalema, anonti inla m̄vt inla hō miha tok; it̄vnaha hak osh ai v̄lhpesa keyu hatuk o, micha moma chohmi kv̄t nana kaniöhmi hō it̄vnaha hatuk vt ik akostinincho ki tok.

33. Mihma Aliksanta ya okla laua akuchi ma, Chu okla hv̄t tikba pit hilechi tok; mihma Aliksanta ȳvt ibbak pit fah̄vmmi m̄vt, okla h̄a im isht il anumpuli b̄vnnā tok.

34. Yuhmi kia ȳvmmak ok̄vt Chu atuk o, akla akostininchi m̄vt, mom̄vt anumpa ach̄vfa, Efis̄vs okla in Taiena ȳvt chinto hoke, tab̄vltv̄t ahanchi na hv̄shi kan̄vlli tuklo foka tok.

35. Mihma t̄vmaha i holissochi yok̄vt okla h̄a yokopli m̄vt, Efis̄vs hatak hv̄chia ma, Efis̄vs t̄vmaha hv̄t nan isht ahullo ohoyo chito Taiena, micha n̄a holba toba Chupita a mintit akk̄atula tok tok aiena ka aiok̄pv̄chi a, hatak nanta hosh ik akostinincho kv̄t ahanta cho?

36. Yuhmi ka il̄vppa nana hō isht ai acha he o keyu hoka, hv̄chishno ȳvt nukchintot hv̄sh m̄aya cha, t̄ush̄pv̄t nana hv̄chik kaniöhmo ka he tuk oke.

37. Hatak yakohmi kv̄t timpil puta wehpulli keyu m̄vt, anonti hv̄chī nanishtahullo ohoyo ma ik ahobalot n̄a mihachi o keyu hakak o, il̄vppa isht hv̄sh la tuk oka.

38. Yumohmi hoka Timitil̄vs vt, micha hatak nan ikbi v̄hliha ȳmma apeha kv̄t, hatak nana kia nana im akaniohmi tuk in takanli hokma, nan v̄lh̄pisa nitak vt asha, micha nan apesa v̄hliha m̄vt m̄aȳvshke; nan v̄lh̄pisa iti onuchit ik asha.

39. Amba nana inla imma y_o hvsh ai asilhhvchi hokma, y_ummak okvto itvnaha aiahli h_o ai v_lhpisa hi oke.

40. Itvnaha ilvppak atuk a nana h_o isht il ai anoba he mvt iksho ; yuhmi hokvt himak nitak nana ai v_lhpi-esa mvt iksho ka, nan v_lhpisa yvt hvpi onuttula he fena hoka ; achi tok.

41. Micha yakmichit anumpulit issa mvt, itvnaha yash tishelichi tok oke.

ANUMPA NISHKOBO ISHT POKOLI TUKLO—XX.

46. Pal vt Masitonia ona tok.

1. Atuko yahapa kashot issa ma, Pal vt nan ithvna v_hliha y_a hoyo cha ai okpvchi mvt, Masitonia a ona ch_i hosh ia tok.

2. Atuk osh yakni puta y_ummak ash ahlopullit, im anumpohonli fenvt aya tuk osh Kv_lis a v_la tok.

3. Micha y_ummak o ahanta na hvshi tuchina tok. Mihmvt peni fokvt Silia ia ch_i foka ma, Chu v_hliha hv_t im aiichi ma, salamvt Masitonia pit hlopulli ka ahni tok.

4. Mihma apehvt Eshi ona kv_t Sapeta, Belia hatak micha Tisalonaika okla kv_t Alistakv_s, micha Sikv_untv_s, micha Tv_ubi hatak Kayv_s, mikmvt Timotiv_s aiena kak vt tok ; mikma Eshi hatak vt Tikikv_s, mikmvt Tafimv_s aiena kak vt tok.

5. Yakomi kv̄t tikba ilhkoli tuk osh Toas ak̄o ont ašhw̄t pi hoyo tok.

6. Mihma pvska ik shatv̄mmo vpa nitak vt ai issa-chi h̄a ȳo, peni v̄lbihvt, Filipai asht e minti kv̄t, nitak tahlapi h̄o Toas a il im ai ala cha, yv̄mmak o il ašha na, nitak vtuklo tok.

47. Pal vt Chitokaka im opiaka im-pa holitoblit antvt, vba isht anum-puli tok.

7. Mihma nitak hullo achv̄fa nitak ahpi h̄o, nan ithv̄na v̄hliha hv̄t pvska kobahlich̄a ch̄i hosh itahoba ma, Pal vt onnakma kanima ia ch̄i hatuk osh, im anum-puli mvt; anumpa hash isht mah̄aya na, ninak iklv̄nna ona tok.

8. Mihma aboha vba patv̄lhpo ai itahobvt m̄aya ka, p̄vla hv̄t l̄awa tok,

9. Mihma hatak himitta achv̄fa Yutikv̄s hohchifo hosh okisushi ȳa ašha tuk osh nusit kv̄nia tok; anonti Pal mvt anumpa h̄a falaiachi aiena hatuk o, nusit kv̄nia kv̄t akkia cha, vba patv̄lhpo ont atuchina h̄o v̄ttvt akka ont ittula cha, illi ȳo okla shot wakeli tok.

10. Mihma Pal vt pit ak̄oa cha ont onuttoyulvt ishi mvt, Im ilhfopak vt af̄oka moma hoka, ik hv̄chi nuk-hlakancho kashke; achi tok.

11. Yv̄mohmi hatuk osh falamvt oiya mvt, pvska ȳa kobahlichit impa cha anumpohonli hopaki, pol̄aka onnv̄t taha h̄o, kuchvt ia tok.

12. Mihma hatak himitta yashot okch̄aya h̄o, okla isht v̄la mvt, n̄a yukpa kv̄t chomi tok keyu.

13. Mihma tikba ivt peni ya il ona cha, ilap vt akka ayvt ia kakō ahni cha, yvmmak o miha tuk oka, yvmma Pal ont ai isht e foka chi, pim ahoba hosh peni fokvt ivt Asvs a il ona tok.

14. Atuk osh yvmmvt Asvs a a pi afama ma, ishit auet e foki cha, mintit Mitilini ya e la tok,

15. Micha yvmma asht peni fokvt, e minti tuk vt nitak atukla ma, Kaivs ichapaka e la tuk osh, anonti onna ma, Semvs ela cha, Tochilvm a ant il ashwa tok ; atuk osh onna ma mintit Mailitvs a e la tok.

16. Pal vt Eshi a antvt nitak i kvnia ik burnno hatuk osh, yuhma hinla yobakmvt, Pintikvs nitak a Chiluselvm a, ont anta chi hatuk osh, tushpvt aya hokvt Efisvs a peni fokvt ont ia he akō, ahni tok.

17. Micha Mailitvs akō vttvt, iksa in pehlichī vhliha ha Efisvs a pit hoyo tok.

18. Atukō okla im ai vla ma, Eshi ya ala li nitak vmona tok ai itin taiyakla kv̄t, nitak moyuma ka kani-ohmi hosh hv̄chi auat ahanta li chatuk,

19. Chukvsh akanlusi bieka, micha nishkin okchi mihinti fena hosh, Chu vhlīhat aiichit maya na, na pa-lvm̄mi puta sai onuttulvt, Chitokaka ya im antihya li tok.

20. Micha hv̄chishno nan isht hv̄chim ai vlhpesa puta ka hv̄chim a luhmi li tok keyu ; amba hv̄chim anolit ai itynaha, micha chuka puta, a hv̄chim abahanchi li tok.

21. Chu okla, micha Kv̄lik vhlīha aiena ka, Chihowa ilekostininchit i falama cha, hv̄pin Chitokaka Chisvs Kilaist a i yimmi aiena ka, im abahanchi li fena chatuk a, hv̄sh ithaiyanvshke.

22. Yvmohmi hosh himak a sa chukvsh vt pit a yiminta fena hosh, yvma nana a si akaniohma he ya pit ithana iksho hosh, Chiluselvm a ia lishke.

23. Amba Shilombish Holitopa akosh tumaha moma ka ai anolit, talakchi, micha na palvmmi puta kv̄t an takalishke; ahanchi kv̄t illvshke.

24. Yuhmi kia nan ilvppa puta kv̄t achvfona kia ik sa folulechoshke, micha na yukpa hosh a nitak ma, micha nan isht v̄tta Chihowa achukma ka anoli, v̄banumpa im av̄chi la he, Chitokaka Chisvs a ai im ishe li tuk vt atahli la chi kv̄t, vm ilhfiopak a a holitopa ak ai ahnoshke.

25. Yv̄vmohmi hosh himak a, Chihowa apelhichika ya isht hv̄chim anumpulit hv̄ch itin takla ma aya li chatuk a, hv̄sh moyuma kv̄t himmakma sa nashuka ya hv̄sh pisa chi keyu ka, ithaiyana lishke.

26. Yvmohmi hoka hatak okloyuha im issish a, vno yvt nan isht ai ahalali keyu kv̄t, ai ahli makosh himak nitak a hv̄chishno a hv̄chim anohonli lishke.

27. Ūno vt Chihowa imanukfila poyuta ka hv̄chim anoli ka, sa nukwaya iksho chatuk okv̄t,

48. Pal vt iksa in tikba v̄hliha ha ya atonichi tok.

28. Yvmohmi hoka hv̄chishno akinli, micha nan iakaya v̄hliha moma, Shilombish Holitopa yvt mih yo apesv̄chi puta hv̄ch ikbi tok a, ahah ahnit Chihowa im iksa puta ilap im issish akinli h̄q ishit chumpa tok a, mominchit hv̄sh pehlichashke.

29. Uno vt kanima atia li ha ma, nashoba okpulo nan iakaiya vhliha hash, i nukhaklo iksho makosh, ant hvchiba chukoa he ; ilvppa vno vt ithaiyana li hoka,

30. Micha hvchishno hvsh ai itapeha yash inli hatak akkia nan ikhvna vhliha ya filvmmichit il iakaiyvcha chi kvv, nan isht okpani ya anumpulit hiohla hi yoke.

31. Yvmohmi hoka, hvsh ile nuktahlachike ; micha afvmmi tuchina ka nishkin okchi mihinti hosh, nitak micha ninak poyuta ma, moma nan im anolit ahanta li kvv, ak isso kvvmohmi chatuk a hvsh ithaiyanvshke.

32. Inta il itibapishi vhliha ma, Chihowa, micha ilap o achukma isht anumpa aiena, yvmmak osh ai ahlichit hvchi hiohliche hinla, mikmvt hochukma toba tok vhliha moyuma ka ai itin takla ya, ai vttvt hvchima he vhlpiesa mak, yvmma ibbak a pit hvchi foki lishke.

33. Hatak nana kia in tvli hvta kia, mikmvt in tvli holisso lakna yokma, keyukmvt ilefohka yokma nana kia im anushkuna li chatuk keyushke.

34. Ahli, ibbak ilvppak osh vno, micha si apehvt aya puta na pi bvna ka, nan isht ahanta chatuk a, hvchishno akkia hvsh ithaiyanvshke.

35. Yakohmit toksahanli hosh ilbvsha puta ka hvsh apelvcha he tuk, micha Chitokaka Chisvs im anumpa puta, yvmmak okvt, Ima kak osh na yukpa kvv habena ka, i shahli hoke, achi tok a hvsh ithaiyana chi ka, mominchit hvchim anohonli li chatuk oke ; im ahanchi tok.

36 Micha yakmichit anumpulit taiyahli mvt, hachukbihleptv hikia cha, moma ka pehlichit vba pit anumpuli tok.

37. Mihma momvt nishkin okchi minti fena mvt, Pal ikonla ya okla onuttoyula cha i soksoa tok ;

38. Himmakma i nashuka ya okla pisa he keyu, miha tok; anumpa yummak o isht nukhaklo im atampa hvt tok. Mihmvt apihvt peni ya okla ona tok oke.

ANUMPA NISHKOBO XXI.

49. Pal Chiluselvm a ia tok.

1. Mihma yakohmi tok, yummak ash pit il oka topli cha, i mokofvt auet apissanlit mihintit, Kavs a e la tuk osh, nitak atukla ma Lotis a e la; atuk osh yumma ash-wvt Patela ya e la tok.

2. Micha peni vt Finishi ya ia hosh aya ka e pisa mvt, ont e chukoa cha e maya tok.

3. Atuk osh Saipilvs vt auet pi haiaka mvt, yummak ash pim vlfabeka imma yo talaya na, ont il ia mvt, Silia ya il ona cha, Taia yak o ont il ataya tok; peni na shali ka yummak o ont akucha wiha chi hatuk o.

4. Micha yumma nan ithvna vliha ya ont il ai aha-yuchi mvt, il ashwa na nitak untuklo tok; yummak osh Pal a Chiluselvm ik aiyo ka he a, Shilombish pulla hatuk mak o, im achi tok.

5. Nitak yummak ashot ont pin taiyaha mvt, pishno ashot kuchvt pi hina fokvt il ia ma, momvt tekchi vliha, micha im vlla puta aievt pi apehvt pisht aya na, tvm-aha ha ant e kucha tok; mihma oka takchvka ya ha-chukbihlevt e hieli cha, vba pit il anumpuli tok.

6. Atuk osh okla it aiokpŕchit pin taiyaha ma, peni pit il vŕhto ma, yŕmmak ashot falamŕt, in chuka ilhkoli tok

7. Atuko peni fokŕt, Taia asht e minti tuk ŕt ont pim ai vŕhli mŕt, Talimeis a e la cha, il itibapishi vŕhliha ya ant il aiokpachi cha, nitak achŕfa ho tukla il aŕsha tok.

8. Atuk osh ont onna ma, Pal a apeha pia hatuk ŕto kuchŕt iŕt, Sisalia ya e la tok ; micha Filip ŕbanumpa isht ŕtta, yŕmmak osh untuklo kash aiena hatuk ash, in chuka ont e chukoa cha apehŕt e maya tok.

9. Mihma hatak yŕmmŕt ushetik ohoyo himitta ushta hosh im aŕsha tuk osh, ŕbanumpa isht anumpuli tok.

10. Micha yŕmma il aŕsha na nitak kanohmi ma, hopaii achŕfa Akebŕs hohchifo hosh Chutia mintit vŕla tok.

11. Micha yŕmmak ashot ayŕt pim vŕla mŕt, Pal im ŕskofŕchi yash eshi cha, ilap ibbak micha iyi aiena ka isht takchi mŕt, Hatak ŕskofŕchi ilŕppŕt immi yatukma, Chu vŕhliha Chiluselŕm aiasha kŕt yakmichit takchi cha, ishit okla nan ik ithano ibbak a a foka hi yoke ; Shilombish Holitopa yŕt achishke ; ahanchi tok.

12. Mihma ilŕppa okla e haklo mŕt, pishno ashot yŕmmak inli aŕsha yatuk pit il aienŕt, Chiluselŕm a ik aiyo ka he a, okla il im ahni tok.

13. Mihma Pal ŕt aŕalŕmminchŕ mŕt, Katiohmi ho hŕsh ahni hosh yaŕyŕt sa chŕkŕsh a hŕsh kobŕffi cho ? Sa talakcha he ako illa keyu ; amba Chiluselŕm a Chitokaka Chisŕs hohchifo pulla ka, isht a si ai illa chŕ aiena kŕt ŕm vŕhtaha hoke ; achi tok.

14. Micha hakla he keyu ma, Chitokaka nan ahni yak osh ik yŕmohmi il ahni mŕt, okla il issa tok.

15. Mihmvt nitak yakohmi kv̄t ont taha ma, il il apoyua cha, Chiluselvm̄ a pit il ilhkoli tok.

16. Mihma nan ithvna v̄hliha kaniohmi kv̄t Sisalia ya asht pi apehvt ia akinli tok; micha Nesvn̄ Saipilvs v̄tta nan ithvna sipokni ka yq̄, yvmmakq̄ il ibai vshwa chi ka, okla pisht ona tok.

50. Pal vt Chiluselvm̄ a ont anta ma, iti hokli tok.

17. Atukq̄ Chiluselvm̄ ash il ai ona ma, il itibapishi v̄hliha yvt na yukpa hosh pi aiokpv̄chi tok.

18. Atukq̄ onna ma, Pal vt pi auant Chimis a im ona, mihma hatak tikba v̄hliha yvt momvt chieya tok.

19. Mihma yvmmak ash aiokpv̄chit tahli mvt, ilap vt nana isht ahanta hq̄, Chihowa yvt okla nan ik ithano v̄hliha itin takla ya, nana ai atahanli tuk puta kash q̄ atukowa fena kak q̄ anohonli tok.

20. Mihma okla haklo mvt, Chitokaka ya okla aiok pahanchi mvt; yvmmak ashq̄, Chu v̄hliha na yimmi kv̄t tahlepa sipokni kanohmi hosh ai asha kv̄t, yvmmak okvt moyumvt nan-vlhpisa holitobli fena ka, ish pihisvshke, il itibapishi ma;

21. Micha chishno vt, Chu v̄hliha hosh oklushi nan ik ithano takla asha ka, mominchit Mosis a okla issa chi ka, im av̄chit im vlla puta ka hakshup tvpla he tuk keyu, mikmvt ilap nana akaniohmi vlhpisa puta aiena ka, okla iakaiya he tuk keyu ka, ish i mihia hq̄, okla im annoa tok.

22. Yuhmi ka nanta mak oh cho? Ishla tuk a, okla hakla chi hokvt, okla laua yvt itvnaha pulla chi hoke.

23. Yvmohmi hoka pishno yvt nana e chi miha, ilvppak o ik chi yvmohmi; hatak anumpa holitopa ile onuchi tuk ushta hosh pim ashvushke.

24. Yvmmak o pehliechi cha, takla nan iba hullochit, micha chishno akosh vlhtoba hvt ibafokvt chi kvnia pulla na, okla nishkobo shafashke; mina momvt chishno a nana a chi haiyaklo tuk vt peh pilla hatuk; amba chishno akkia ai vlhpiesvt ish aya cha, nan vlhpisa ya ish holitobli ka ithaiyanashke.

25. Amba okla nan ik ithano na yimmi vhliha imma kamo, nana yvmma chohmi ka ik holitoblo ka chi, amba nana ka na holba toba pit im issa tuk puta, micha issish mikmvt nana kvt nuksitvt illi puta, micha ohoyo himitta itin lumaka aiena kak o, okla ik ahalayo ka he yak o, okla pim anukfilvt pit il i holissochi tok; im achi tok.

26. Mihma Pal vt hatak ash pehlichich cha, onna ma, nan iba hullochi mvt, vba nan isht pit aiokpvchi ya achvfa aiyuka pit im isht aiokpachi ha ya chi ho, nahullochi nitak vt ont taha ka, anola chi hosh timpil a chukoa tok.

27. Atuko nitak untuklo kashot ont taha ahosi ma, Chu vhliha Eshi minti tuk vt, yvmmvvt timpil anukaka ya asha na, okla pisa mvt, okla mominchit atushpalahinchit yvmmak ash ibbak isht ishi mvt;

28. Isil hatak puta ma, pi apela; hatak ilvppak osh yakni ilvppa, okla, micha nan-vlhpisa aiena ka i svnalit, hatak moyuma ka kanima mominchit ai imabvchi mak oke; micha achakalechi mvt, Kvlik vhliha ma pehlichit timpil a ant isht chukoa cha, aholitopaka ilvppak ash aiokpanishke; achit tahpahanla hvt tok.

29. Tikba ka Tafimvs, Efisvs hatak vt yvmma auant tvmaha anta ho, okla pisa tuk osh, yvmma Pal vt ilauint timpil a chukoa tuk a, okla im ahoba tok.

30. Mihma tvmaha hashot momvt wakaya ma, oklat yihlepvt itahoba tok ; micha Pal ash okla ishit timpil a akohchi ma ; chekosi makinli hq okhisa puta kashot vhlkvma tok.

51. Kvpitvni chito vt Pal hlakofichi tok.

31. Micha oka vbi bvna hosh maya ma, tvshka chipota aya-chvfa i kvpitvni chito ya, Chiluselvm vt momvt nan ik ai vhlpeso bano ka annoa kvv ayvt im vla cha ;

32. Yvmmak ashot ashalika tvshka chipota vhlha, micha kvpitvni puta ka pehlichi cha, chvsvt ivt im ona tok ; mihma kvpitvni chito, micha tvshka chipota vhlha aiena ka, okla pisa mvt, Pal a boli mvt issa tok.

33. Mihma kvpitvni chito ashot ivt itoma ona cha, yvmmak ash ishi mvt, tvli itatakvli tuklo hosh ishit talakcha chi ka miha tok ; mihmvt, yvmvvt kvna hatuk, micha nana hq kaniohmi aiena tuk a, asilbhvchi tok.

34. Mihma okla laua asha tuk vt tahpvlvt, kanihmi kvv kanihmichit miha ma, anonti kanihmi kvv inlvchi tok ; mihma yvmmak ashot yahapa hatuk o, ai atukowa ma ik ai akostinincho mvt, yvmmak ash isht holihta kvvlo ont foka chi ka, miha tok.

35. Atuko yakohmi tok, okla hak osh okpulo ka fena hatuk o, yvmmak ashot pit atuyvt ia ya ona ma, tvshka chipota vhlha yosh sholit ishtia tok.

36. Okla laua yak osh, Yvmma kanima isht oh ia cha, ahayvt iakaiya hatuk o,

37. Atuko Pal ashō holihta kullo ya, ont isht chukoa chi foka ma, yummak ashot kypitvni chito yash, Chim anumpule la hinla cho? im achi ma, yummak ashot, Kviklik anumpa ya ish anumpula hinla ho?

38. Chishno akosh Ichip hatak chia hosh, nitak tikba kash nan isht ish ataklaiyama cha, hatak bika vbi ya tahlepa sipokni ushtat pehlichit yakni haiaka ya, pit isht ish chukoa tok keyu? achi tok.

39. Mihma Pal vt, Ūno vt Chu hatak Tasvs, Silishi yakni tvmaha ai vtta, tvmaha ik ahoba nana hō ai vtta sia keyu hoke: mih osh okla hā im anumpule la he a vm ahnikbano, chim ahni lishke; achi tok.

40. Mihma yummak ashot vhlpesa im ahni ma, Pal ashot pit atuyvt ia ya o hikia cha, okla hā ibbak a pit i fahvmmi tok; micha lumma biekvt okla aiasha ma, Hiblu anumpa hō im anumpulit yak ahanchi mvt,

ANUMPA NISHKOBO XXII.

52. Pal vt kaniohmit vbanumpa nukfoka tok vi anoli tok.

1. Hatak il itibapishi vhlia, micha an tikba puta ma, himak a isht hvchim il anumpohonli li ka, hvsh haiyaklashke.

2. Yvmmvt Hiblu anumpa hō isht im anumpuli na, okla haklo mvt, isht i shaht lumvt aiasha tok.

3. Uno vt Chu hatak fena sia, Tasvs, Silishi yakni in tumaha ak o ai vtta li tok nana kia, tumaha ilvppa Kemilivl iyi itumaka yo ahantvt sa hofanti ; micha hatak tikba vhliha i nan vlpisa ai apissali mvt, vm vlba-hanchi tok ; mihmvt Chihowa ya pit achunanchi kvrt hi-mak a nitak hvsh moma kvrt, hvchi yvmohmi kak inli chiyuhmi li tok.

4. Mihma ilvppa yakohmi a makni, micha ohoyo aiena ka, illa he mak o, takchit aboha kvlllo pit apittvt ilbvshachi li tok.

5. Yuhmi ka na holitompa isht asha pehlich, micha hatak tikba vhliha hak kia momvt vm ithaiyana hoke ; micha yvmmak o il itibapishi vhliha pit i holisso ka, im ai ishe li hosh, yvmma asha tuk vt talakchi yo Chiluse-lvm a isht ala likma, na palvmmi pisa chi ho, Temaskvs a ia li tok.

6. Atuko yakohmi tok ; nowvt aya li mvt, hvshi vt tabokoli foka ho, Temaskvs a ona li hosi ma, ashalika nan tohwikeli chito vba minti kvrt ant tomit si afolupli tok.

7. Mihma akka ont sa tola cha, anumpa hvrt, Sal, Sal, nanta katiohmi ho, is sa palvmmichi cho ? vm ahanchi na, haiyaklo li tok.

8. Mihmvt afalvminchit, Kvta chia hoh cho, Chito-kaka ma ? achi li ma, Uno akosh Chisvs Naselit ai vtta mih yo ish i palvmmichi ka, sia mak oke ; vm ahanchi tok.

9. Mihma si apehvt aya tuk vt tohwikeli hokvno okla pisa mvhli cha, nukshopa tok ; yuhmi kia anumpa auet vm anumpuli hokvno okla ik haklo ki tok.

10. Mihma, Chitokaka ma, nanta kō katiohmi la chī hō? achi li tok. Mihma Chitokaka yashot, Wakaya cha, Temaskvs a ish onashke; mikma nana ish akaniohma he a chim v̄lhpisa tuk vt moyuma, yummak o a chim annoa hi oke; vm achi tok.

11. Mihma tohwikeli yv̄mma shohpakali tuk a ak hopanayo hatuk o, si apehvt aya tuk ibbak akosh sa hallowli hō, ayvt Temaskvs a ona li tok.

12. Mihma hatak achv̄fa v̄banumpuli nan v̄lhpisa ya isht ai āhli, Aninaivs osh, Chu v̄hliha yv̄mma ai asha ka moma ai im annoa achukma chatuk osh,

13. Ayvt vm v̄la cha hikia mvt, Itibapishili Sal ma, ish hoponayashke, vm achi tok; mihma hv̄shi kanv̄lli makinli hō, v̄bachakalit ilap a pisa li tok.

14. Mihma, Hv̄pin tikba v̄hliha in Chihowa yvt, chishno vt ilap o nan ahni ka ish ithaiyana he, mikmvt Ahli yv̄mma ish pisa cha, yv̄mma itv̄kha ai anumpa ma ish hakla he ya chi atokoli tuk oke.

15. Chishno vt nana hō ish pisa tuk, micha ish h̄aklo tuk aiena kvt, hatak moyuma ka im anoli chia ha chī mak oka.

16. Yuhmi kvt nanta katiohmi hō himak a ish ahchibali cho? wakaya cha, baptismot, Chitokaka ya pit hochchifot, nan chim aiashv̄cheka puta kvt kashofvt chī kv̄niashke; achi tok.

17. Atuko yakohmi tok, falamvt Chiluselvm ash ala lish timpil anukaka ya v̄ba pit ai anumpohonli li mvt, sa holhpokona chohmi tok.

18. Mihma yummak ashot v̄no ya, Nana isht is si ai anoli ka, okla chim aiokpahancha he keyu hoka, tushpa, micha Chiluselvm a chekosi ish akuchashke; vm ahanchi na pisa li tok.

19. Micha vno ashot, Chitokaka ma, chishno chi yimmi vhliha hatuk a aboha kvllo pit apittvt, sinikak puta ka, afahami li tuk a, okla ithaiyanvshke.

20. Micha Istifin atukowa chi anolit im issish hlatapa ka, vno akkia itomasi ya hikiya le tuk osh, yummvt illa chi ka, vlhpesa ahni li mvt, yumma vbit maya ka, im ilefohka ya ishi li tok oke ; achi li tok.

21. Mihma, Hopaki pilla, okla nan ik ithano vhliha aiasha kakō pit chi chvfichi la chi hoka, ish ayashke ; vm achi hokvno ; achi tok. (Paul.)

22. Mihma anumpa ilvppa vhli kano okla i haponaklo tok ; atuk osh chitolit, Hatak yumma chohmi ka, yakni a ai isht hokanchi, yummak okvt okchayvt anta he vlhpesa keyu hoka ; okla achi tok.

23. Micha okla tahpvlvt i na fohka puta kash shoelit kampilvt, lukfi pushi aiena ka peht vba pilvt maya ma,

24. Kvpitvni chito yvt yummak ashō holihta kvllo ya isht ona chi ka, apesa mvt, anonti yummak ash fvmmi hosh, nan imponakla na, kaniohmi hō okla hvt isht anumpuli kvv yuhmi fena hatukma, ilap vt akostinincha chi kvv, miha tok.

53. Pal vt fvmma he tuk kia, Lom hatak atuk osh hlakofi tok.

25. Mihma wak hakshup aseta chuhla ka, okla ishit takchi ma, Pal ash osh kvpitvni hvt bilikasi hikia tuk o, Lom hatak, micha nan vlhpisa yosh ai atukowa keyu ka, ish fvmma he chim ai vlhpesa ho ? im achi tok.

26. Kvpitvni vt ilvppa haklo mvt ivt, kvpitvni chito ya ont im anolit, Nana ish kaniohmi kvv, ahah ish ahnashke, ilvppvt Lom hatak oka ; ahanchi tok.

27. Mihma Kvpitvni chito ashot v_la mvt, Chishno vt Lom hatak chia ho? v_m anoli, im achi ma, yvmmak ashot, Yau, achi tok.

28. Mihma kvpitvni chito yashot afalvmm_inchi mvt, Ilap inli nan ahni hosh aya ilvppa, v_lhtoba chinto ho isht ishe li tok, achi tok; mihma Pal ashot, Amba vno vto si ai imoma yosh v_tta li tok oke; achi tok.

29. Yuhmi ma yvmma nan im ponakla he tuk ashot mihmakinli h_o, ai i filamoli tok; mihma kvpitvni chito ash kia, yvmmak okvt Lom hatak atuk a akostininchi h_a, micha takchi tuk aiena hatuk osh nukshopa tok.

30. Ont onna ma, kaniohmi h_o Chu v_hliha yvt anumpa h_a onuchi hatukma atukowa ka, akostininchi b_vnn_a hatuk osh, isht talakchi y_a i hotuffi mvt, n_a ho-litompa isht asha pehlich_i v_hliha, micha i nan apesa v_hliha moyuma kv_t itvna_ha ch_i ka, apesa tok. Mich_a Pal ash isht ona cha itikba y_a ont hilechi tok oke.

ANUMPA NISHKOBO XXIII.

54. Pal vt isht il anumpuli tok.

1. Mihma Pal vt hochitoka v_hliha y_a ai okchifelit pihisa mvt, Hatak il itibapishi v_hliha ma, imanukfila ai achukma biekvt Chihowa itikba ma ai ahanta l_i himak nitak fenvshke; achi tok.

2. Mihma nā holitompa isht asha pehlichi Aninaiṽs ashot, yṽmma bilika hiohmaya tuk ṽt itih hā lṽsalicha chī ka, miha tok.

3. Mihma Pal ashot, Chihowa yṽt chishno akō chissa chī hoka, holihta kṽllo tohbi chia ka; nan ṽlhpisa yō nan isht ṽm ai apesa chī hosh ish āsha mṽt, anonti nan ṽlhpisa yā ai ṽlhpesa keyu ka, sṽssa he ā ish miha cho? im achi tok.

4. Mihma a bilika hiohmaya tuk ṽt, Chihowa i nā holitompa isht asha pehlichi ā chik ahobalo ho? achi tok.

5. Mihma Pal ashot, Iloh itibapishi ma, yṽmmak okṽt nā holitompa isht asha pehlichi yā, ak akostinincho ke tuk oke. Chim okla talaya pehlichi yā ik ahobalot ish anumpuli na, achi hosh holihiso hoka; achi tok.

6. Yuhmi kia kashapa kṽt Satusi okla yokma, anonti kashapa kṽt Falisi yō akostininchi mṽt, itṽnaha itin takla yā taḥpṽlṽt, Hatak ili itibapishi ṽhliha ma, ṽno ṽt Falisi sia, Falisiō ushi sia hoke; illi falamṽt tana he isht a sai yimmi hatuk mak o, nan ṽm ai asilhhṽchi hoke; achi tok.

7. Yṽmichit anumpuli ma, itachoa anumpa kṽt Falisi ṽhliha, micha Satusi ṽhliha aiena itin takla yā takakanli tok; mihma okla laua yṽt ita kashapa tok.

8. Satusi iksa yokṽt falamṽt tana he ṽt takanli keyu, mikmṽt enchil, micha shilombish aiena kṽt iksho, achi hoka; amba Falisi yokṽto tuklonchit yimmit anoli hoke.

9. Mihma yahapa chinto kṽt takali tok; mihma holissochi ṽhliha, Falisi apehanchi kṽt wakaya cha, anumpa hā isht ai isso fenṽt, Nan ik ṽlhpeso nana kia hatak ilṽppa kil ai akostininchoshke; amba shilombish okma, keyukmṽt enchil okma nana hosh im anumpule tuk okma, Chihowa yā kiloh itebo kashke; ahanchi tok.

55. Pal vt atukla aboha kullo foka tok.

10. Mihma okla itachoa chinto kv̄t takali ma, kupitv̄ni chito ashot, Pal a okla it̄i halat niplin na ahni kv̄t, komunta mvt, ont afovt mokufit im ishit, holihta kullo ya ant foka chi h̄o, tv̄shka chipota v̄hliha ya i miha tok.

11. Mihma yvm̄mak atuk ninak a, Chitokaka yvt ant a hikiyvt, Pal ma, na chi yukpashke, Chiluselvm̄ a is si ai anohonli hatuk okvt, chiyuhmit Lom ma atukov̄vt ish ai anohonla chi pulla akinli hoke; achi tok.

12. Atuko onnvt taha ma, Chu v̄hliha kaniohmi kv̄t itibai achv̄fut anumpa kullo ile onuchit, Pal a okla abi ha keyukmvt ik impo, micha nana kia ik ishko ka chi kv̄t, mihiha tok.

13. Mihmvt pokoli ushta ka atampa hosh anumpa yakohmi ka ikbi tok.

14. Mihmvt na holitompa isht asha pehlich̄i, micha asononchika puta aiena ka im ai ala mvt, Anumpa kullo fena ka il il onuchi kv̄t, Pal a ke bokmvt nana kia ke po ka chi hoke.

15. Yumohmi hoka, himaka hv̄chishno, micha hochitoka v̄hliha hv̄sh ai itapeha kv̄t, yvm̄mak atuk ako anonti achukmalit i shahlechit im ai asilhhv̄cha chi h̄o chohmit, kupitv̄ni chito ya hv̄sh im anoli na, onna ha ma yvm̄ma isht hv̄chim ayashke, yuhmikma yvm̄mvt ilv̄ppa itomasi a iklo h̄o e ba chi kv̄t pim vl̄htaha yoke; achi tok.

16. Mihma Pal in tek ushi yvt, yvm̄ma im aiichit maya ka haklo mvt, ivt holihta kullo a ont chukoa cha, Pal a im anoli tok.

17. Mihma Pal vt kʷpitvni vʰliha yā achʷfat pit hoyo cha, Hatak himitta ilʷppa ilauet kʷpitvni chito yā isht im ona, yʷmmak oka nanasi kia im anola chī kʷt in takanli hoka; achi tok.

18. Mihma yʷmmak ash ilauei cha, kʷpitvni chito yā isht im ona mʷt, Pal aboha kʷllo foka yak osh pit sa hoyo na, ala li hō, hatak himitta ilʷppʷt nanasi kia chim anola he vt im āsha hatuk ō, ilauet chim ala la hinla ka, vʷm ahni tuk oke; achi tok.

19. Mihma kʷpitvni chito yʷt yʷmmak ash ibbak ā halʷlli cha, naksika alumāka isht im ona mʷt im ponak-lōt, Yʷmmak osh nanta mak ō is sʷm anola chī kʷt chin takanli hatuk ō? achi tok.

20. Mihma, Yʷmmak oka achukmalit ī shahlechit im asilhʰvcha chī hō chohmit, onnaha mā, Pal ā ilauet ai itʷnaha yā isht ish ona chī ka, chim asilhʰha chī kʷt, Chu vʰliha yʷt itibai achʷfa tuk oke;

21. Yuhmi kia chishno vto vʰhpesa, chik im ahno kashke; yʷmmak okʷt hatak pokoli ushta ka atampa hosh, yʷmma im aiichi kʷt ai asha hosh, yʷmmʷt anum-pa kʷllo yā isht il onuchit, yʷmma okla ik bokmʷt nana kia vʷpʷt, ishkot ik māyo ka chī, isht il apesa tuk oke; yuhmi hatuk osh himak ā im vʰhtahʷt, anum-pa falama ka auet chim ahoyot māya hoke; achi tok.

22. Mihma kʷpitvni chito yʷt hatak himitta yash ont ik ia, im ahni mʷt, nana ilʷppa puta is sʷm anoli tuk vt hatak nana kia, chik im anolo kashke; im achi tok.

56. Pal vt nahullo miko Filiks a im
ia tok.

23. Mihmvt yvmmak ashot kvpitvni tuklot hoyo
mvt, Ninak hvshi kanvlli isht vhlpisa ont atuchinakma,
Sisalia ilhkola chi ka, tvshka chipota tahlepa tuklo, micha
isuba o binili tvshka pokoli untuklo, mikma na halupa
ishi mvt tahlepa tuklo ho hvsh atahlashke.

24. Micha Pal a, okla o binilichit achukmalit isht
ayvt, nahullo miko Filiks a isht im ona chi ka, nan
vhlpoa ma, hvsh atahlashke; ahanchi tok,

25. Mihmvt ilvppako yakmichit holissochi tok.

26. Kilativs Lisivs vt nahullo miko holitompa fena
Filiks a pit aiokpvchishke.

27. Hatak ilvppa Chu vhliha yvt ishi tuk; micha
okla vba he tuk o; ilvppvt Lom hatak atuk o haklo li
mvt, tvshka chipota pehlinchit ala lish, okchalinchit li
hokvno.

28. Micha kaniohmi ho okla anumpa onuchi tuk ok-
ma, akostininchi ka sa bvna mvt ilauet ilap itvnahvt
maya ka iba chukoa li tuk.

29. Mihmvt yvmmak okvt ilap i nan-vhlpisa yak o
anumpa hvvt isht im atoba hatuk o, akostininchi li tuk;
yuhmi kia isht ai illikma, keyukmvt talakchikma nana he
imma hokvto ik onuttulo ke tuk oke.

30. Micha Chu vhliha yvt hatak ash im aiichi hosh
maya ka vm annoa mvt, ashalika pit chin chvfichi lishke,
micha anumpa onuchi vhliha mvt, yvma nana ho isht
a miha he yvt im asha tuk vt, chishno chi tikba yak o a
miha chi ma, aieninchit im apesa li tuk oke. Chi achuk-
makashke; achi tok.

31. Mihma tvshka chipota vhliha yvt, yvmmak osh im vlhpisa tuk okvt, Pal a ilauet ninak o isht ayvt Antipetis a isht vla tok.

32. Ont onna ma yvmma apihvt ia chi ka, isuba o binili tvshka ya ashachi cha, falamvt holihta kvllo ya okla ona tok.

33. Yvmmak ashot Sisalia ya ai ala cha, holisso hash nahullo miko ya ant ima mvt, Pal ma aieninchit ibbak foki tok.

34. Mihma nahullo miko vt holisso hash pist issa mvt, ulhti nanta ho vttvt aya hatuk a im ponaklo tok; Silishi ak atuk o akostininchi mvt,

35. Anumpa chi onuchi vhliha akkia ai ala hok mak o, chi haklo lashke; mihmvt Helvt i nan ai vlhpisa chuka yak o, yvmmvvt a foka chi ka, apesa tok oke.

ANUMPA NISHKOBO XXIV.

57. Tatvlysv vt Pal a anumpa onuchi tok.

1. Yvmmak atuk a nitak tahlapit taha ma, na holi-tompa isht asha pehlichy Aninaivsv vt asononchika vhliha, micha hatak anumponli achvfa Tatvlysv hohchifo ho itapehvt ala na, yvmmak osh Pal a nahullo miko a nan isht im anoli tok.

2. Yummak ash pit hoyo na v_la ma, Tatv_lvs vt anumpa onuchit ishtivt, Filiks holitompa fena ma, chishno ak atuk mak_o nukchinto fenvt il ah_ashwa chatuk, micha chishno vt nan chimponna pulla h_o, nan isht im ai a_hli achukma fena kv_t okla ilvppa ai i yvmohmi chatuk oke.

3. Nitak moma, micha kanima amominchit yukpa fena hosh, il aiokpahanchi chatuk oke.

4. Himmakma achakalechit ak chin takobecho ka ch_i nana kia, nuktanla chia hv_t, anumpa tilofasi ish pi haiyaklokbano, chim ai ahni lishke.

5. Hatak ilvppvt, Chu v_hliha yakni paknaka aiasha ka mominchit ai itin takla ma, nan isht ataklaiyamvt nan itachoa ma atohnochit a_ya mv_t, Naselin iksa y_a in tikba heka y_o e pisa hatuk oka.

6. Timpil ma aieninchit yvmmvt ik ahobalo b_vnno ho, ilvppa il ishi kv_t pishno p_i nan v_hlpisa y_o, nan isht il im apesa chin tok.

7. Yuhmi tuk kia kvpitv_ni chito Lisi_vs vt a_yvt ant p_i kucha cha, kv_llo fenvt yummak ash pibbak a a kohchit eshi cha,

8. Yvmma anumpa ai ikbichi v_hliha yvt a_yvt chishno a chim v_la ch_i ka apehinsa tuk; yummak oka chishno inlit im ai asilhhvchi hosh, anumpa isht il ai ikbichi hatuk puta ilvppa ish akostinincha ch_i hatuk oke; ahanchi tok.

9. Mihma Chu v_hliha hak kia pit ataklammvt nana kash yvmmvt yuhmi tok oka; ahanchi tok.

58. Pal vt isht il anumpuli tok.

10. Mihma anumpula chi ka, nahullo miko vt pit im abvchi ma, Pal ashot, Okla ilvppa nan im apesvt ish ahanta afvmmi kanohmi ka, chim akostininchil hatuk osh, na yukpa fena hosh isht ile anumpohonli lishke.

11. Uba pit aiokpvchi la chi hosh, Chiluselvm ia li chash, nitak auahtuklo ka atampa keyu ka, ish ithaiyana hinla kama.

12. Yuhmi ka timpil anukaka ya hatak nana kia ai itachovt ahanta li, micha sinikak puta, micha tvmaha aiena ka okla ha ai ilhkolechit ahanta li, okla sa pesa tuk keyu.

13. Mikmvt nana ka anumpa ma himonasi a okla isht a sai onuchi tuk vt atokola he keyu hoke.

14. Amba ilvppak o chim il anohonli li, vno nana poyuta nan vhpisa holisso, micha hopaii vhliha i holisso aiena, aholihiso tok moma ka, yimmit iksa inla yo okla achi hatuk oka, on tikba vhliha in Chihowa ya yakohmit aiokpahanchi li mvhlishke.

15. Micha, ahli mikmvt ik ai ahlo, moma illi yvt tana he a, yvmma ilap akkia yuhmi, okla ahni akinli hoka, vno vt Chihowa ya pit anukchieto lishke.

16. Yuhmi hatuk o Chihowa, mikmvt hatak puta aiena itikba ya chukvsh mvt yoshoba iiksho bilia hosh ahanta la chi kvrt achunanchi li chatuk oke.

17. Yvmmak vt tok a afvmmi kanohmit taha ma, na holhpila vm okla ha isht im aya li mvt, vba pit isht aiokpvchi puta aiena ka isht ala li tok.

18. Mih hō yummak o Chu kaniohmi Eshi minti kv̄t okla laua yokma, keyukmvt ayahapa itin takla yokma nana keyu, timpil anukaka yō, nahullochit v̄m v̄lhtahvt anta li ka, sa pesa tok.

19. Yummak osh chi tikba ma, ant māya tuk osh nana kia isht sa mihacha he vt im āsha tukmvt acha he tuk.

20. Yummak keyukmvt ilvppa māya kak inli kia v̄no vt nan ai apesa itikba hikia li ka, nan ik v̄lhpeso nana kia v̄m ai akostininchi tukmvt, ik miha.

21. Amba yv̄mma itin takla hikia li mvt, illi tani yak o isht tahpahanli le tuk, anumpa achv̄fa ilvppa illa tok o, himak nitak ā hv̄chishno vt hvs sv̄m asilhhv̄chishke; achi tok.

22. Mihma Filiks vt ilvppa puta haklot, nā yakohmi puta kash achukma fena ai akostininchi mvt, Kv̄pitv̄ni chito Lisīvs akosh v̄la hokmakō nana hv̄chim akaniohmi yā okluha hv̄chim akostininchi lashke; achi mvt, im achakalechi tok.

23. Micha kv̄pitv̄ni hv̄t Pal ā apesv̄cha chi, yuhmi kia fohacha he, mikmvt it ithv̄na ka v̄hliha yvt, nana ant isht im v̄tta, keyukmvt im ai itanowvt māya ka, ik im olabo ka he ā, im apesa tok.

59. Pal vt nahullo miko tekchi ita tuklo ka Kilaist isht im anumpuli tok.

24. Yummak atukā i himak nitak kanohmi hō, Filiks vt tekchi Chu ohoyo Tusila yā ilauet v̄la mvt, Pal ā pit hoyo cha, Kilaist ā i yimmi imma ka im ahaponaklot chieya tok.

25. Mina yummak ashot, aiahli, mikmvt ile nuk-talanli, micha nan-vlhpisa he vt mihinti aiena ka isht anumpohonli ma, Filiks vt wunihinchi mvt, Himak okvno ish iashke, nitak vt vm ai vlhpiesa hok mak osh pit chi hoyo la hi yoke ; achi tok.

26. Micha Pal vt tvli holisso kia ema na, i hotufa hinla ka im ahoba tok ; yuhmi hatuk osh chekosikma pit hoyo cha, itim anumpohonli beka tok.

27. Yuhmi tuk kia yummak atuk a, afvmmi tuklo taha ma, Pashis Fistsv vt Filiks vlhtobvt hikia tok ; mihma Filiks vt Chu vliha ya yukpali bynna kvv, Pal vt talakchi na, issvt ia tok.

ANUMPA NISHKOBO XXV.

60. Chu okla hvv Fistsv itikba hie-lit, Pal a anumpa onuchi tok.

1. Yvmohmi tuk o Fistsv vt ulhti ha vla tuk a, nitak tuchina ont ia ma, Sisalia ya vttvt ivt Chiluselvm a ona tok.

2. Mihma na holitompa isht asha pehlich, micha Chu vliha i hochitoka aiena kvv, yvmma Pal a ai isht im anoli cha, nan im asilhha tok.

3. Micha im aiokpanchi cha yummak ash Chiluselvm a vla chi ka, pit hoyo na, takla im aiichit vba chi kvv, im asilhha tok.

4. Yuhmi kia Pal vt Sisalia yakinli hō anta pulla he, micha ilap o akinli mvt chekosikma, yūmma ia chī kvt, Fists vt miha tok.

5. Yuhmi hoka hatak vlhpisa hvchi takla māya kvt si apihvt ik ia cha, nan ik achukmo kvt atakanli hatukma hatak ilvppa ont ik atokoli; achi tok.

6. Micha yūmmak ash takla ahanta na, nitak pokoli ka ont atampa ma, ivt Sisalia ya ona tok. Atuk osh ont onna ma, nan apesa aiasha ya om binili mvt, Pal a isht vla he a, miha tok.

7. Atuko yūmmak ashot vla ma, Chu vhliha Chiluselvm mintit vla tuk vt, afoluplit hiohmāyvt anumplaaua, micha okpulo fena hō, ai ikbichit Pal a onuchi mvt, yūmmak ash ai atokolit ahlichia he keyu ki tok.

8. Mihma ilapo inlit isht il anumpuli ahanta mvt, Chu okla i nan vlhpisa, micha timpil, mikmvt Sisa yak okma nana kia, nana ka isht ai i yoshoba li iksho kvmohmishke; achi tok.

9. Yuhmi kia Fists vt Chu vhliha ya yukpali būnna kvt, Pal a afalvmmīnchi mvt, Chiluselvm a ish ona cha, sa tikba hiki vt ilvppak atuk puta kvt nan isht chim vlhpisa hinla cho? achi tok.

10. Mihma Pal ashot, Nana vm ai vlhpisa he ai vlhpesa mak o, Sisa vt ai asht nan apesa yo hikia lishke; Chu okla hoka nana ik achukmo nana kia, ai i yvmohmi li iksho ka, chishno vt ish ithaiyana fenvshke.

11. Uno vt anumpla kobvffi sia kokma, keyukmvt isht ai illa he vlhpiesa kaniohmi hō a si yvmohmi tuk okmvt, ik sullo ka he a ak ahnoshke, Amba ilvppa puta kvt takali hō anumpla ma yakomi kvt a sai onuchi keyu hokmūno, hatak nana kia sasht ibbak ma ik foko kashke, Sisa ya achakvilit pit im anoli li mak oke; achi tok.

12. Mihma Fistsv vt nan itibai apesa vhlia ya itim anumpulit issa mvt, afalaminchit, Sisa yakō ish im anoli makō? Sisa yakō ish im iashke; achi tok.

13. Atukō nitak kanohmit taha ma, miko Ekilipa, micha Banisi ita tuklo kv̄t, Fistsv a aiokpv̄chit aya hosh Sisalia ya itvlachi tok.

14. Michā yv̄mmak ash ant ašwa na nitak kanohmi ma, Fistsv vt Pal nana im akaniohmi ya, miko im anolit, Hatak achv̄fa kv̄t talakchi na, Filiks vt issvt ia tok a ašv̄shke.

15. Mih yō Chiluselvm ont anta li ma, na holitompa isht asha pehlichī vhlia, micha Chu in tikba vhlia aiena kv̄t nan im apesakbano, ahnit vm anoli tok.

16. Mihma afalv̄mminchit, Anumpa onuttula tuk vt anumpa onuchi ya nashuka bika ita sv̄nali keyu, micha nana isht akv̄nomi nan ash onuttula tuk vt, mihma isht il anumpula he mvt, ik im v̄lhpeso kisha ka Lom okla hv̄t hatak nana kia illi issa, im ai v̄lhpesa chatuk keyu hoke; im achi le tuk.

17. Yuhmi hatuk o ilv̄ppa okla ai ala ma, ahchiba iksho ont onna ma, nan apesa ai o binili ya o binili lish hatak ash isht kuchvt v̄la chī ka, apesa li tok.

18. Mihma anumpa onuchi vhlia yvt wakayvt hielī mvt, yakohma chī ka ahni li tuk ano, achv̄fali kia isht ik onucho ki tok.

19. Amba ilapo v̄ba pit anumpuli isht a tovt maya, mikmvt Chisvs illi tok, yv̄mmak o Pal akosh yv̄mmvt okchaya kak pulla, miha kakō; yv̄mmak o anumpa isht onuchi tok.

20. Mihma anumpa yv̄mma chohmi ka, nan ai anukfilli ak ithano hatuk osh, Chiluselvm akō ona cha, yv̄mmak o ilv̄ppa puta kashot nan isht im ai v̄lhvisa hinlakma, nana ka im ponaklo le kv̄no.

21. Yuhmi kia Pal vt anumpa hā Akvstvs vt atoshowa ka, hakla he pulla kō ahni ma, apesanchi tuk o Sisa yā pit in chvfichi la he vt miha li tuk oke; ahanchi tok.

22. Mihma Ekilipa ashot Fistvs ā, Uno akkia hatak yvmma i haponaklo la hinla, im achi ma; Onnaha mak o, ish i haponaklashke; achi tok.

23. Atuk o ont onna ma, Ekilipa, micha Banisi aiena kv̄t shema chinto fena hosh italachi cha, kv̄pitv̄ni hochitoka v̄hliha, micha hatak holitompa v̄hliha tv̄maha āsha tuk ā, ai ita peha cha ai asht nā haklo yā pit abeha ma, Fistvs im anumpa hō Pal ā isht kuchit v̄la tok.

24. Mihma Fistvs ashot, Ekilipa m̄ko, micha hatak pi apehvt ilv̄ppa hv̄sh m̄aya kv̄t momvt hatak ilv̄ppa, Chu okla laua yvt moyumvt, yvmmak okvt himmakma okchayvt ahanta na, ahchiba he v̄lhpesa keyushke, ahanchit Chiluselvm, micha ilv̄ppakinli aiena ka ai vm ala beka tuk mak o, hv̄sh pih̄sv̄shke.

25. Yuhmi kia nana hō isht ai illa he v̄lhpesa ka yvmohmi tuk keyu; micha ilap o akinli mvt anumpa hā achkalinchit Akvstvs ā im anoli mak atukō, akostininchi li mvt, pit chvfichi ka vm-anukf̄hinla tuk okano.

26. Mih hosh nana hō yvmma ai isht, ā shahli hā pit i holissochi li fena he yvt ik sv̄m iksho: yuhmi hatuk osh nana im asilhv̄chi yak osh asht issa ha yokmv̄no, nanasi ka holissochi la he vt vm āsha hinla kak osh kohchit hv̄chi tikba, micha chishno akō fena kak o chi tikbi yā ant hilechi lishke, m̄ko Ekilipa ma.

27. Anumpa mvt isht ai onuttula ka atukowa ma, anoli ka, aieninchi hō keyu kv̄t, aboha kv̄llo fōka yā pit chvficha he v̄lhvisa keyu ka, vm ahoba hokvt; ahanchi tok oke.

61. Pal vt Ekilipa a itikba hiki vt
kaniohmit aya chatuk puta kv
anoli tok.

1. Mihma Ekilipa ashot, Chishno isht ish il anumpu-
la chi kv, chim vhpesvshke, Pal a im achi tok. Mih-
ma Pal ashot ibbak a pit fahvmmi mv isht il anumpo-
honli tok.

2. Chu vhliha yvt anumpa isht a sai onuchi tok im-
ma puta ka mominchit himak nitak a, chi tikba hiki vt
isht il anumpohonli la chi kv, na yukput vm anukfihin-
lvshke, miko Ekilipa ma.

3. Chu okla i nan vhpisa puta, micha anumpa ai
isht itachoa puta aiena ka, chishno vt chimponna pulla
hatuk mak; yuhmi hoka achukmalit a haponaklokbano,
chim ai ahnilishke.

4. Ulla sa tomba tok takla, yvmmvt vmmona ka vno
vm okla talaya ai itin takla Chiluselvm ak vt tok oka,
nana akaniohmit mihinti li puta ka, Chu vhliha yvt mo-
mv ithanvshke.

5. Vmmona kash inli hq, svthanvt isht auehinchi
tok, yvmmak osh vbanumpa isht pim ikxa apissali kv
moma i shahli, Falisi yosh ahanta li tok a, anola hinla
cheshke.

6. Micha Chihowa yvt hvpin tikba v̄hliha yā anum-
pa ima tok a, a yimmi hat k pulla hosh himonasi a hiki-
vt nan v̄m v̄lhpisa mak oke.

7. Anumpa tok yvmmak o pisa ka, aiahni hosh pim
okla auahtuklo kv̄t nitak, ninak poyuta ka Chihowa yā
pit aiokpahanchi na bilia hoke. Nā pit ai ahni yvmmak
pulla hō, Chu v̄hliha yvt anumpa isht a sai onuchi hoke,
Ekilipa m̄ko ma.

8. Chihowa yvt illi puta ka tanicha he a, katiohmi
hō ayimma he keyu nana hō hv̄chim ahoba cho?

9. Uno vt Chisv̄s Naselit v̄tta hohchifo hā isv̄nalit
nana ka lauachit a si yvmohma he tuk oka, ahnit il anuk-
filli li mv̄hli tok.

10. Mihmvt nā yvmmak ash Chiluselvm a ai yvm-
ihinchī li akinli tok; micha nā holitompa isht asha pehli-
chi v̄hliha yvt v̄m apesa hatuko, v̄banumpuli lauachit
aboha kv̄llo pit apihinta li tok; micha okla v̄la chī ka
v̄no vt v̄lhpesa, ahanchi li tok.

11. Micha sinikak puta ka ai ilbv̄shahanchi li mvt,
Chihowa pit ik ahobalot anumpula he a, atv̄shpalihinchī
li tok; micha yuhmi ka i nukkili li fena hatuk osh issik-
kopali kv̄t, yakni inla tvmaha puta kakkia isht aya
li tok.

62. Pal vt v̄banumpuli toba tok vt
anoli tok.

12. Yvmmak o nā holitompa isht asha pehlichī v̄hli-
ha yvt atukowa, anumpa kv̄llo aiahli achukma ka ama
na, ieshi hosh Temaskv̄s a ia hosh aya le tuk o,

13. Ont tabokolik fena, hina takla ya, tohwikeli vba mni kv̄t shohmalali kv̄t hv̄shi a imaiya hosh, tomit vno, micha si apēhv̄t nowv̄t aya tuk aiena kash afolupli na, pibisa li tok oke, miko ma.

14. Mihma momv̄t akka ont pi kaha ma, anumpa hv̄t v̄m anumpuli kv̄t, Hiblu anumpa yo Sal, Sal ma, nanta katiohmi hō is sv̄lv̄rshali cho? Nā halupa puta yo pit ish hv̄hli kv̄t chī palv̄mmi hoke; ahanchi na haiyaklo li tok.

15. Micha, Kv̄ta chia hoh cho. Chitokaka ma? achi li tok. Mihma, Uno akosh Chisv̄s ish issikkopali a sia hoke.

16. Yuhmi kia chishno a vbanumpa isht v̄tta, mikm̄v̄t nana ish pisa tuk ilv̄ppa, micha nana chim ottv̄ninchi likma, yv̄mma puta ka ish anohonla he aiena ka, chikbi la chī, apissali ilv̄ppa pulla hosh chī haiaka li hatuk oka; wakayv̄t chiyi a isht ish hikiashke.

17. Okla hā, micha oklushi nan ik ithano v̄hliha aiena ka akohchit chi hlakofiche li hatuk okv̄t.

18. Yv̄mmak oka i holhponayo hā fatv̄mmi, anonti aiokhlileka ya afilv̄mmichit tohwikelika ya isht onv̄t, micha Setv̄n apēhlichī a akohchit Chihowa ya isht ish im ohona na, nan aiashv̄cheke puta isht akashofa ka, micha v̄no a yimmika pulla hosh isht kashofa tok puta ka, iba takla aiahanta aiena ma, ahayucha chī makō himak a pit chi chv̄fihinchī lishke l achi tok.

19. Yuhmi ma vba mintit haiaka kash ik im antiot ahanta li tok keyushke, miko Ekilipa ma.

20. Amba ile kostininchī cha filemv̄t Chihowa ya okla im ona cha ile kostininchī yv̄t a yuhmi ai v̄lhpiesa hō yvmohmit aiasha he a, v̄monaka, Temaskv̄s, mikm̄v̄t

Chiluselvm, micha Chutia yakni afulota moma aiasha ka mominchit im anoli li mvt, anonti oklushi nan ik ithano vhlia ma im anohonli li tok oke.

21. Yakohmi puta pulla hatuk makō, timpil anyukaka ya anta li hō, Chu vhlia yvt sashi cha, svbi bunnvt maya tok.

22, 23. Chihowa yvt si apelahanchi hatuk makō, hopaii vhlia, micha Mosis aiena kv̄t nana akaniohma he, Kilaist vt illvsha he, micha yvm̄mak osh illi tani ka tikba he, micha okla hosh, mikmvt okla nan ik ithano vhlia aiena ka tohwekelika i haiakv̄cha he a, ahanchi tok a, yv̄mma nan isht inla yō miha keyu hosh asv̄nu, micha chipunta aiena ka im anohonli kv̄t, himak nitak a sa moma hoke, ahanchi tok.

24. Yakmichit isht il anumpohonli ma, Fists vt chitolit anumpulit, Pal chi tasimboshke; holisso chimponna fena kak osh isht chi tasimbo hoke; achi tok.

25. Mihma, Sa tasimbo ho keyushke; amba anumpa aiahli, anumpa kostini yō anumpohonli li hoke, Fists holitompa fena ma.

26. Miko vt ilv̄ppa puta ka ithaiyana hō, itikba ma hikivt nukw̄aya ikshot anumpuleli akinlishke. Nana ilv̄ppak okvt chukbi ka yō ayvm̄ohmi tok keyu hoka. Ayakohmi puta kv̄t achv̄fona kia in luma keyu ka, vno vt akostininchi li hoka.

27. Miko Ekilipa ma, hopaii vhlia im anumpa ha chi yimmi cho? Chi yimmi ka ithana lishke, achi tok.

28. Mihma Ekilipa ashot Pal a, Ubanumpuli toba la he a is si anukfokichi naha fenv̄shke; im achi tok.

29. Mihma Pal vt, Chishno akō bano keyu, amba himak nitak a sa haklo kv̄t moyumvt naha fena cha, anonti fena, vno akō chiyuhmi hosh, amba talakchi yak-

ohmi kano keyu hosh, hvsh aiasha he a, Chihowa ya pit im asilhha li hoke; achi tok.

30. Yakmichit anumpulit issa ma, miko vt nahullo miko, micha Banisi, mikmvt ahevvt chieya tuk aiena kvv wakaya tok.

31. Micha naksika onvt taha mvt, Hatak ilvppvt isht ai illa he, micha isht a talakcha he ai vlhpesa nana ka, nana ho akaniohmi kvv ikshoshke; achit itim anum-puli tok.

32. Mihma Ekilipa vt, Hatak ilvppvt i hulhtufa hin-la tuk, Sisa ako achakalet im anola chintuk keyu hatuk-mvt; Fistvs a im achi tok oke.

ANUMPA NISHKOBO XXVII.

63. Pal vt peni fokvt Lom pila ia hosh aya tok.

1. Micha peni fokvt Etili ya il ona he a ai vlhpisvt taha ma, Pal, micha aboha kvv foka inla kaniohmi aiena ka, tvshka chipota Akvstv ai itapeha i kvpitvni, Chulivs hohchifo ho ibbak foki tok.

2. Mihma Tisalonaika tvmah Masitonia hatak, Alis-takvs vt piba foka hatuk o, Eshi ya pit lapalika, okla e maya chi mak osh pim anukfila hosh Atlemitivm peni yo pit il vlbiha mvt il ilhkoli tok.

3. Atuk osh ont onna ma, Saitvn a ont il ataya tok ; mihma Chulivs vt Pal a i kana fenvt isht aya mvt, i kanomi vhliha aiasha ka ona cha, impa hinla chomi ka, im apesa tok.

4. Atuko yvmma asht il ilhkoli mvt, mahli hak osh ai isso hatuk o Saipilvs a nutaka il aya tok.

5. Micha Silishi, mikmvt Pafilia aiena okhvta ha pit il ahlopulli mvt, Lishi yakni, Maila tvmaha ha e la tok.

6. Mih ho yvmmak o Aliksantia peni yvt Etili ya ia hosh aya na, kupitvni hvt pesa cha, yvmmak o pishno ash pit pi apitta tok.

7. Mihma svlahvt il itvnowa na nitak kanohmi hosh, Naitvs a ont kil ichapo kisha chiyuhmi ho, mahli hak osh pi asvnali hatuk o, Salmoni ichapa ka Kilit ako nunta asht il aya tok.

8. Micha yvmmak ash ont kil aiyo chohmi hosh, peni ai ataya achukma bohchifo ho e la tok ; yvmmak o bilika yo Lesi tvmaha hvt talaya hvt tok.

9. Atuko ahchievt taha, micha nahullochi hvt ai issachi haya tuk o, himak okakheno peni isht aya ka ai achukma he keyu hatuk o, Pal ashot nan i miha tok.

10. Mihmvt, Hatak puta ma, himak okhvta aya ka nana kvrt aiokpulo kvrt kvnihia sena chishke, ulhpoyak, micha peni aiena kak bano keyu ; amba hvpin ilhfiopak vt aiena chi ka akostininchi lishke ; im ahanchi tok.

11. Yuhmi kia kupitvni hashot, peni vt immi hatuk, micha ishtaya pehlichia aiena kak o i yimmi kvrt, Pal vt nana anumpuli tuk a, im i shahli tok.

12. Micha peni aiataya yokvt hvshstula ya aiasha achukma keyu hatuk o, yvmma asht achakalit ivt kani-ohmi kia yuhma hinlakmvt, Finisi yvmmak okvt Kilit peni im aiataya yosh falvmmi im okvt tula imma pit ba-

chayakmvt, anonti oka mahli im okvt tula imma ma pit hikia hō, ona cha hvshtula ya yummako okla asha he a, miha kak osh laua kv̄t ishahli aiena tok.

13. Atuko oka mahli hv̄t lomvt mahli ma, okla nan ahni tuk vt im v̄lhpesa, im ahoba mvt, hotufi cha, Kilit pit a bilikasit peni isht aya tok.

64. Mahli kv̄llo vt peni a onuttula tok.

14. Yuhmi tuk kia yummak atuka hopaki keyu hō, mahli kv̄llo fena tovt, Yulaklitv̄n hohchifo hosh ai isso tok.

15. Mihma peni vt atapv̄chit kv̄nia cha, mahli ha asv̄nalit ia he keyu ma, ant shaht isht ik aya, il ahni tok.

16. Mihma shaht ishtia ma, yakni tashaiyi achv̄fa Kilati hohchifo hō nutaka ona ma, penushi yakosh pav̄m̄mi hō isht e mihinti tok.

17. Yummak ashō okla kv̄lat ishi mvt, apelv̄chi kv̄t peni chito osh afohlit takchi mvt; anonti ik yuhmokma, okchv̄nak ont ai issa hinla ka, nukshopa kv̄t na hv̄ta ha ai akv̄chi na shaht isht aya tok.

18. Atuko mahli kv̄llo ka e takv̄nt aya fena hatuko, ont onna ma, peni a okla shohhv̄lachi tok.

19. Atuk osh nitak ont atuchina ma, pishno pibbak akinli hō peni isht talakchi ya ishit kucha pit e kampila tok.

20. Micha nitak kanohmi ka, hv̄shi, mikmvt fochik nana kia ik haiako ma, anonti mahli kv̄llo mvt atampa fena hosh pi onuttoyula ma, pi okchaya he pit ahomba kashot, momvt pi kv̄nia tok oke.

21. Yuhmi kia okla ik impo hō hopakit taha ma, Pal vt wakayvt itin takla hikia cha, Holitopa v̄hliha ma, v̄no ako h̄vs sa haponaklo tukmvt, Kilati a h̄vchik ahotufo ke tuk osh, nan okpulo, micha nan k̄vnia aiena ilv̄ppa h̄vchik peso ka he tuk oke.

22. Yuhmi kia hatak h̄vsh ach̄vfona kia im ilh̄fiopak vt ak̄vnia ch̄i keyu, amba peni ak illa ch̄i hoka, h̄vchi yukpa he a h̄vchi miha lishke.

23. Himak ninak a Chihowa ȳvmmak o immi sia hosh, mih yō im atih̄iya li yatuk makō, im enchil vt sa tuma yā hikivt,

24. Pal vt ik chi nukshopo kashke. Sisa itikba yā ish ona ch̄i pulla hoke; mikmvt Chihowa yvt ai itapehvt peni isht h̄vsh aya ka, ȳvmma mominchit chima hoke; ahanchi tuk oka.

25. Ȳvmohmi hoka holitopa v̄hliha yvt nā h̄vchi yukpashke; nana v̄m annoa tuk fena kvt ont v̄lh̄piesa ch̄i ka, Chihowa sa yimmi hoka.

26. Yuhmi kia yakni tashayi kaniohmi hō, ont iloh o hlatapa ch̄i hoke; achi tok.

27. Ȳvmohmi tuk o ninak vt ont isht auahushta makō Atelia okh̄vta hā e fulokahanchi na, nin̄vk ikl̄vna foka ma, peni isht aya v̄hliha hashot yakni nana makō pit bilika ona hō, im ahoba tok.

28. Micha oka yā apesa mvt, ashav̄pa pokoli tuklo hō akostininchi tok; atuk osh achakv̄lit ivt mishema ona mvt, anonti apesa ma, ashav̄pa auah̄tahlapi na pisa tok.

29. Mihmvt tv̄li hochito ka ont ai issa hinla kvt, okla nukshopa kvt, yakni yichifi yā ushtat peni hasimbish a pit ai okv̄chi mvt, onnakbano ahnit aiasha tok.

30. Mihma peni chito isht aya vhlia yashot peni chito ya akucha wihvt yihlepa chin cha, penushi yash okhvt a pit oka talali mvt, yakni isht yichifi ya peni chito itikba ya pit ai oka kapulla he a ahoba ma,

31. Pal vt, kvpitvni, micha tvshka chipota vhlia aiena kash, Yakohmi kak osh peni chito anukaka ya maya ho keyukma, hvchi okchaya he keyushke; im achi tok.

32. Mihma tvshka chipota vhlia yvt peni ushi isht-talakchi ya chant hokufi na akia tok.

33. Atuko onnvt mihinti ma, Pal ashot, momvt impa hinla ka, im ahni mvt, Nahullochit hvsh ahashwa cha nana kia, hvchik impo mak o himak vt nitak ont isht auahushtvshke.

34. Yuhmi hoka nanasi hvsh impa hinla ka hvchim ahni lishke. Ilvppak o hvsh aiokchaya chi mak okvt; hvsh achvfona kia chi nishkobo ha pashi vt ai akia chi keyu mak oke; achi tok.

35. Yakmichit anumpulit tahli mvt, pvska ya eshi cha, moma itikba ya Chihowa pit ai ayukpachi tok; mi-cha tushtuli mvt, impvt ishtia tok.

36. Yuhmi ma momvt yukpa chukma mvt, yvmmak ash kia okla impa tok.

37. Micha peni il alhto kvv e moma kvv hatak tablepa tuklo cha pokoli untuklo akucha hanali il aiena tok.

38. Micha impa kvv okla ont im vhpesa mvt, onush a okla okhvt pit oka hlahlit peni a shohhalali tok.

65. Yakni a ont ahayuchi cha okla
hlakofi tok.

39. Atuko onvut taha ma, yakni ya okla ik ithano ki tok; yuhmi kia okhuta filumminchi yut vhli hut auet asha ho, okla pit pisa mvt, yuhma hinla yobakma, yvma peni ya ont foka chi kut okla imanukfila tok.

40. Micha isht yichifi ya okla kuchit aiowa mvt, okhuta ha okla im ile kaiyanchit peni isht afana isht talakchi a hotufi cha, nan tolibi shvpha wishakchi fena takali ya mahli ha pit asvnalichit vba takalichi mvt, oka vhli pilla ka, okla ia tok.

41. Micha okhuta tuklo ai itafama ya pit vlhto cha, peni ash yakni ont ontalali tok; mihma ibbish imma kvto a kvllot kunia cha ilhkola he keyu hosh talaya ma, amba hasimbish pila hamo oka banvtha kullo fena kut okpvnit kanchi tok.

42. Mihma tvshka chipota vhliha hashot aboha kullo vlhpita yatuk a vba hinla, yvmmak keyukma, kanima mvt okshonullit kucha cha, hlakofa hinla ka, anumpulit maya tok.

43. Yuhmi kia kvpitvni hut Pal a okchalinchhi bvnna hatuk osh, okla nan ahni tuk a im olvbbi tok; mihmvt kanima hosh okyohla hinla kak osh tikba okhuta ha pit oka kahvt kucha ona chi ka,

44. Mikma inla kanimi kut iti lvsha yo o binokli ma, kanimi mvt peni pahlahli yak o o binohla chi ho, miha tok. Mih yosh yakohmi tok; momvt nana kaniohmi iksho hosh yakni ya, okla onvt hlakofi tok oke.

ANUMPA NISHKOBO XXVIII.

66. Pal micha apehvt aya tuk aiena
kash okla nan ik ithano vhliha hvt
i kana fena tok.

1. Micha okla hlakofi mvto yakni tashaiyi vt Milita
hohchifo hatuk o akostininchit tok.

2. Mihma okla nan ik ithano vhliha yvt pi kana kv
peh chohmi tok keyu ; mihma ohomba hatuk, micha ka-
pvssa aiena hatuk oka, okla luak oti cha, mominchit
pehlichit pishi tok.

3. Mihma Pal vt iti chipunta laua itahobit, shot luak
a ant itoyashachi ma, sinti okpulo fena yvt luak lvshpa
ka vttvt kuchvt, ibbak a apakfoa tok.

4. Mihma sinti okpulo fena yvt ibbak a atakanli na,
oklushi nan ik ithano vhliha yashot pisa mv, Ik kaniohmi
kia hatak ilvppvt hatak bika vbi pulla tuk osh, okhvt
hokvno i hlakofi tuk nana kia, na palvmmi ak okvto
okchayvt ik anta, ahni keyu hoke ; ilap bika itim achit
maya tok.

5. Mihma sinti yash fahlit luak pit itvchi mv nan ik
kanihmo ki tok.

6. Yuhmi kia shatalikma, keyukmv ashalika illit
akka ittolakma nana chi kak o, im ahobvt maya tok ;
yuhmi tuk kia okla pisa na hopaki ho, nan ik i kanihmo

hō pisa mvt, inlvchit imanukfila mvt, yummak ash nan isht-ahullo hoka, achi tok.

7. Yakni yummak oka yakni tashaiyi ya apehlichī Pvblivs hohchifo hō, im osapa yosh talohmaya tok. Atuk osh yummvt pi kana achukmvt pehlichit peshi na, nitak tuchina il ashwa tok.

67. Pal vt yakni tashaiyi abeka aia-sha tuk a laua hō hlakofichi tok.

8. Atuk o yakohmi tok, Pvblivs iki vt yvnha, micha issish ikfia aiena hō isht abeka hosh ittoyula tok; atukō Pal vt yummak ash ont iba chukoa cha, vba pit anum-pulit ibbak a isht om bitepa mvt, hlakofichi tok.

9. Ilvppvt ayakohmi ma inla ka akkia, yakni tashaiyi yumma abeka maya tuk vt ai vlvt hlakohufi tok.

10. Micha yummak okvt nan isht a holitopa laua ka isht pi holitobli tok; micha kucha il ilhkoli ma, nana kia isht aya he vlhpesa puta ka okla pi shaliechi tok.

11. Mihma hvshi tuchina kv̄t taha ma, Aliksantia peni yosh yummvt yakni tashaiyi yak o hvstula ya takanli tok; micha hohchifo mvt Kasta, mikmvt Palvks aiena hosh lapali hō, pit vlhtvt il ilhkoli tok.

12. Micha Sailekvs a ont il ataya cha, yumma il ashwa na nitak tuchina tok.

13. Yumma asht e minti mvt apakfompvt mihintit Lichivm a e la tok; atukō ont onna ma, oka mahlit mahli ma, mintit nitak ont atukla ma, Putioli ya e la tok.

14. Yummak o il itibapishi vhliha ya ant il ahayuchi ma, takla e maya na nitak untukla chi ka pim ahni tok; yuhmi ma Lom pila imma pit il ilhkoli tok.

15. Mihma yumma asht il ilhkoli ka, il itibapishi vhliha yvt pi haklo mvt, Api Folum, mikmvt Ai-impachuka tuchina heli ka ai vhli kakō, ant a pi afamvt itvnowa tok, Pal vt yumma pisa mvt, Chihowa ya, yakoke, pit im ahni mvt, ayiminta tok.

68. Pal vt Lom a vla mvt, Chu okla ha vba isht im anumpuli tok.

16. Atuko Lom a okla il ai ala ma, kvpitvni hvt aboha kvllo vlhpita yatuk a nan apesvchi i kvpitvni ha ont ibbak foki tok; amba Pal ano ik yuhmi im ahni ma, ilap bano hosh isht aya tuk tvshka chipota ya auat anta tok.

17. Atuko yakohmi tok, nitak tuchina ont taha ma, Pal vt Chu hochitoka vhliha ha hoyot itahobi tok; micha itahoba ma, Hatak il itibapishi vhliha ma, vno vt okla hoka, micha pin tikba nana akaniohmi aputa kia nana im ai isht akaniohmi li kvv iksho nana kia, Chiluselvum a vttvt talakchi yosh Lom okla ha ibbak foka li hokvno.

18. Atuko yummak ashot okla achukmalit vm asilhhvchit taiyahli mvt, isht ai illa he vlhpesa mvt, si atakali keyu hatuk oka okla a hotufa he tuk.

19. Yuhmi kia Chu vhliha yvt yumma asvnalit anumpuli ma, vno vt ik kaniohmi kia, Sisa ya im anoli la he vt, vmanukfila hvt tok; vm okla talaya ka nana ho isht ai atokoli la he yvt vm asha hvt tok o keyushke.

20. Yumohmi hatuk osh iluppa ayakohmi pulla kak o hvchi pesvt isht hvchitim anumpule la chi hosh hvchi hoyo le tuk oke ; Isil nan pit ai ahni vt tok pulla mak o, tvli ita-takvli ilupput isht sa talaiyakchi hokvt ; im ahanchi tok.

21. Mihma, Chishno a chi na numachi holisso kv̄t Chutia ya minti kv̄t ik pim alo ; yuhmikma il itibapishi vhliha akkia ai vla kv̄t kanima mvt, nana ik achukmo nana kia chi anolit anumpuli chatuk keyushke.

22. Yuhmi kia chishno nana isht chim anukfila kano haklo ka il ahnishke ; amba iksa iluppak okvno na miha chi kv̄t kanima mominchi hoka, il ikhaiyanvshke ; okla im achi tok.

23. Micha nitak okla pit im apesa tuk o, laua kv̄t ai v̄tta ya okla ant iba chukoa tok ; mihma yummak osh Chihowa apehlichika ya atokolit im anolit, Mosis i nan-vhlpisa, micha hopaii vhliha i holisso puta ka akuchit, Chisvs a isht ai anukfokichit ahanta na onnahinli tuk vt opya tok oke.

24. Yuhmi ma nana kv̄t anumpa tuk puta ka kanimi kv̄to yimmi ma, anonti kanimi mvt ik yimmo ki tok.

25. Micha okla ik ai itachvfo mvt, Pal vt anumpa achvfa anumpulit, Shilombish Holitopa yvt hopaii Isayvs a, ahli hosh ai isht anumpulit hvpin tikba vhliha ya.

26. Oh ia cha, okla iluppa haklo hokvno hvsh haklo kia hvchik akostinincho ka hi yoke ; mikmvt pisa hokvno hvsh pisa kia, yakohmi hvchik ai ahno ka he yoke ; hvsh im ahanchashke.

27. Yummak keyukmvt nishkin a ishit pisa cha, anonti haksobish ma, ishit haklokmt, anonti chukvsh a akostininchi cha, inlv̄t imanukfila na, hlakoficha hinla ka, okla iluppa chukvsh vt nusilhha fenvt taha ma, anonti haksobish mvt haponaklo kv̄t in takobi ma, anonti nishkin a okla okhishta hoka ; im ahanchi tok.

28. Yvmohmi hoka, Chihowa yvt isht ai okchalinchi ya okla inla puta kak o ima ka, yvmmak okvto haponak-la chi hoke, hvsh ithaiyanashke ; achi ma, tisheli tok.

29. Yvmmvt anumpa iluppa ahanchit ont issa ma Chu vhlaha yvt tisheli cha, ilapo bika yak o itim anum-puli fena hosh maya tok.

30. Yvmohmi ma Pal vt, ilap chuka pota tuk vt ahanta na, avmmi tuklo vhlpiesa hlopulli tok ; yuhmi mvt kvna hosh i nowvt ayvt vla ka aiokpahanchi banot,

31. Chihowa apehlichika ya isht anumpulit hatak nana hosh im avmmi iksho ho, nana kvv Chitokaka Chisvs Kilaist a pit ai ahalaya putakma nukwaya iiksho hvsh im abahanchi beka tok oke.

Iluppak osh ai vhlishe.

*A List of the Scripture Proper Names contained in
the Acts.*

<i>English.</i>	<i>Choctaw.</i>	<i>English.</i>	<i>Choctaw.</i>
Aa'-ron	E-lvn	A-ra'-bi-a	A-le-bi-a
A'-bra-ham	Eb-lvm Eb-li-hvm	A-re-op'-a-gite	A-li-a-pe-kait
A-cel'-da-ma	E-sil-ti-ma	A-re-op'-a-gus	A-li-a-pe-kvs
A-cha'-i-a	E-ka-ya	Ar-is-tar'-chus	A-lis-ta-kvs
Ad-ra-myt'-ti-um	At-li-mi-ti-vvm	A-si-a	E-shi
Ag'-a-bus	A-ke-bvs	As-sos	A-svs
A-grip'-pa	E-ki-li-pa	Ath-ens	A-tins E-tins
Al-ex-an'-der,	A-lik-san-ta	At-ta-li-a	A-te-lai-a
Al-ex-an'-dri-a	A-lik-san-ti-a	Au-gus'-tus	A-kvs-tvs
Al-phe'-us	Al-fi-vs	A-zo-tus	E-so-tvs
Am-hip'-o-lis	A-fip-o-lis	B.	
An-a-ni'-as	A-ni-uai-vs	Bab'-y-lon	Bar-bi-lvn
An-drew	An-ti	Bar-je'-sus	Ba-chi-svs
An'-nas	A-nvs	Bar-na'-bas	Ba-ne-bvs
An'-ti-och	An-ti-ak	Bar-sa'-bas	Ba-se-bvs
An-tip'-a-tris	An-tip-a-tis	Bar-thol'-o-mew	Ba-tal-o-mu
A-pol-lo'-ni-a	E-po-lo-ni-a	Ben'-ja-min	Bin-che-mvn
A-pol-los	E pa-lvs	Be-re'-a	Be-li-a
Ap-pi-i Fo-rum	A-pi Fo-lvm	Ber-ni'-ce	Ba-nai-si
Aq-ui-la	Ak-we-la		

<i>English.</i>	<i>Choctaw.</i>	<i>English.</i>	<i>Choctaw.</i>
Bi-thyn'-i-a	Be-ti-ni-a	Di-a'-na	Tai-e-na
Blas'-tus	Bi-las-tvs	Di-o-nys'-i-us	Tai-o-ni-shvs
		Dor'-cas	Ta-kvs
C.		Dru-sil-la	Tu-si-la
		E.	
Cai'-a-phas	Kai-e-fvs	E'-gypt	I-chip
Can'-da-ce	Kan-te-si	E'-lam-ites	I-lam okla
Cap-pa-do'-	Ka-pe-to-shi	El-y-mas	Il-i-mvs
ci-a		Em'-mor	E-ma
Cas'-tor	Kas-ta	E'-ne-as	I-ni-vs
Cen'-chre-a	Si-ki-li-a	Eph-e-sus	E-fi-svs
Ce'-sar	Si-sa	Ep-e-cu-re-an	E-pi-ku-lvs
Ces-a-re'-a	Si-sa-li-a		ik-sa
Chal-de'-a	Kal-ti-a	E-ras'-tus	E-las-tvs
Cha'-na-an	Ke-nvn	E-sa'-i-as	I-sa-yvs
Chair'-ran	Ka-lvn	E-thi-o-pi-a	I-ti-o-pi-a
Chi'-os	Kai-vs	Eu-róc'-ly-don	Yu-lak-li-tvn
Christ	Ki-laist	Eu'-ty-chus	Yu-ti-kvs
Ci-lic'-i-a	Si-li-shi		
Clau'-da	Ki-la-ta	F.	
Clau'-di-us	Ki-la-ti-vs	Fe-lix	Fi-likes
Cni'-dus	Nai-tvs	Fes-tvs	Fis-tvs
Co'-os	Ko-vs		
Cor'-inth	Ko-lin	G.	
Cor-ne'-li-us	Ka-ni-lis	Ga'-i-us	Ka-yvs
Crete	Ki-lit	Ga-la'-ti-a	Ke-le-shi
Cris-pus	Kis-pvs	Gal'-i-le-an	Ka-li-li hatak
Cy'-prus	Sai-pi-lvs	Gal'-i-lee	Ka-li-li
Cy-re'-ne	Sai-li-ni	Gal'-li-o	Ka-li-o
Cy-re'-ni-an	Sai-li-ni hatak	Ga-ma-li-el	Ka-me-li-vl
		Ga'-za	Ke-se
D.		Greece	Kv-lis
Dam'-a-ris	Tvm-e-lis	Gre'-ci-an	Kv-lis hatak
Da-mas'-cus	Te-mas-kvs	Greek	Kv-lik
Da'-vid	Le-wi		
De-me'-tri-us	Ti-mi-ti-lvs		
Der'-be	Ta-bi		

<i>English.</i>	<i>Choctaw.</i>	<i>English.</i>	<i>Choctaw.</i>
H.		Lib'-er-tines	Li-ba-tin okla
He-brew	Hib-lu	Lib'-y-a	Lib-ya
Her-od	He-lul	Lu'-ci-us	Lu-shvs
I.		Lyc-a-o'-ni-a	Lai-ke-o-ni-a
I-co'-ni-um	Ai-ko-ni-vm	Lyc'-i-a	Li-shi
I'-sa-ac	Ai-sik	Lyd'-da	Lit-ti
Is-ra-el	I-sil	Lyd'-i-a	Lit-i-e
I-ta'-li-an	E-ti-li hatak	Lys'-i-as	Li-si-vs
I-ta-ly	E-ti-li	Lys'-tra	Lis-ti
J.		M.	
Ja'-cob	Che-kvp	Mac'-e-do-ni-a	Ma-si-to-ni-a
James	Che-mis	Ma'-di-an	Me-ti-vm
Ja'-son	Che-svn	Man'-a-en	Ma-ne-vm
Je-ru'-sa-lem	Chi-lu-se-lvm	Mark	Mak
Jes'-se	Chis-si	Ma'-ry	Me-li
Je'-svs	Chi-svs	Mat-thew	Ma-hlu
Jews	Chu okla	Mat'-thi-as	Ma-tai-vs
Jo'-el	Cho-el	Medes	Mit okla
John	Cha-ni	Me-li'-ta	Mi-li-ta
Jop'-pa	Cha-pe	Mer-cu'-ri-us	Ma-ku-lvs
Jo'-seph	Cho-sif	Mes-o-po-ta'-mi-a	Mi-so-po-te-mi-a
Jo'-ses	Cho-si	Mid'-i-an	Mit hatak
Josh'-u-a	Chash-we	Mi-le'-tus	Mi-li-tvs
Ju'-das	Chu-tvs	Mit-y-le'-ne	Mi-ti-li-ni
Ju'-de-a	Chu-ti-a	Mna'-son	Ne-svn
Ju'-li-us	Chu-li-vs	Mo'-loch	Mo-lak
Ju'-pi-ter	Chu-pi-ta	Mo'-ses	Mo-sis
Jus'-tus	Chvs-tvs	My-ra	Mai-la
L.		Mys-i-a	Mi-shi
La'-si-a	Le-si-a	N.	
Le'-vites	Li-fai okla, or Li-fai iksa	Naz-a-rene'	Na-se-lin
		Naz-a-reth	Na-se-lit
		Ne-ap'-o-lis	Ni-vp-o-lis

<i>English.</i>	<i>Choctaw.</i>
Ni-ca'-nor	Nai-ka-na
Nic'-o-las	Ni-ko-lis
Ni'-ger	Nai-ka
O.	
Ol'-i-vet	A-li-fit

P.	
Pam-phyl'-i-a	Pa-fi-li-a
Pa'-phos	Pe-fvs
Par'-me-nas	Pa-mi-nvs
Par'-thi-ans	Pa-ti-a okla
Pat-a-ra	Pa-te-la
Paul	Pal
Pen'-te-cost	Pin-ti-kvs
Per'-ga	Pa-ka
Pe'-ter	Pi-ta
Pha'-ra-oh	Fe-le-o
Phar-i-sees	Pa-li-si okla " iksa
Phe-nic'-i-a	Fi-ni-shi
Phe-ni'-ce	Fi-uai-si
Phi'-lip	Fi-lip
Phi-lip'-pi	Fi-li-pai
Phryg'-i-a	Fi-chi-a
Pi'-late	Pai-lvt
Pi-si'-di-a	Pi si-ti-a
Pol'-lux	Pu-lvks
Pon-ti-us Pi-late	Pa-shis Pai-lvt
Pon-tus	Pa-tvs
Por'-ti-us	Pa-shis
Pris-cil'-la	Pi-si-la
Proch'-o-rus	Po-ko-lvs
Pto-le-ma'-is	Ta-li-me-is
Pub'-li-vs	Pvb-li-vs
Pu-te'-o-li	Pu-te-o-li

<i>English.</i>	<i>Choctaw.</i>
R.	
Rem'-phan	Lim-fvn
Khe'-gi-um	Li-chi-vrm
Rho'-da	Lo-ti
Rhodes	Lo-tis
Rome	Lom
S.	
Sad'-du-ceeds	Sa-tu-si okla " iksa
Sal'-a-mis	Sa-le-mvs
Sa-ma'-ri-a	Sa-me-li-a
Sa'-mos	Se-mvs
Sam-o-thra-ci-a	Sa-mo-le-shi
Sam'-u-el	Sam-yul
Sap-phi'-ra	Sa-fai-la
Sa'-ron	Sa-lvn
Saul	Sal
Sce'-va	Si-fa
Se-cun'-dus	Si-kvn-tvs
Sel-eu'-ci-a	Si-lu-shi
Ser'-gi-us	Sa-chis Pa-lvs
Pau'-lus	
Si'-don	Sai-tvn
Si'-las	Sai-lvs or Sai-lis
Sim'-e-on	Sim-i-vn
Si'-mon	Sai-mvn
Si'-na	Sai-na
Sol'-o-mon	Sa-lo-mvn
Sop'-a-ter	Sa-pe-ta
Sos'-the-nes	Sas-ti-nis
Sthe'-phen	Is-ti-fin
Sto-icks	Is-to-ik okla " iksa
Sy'-chem	Sai-kim

<i>English.</i>	<i>Choctaw.</i>	<i>English.</i>	<i>Choctaw.</i>
Syr-a-cuse	Sai-le-kus	Thy-a-ti'-ra	Ti-a-tai-la
Syr-i-a	Si-li-a	Ti'-mon	Tai-mvn
		Ti-mo'-the-us	Ti-mo-ti- <i>vs</i>
T.		Tro'-as	To-as
		Tro-gyl'-li-um	To-chi-lvm
Tab-i-tha	T-bi-ta	Troph'-i-mus	Ta-fi-mvs
Tar-sus	Ta-svs	Tych'-i-cus	Ti-ki-kvs
Ter-tul-lus	Ta-tvl- <i>vs</i>	Ty-ran'-nus	Tai-la-nvs
The-oph'-i-lus	Ti-a-fi-lvs	Tyre	Tai-a
Theu'-das	To-tvs		
Thes-sa-lo-	Ti-sa-lo-nai-	Z.	
ni'-ca	ka		
Thom'-as	Ta-mvs	Ze-lo'-tes	Si-lo-tis

*A Table of Some of the Unusual Words, with
References.*

	<i>Chap. Ver.</i>
Affliction, nā falvmmi,	7 11
Alms, nanasikia,	3 2
“ nā holhpila	24 17
To give alms, nā habenvchi,	10 2
“ nā hopela,	10 4
Anchor, yakni isht yichifi,	27 30
To anoint, ilahvmmichi,	4 27
“ ahvmmichi,	10 38
Apostle, vbanumpeshi,	1 26
Baptism, baptismo,	1 22
To baptize, baptismochi,	1 5
To be baptized, baptismo,	2 38
Believer, nā yimmi,	5 14
Blaspheme, ik ahobalot anumpuli,	26 11
Blasphemous words, anumpa ik ahobalo,	6 13
Centurion, Kvpitvni,	10 1
Chapter, anumpa nishkobo,	1
Chariot, iti chenvlli,	8 29
Chief Priest, nā holitompa isht asha pehlichich,	9 14
Christian, vbanumpuli,	26 28

	<i>Chap.</i>	<i>Ver.</i>
Christians, Kilaist okla,	11	26
Church, vbanumpuli iksa,	2	47
Circumcise, hakshup tvpli,	15	5
Circumcision, hakshup tvpa,	11	2
Colony, okla wiha abinili,	16	12
Common, ai i moma,	2	44
“ ai vlhpesa keyu	11	8
Conscience, imanukfila,	23	1
“ chukvsh,	24	16
Covenant, nan vlhpisa,	7	8
To covenant, itim apesa,	3	25
Crime, nana ishtakvnomi	25	16
To crucify, iti taiyukhvna a takalechi,	2	23
Dearth, hohchvfo,	11	28
“ na hohchvfo,	7	11
Decree, nan vlhpisa,	16	4
Deputy, na hullo miko,	13	7
“ nan apesa,	19	38
Devil, nan ishtahullo okpulo,	10	38
Devotions, (object of) na holba toba puta,	17	23
Disciple, nan ithvna,	9	10
Divination, isht ahullo,	16	16
Doctrine, anumpa,	2	32
Elders, hatak hochitoka,	4	5
“ hatak tikba,	11	30
“ pehlichy,	14	23
Elders of the church, iksa i pehlichy,	20	17
Elders, asononchika,	15	4
Evangelist, vbanumpa isht vtta,	21	8
Exorcists, nan ishtahullo okpulo kuchi ilahobi,	19	13
Faith, ayimmika,	3	16
“ na yimmika,	13	8

	<i>Chap.</i>	<i>Ver.</i>
A fast, nāhullochi,	27	9
To fast, nā hullochi,	10	30
Fathom, ashatvpa,	27	28
A feast, chepuli,	18	21
To fulfill, ai ahlichī,	13	22
“ atahli,	12	25
Generation, isht aionchuloli,	2	40
“ okla	13	36
“ ai iti laui kvt ahāshwa,	8	33
Gentiles, okla nan ik ithano,	13	46
Gift, holhpila,	2	38
“ nan ima,	8	20
“ nā holhpila,	11	17
Glorify, holitobli,	3	13
“ aiokpahanchi,	11	18
Glory, holitopa,	7	2
“ isht aholitopaka,	12	23
“ shohpakali,	22	11
“ aholitopaka,	7	55
God, Chihowa,	22	3
Goddess, nan isht ahullo ohoyo,	19	27
Godhead, Chihowa imma,	17	29
A god, nan isht ahullo,	28	6
Gods, nan isht ahullo puta,	17	18
“ Chitokaka vhliha,	14	11
Governor, nāhullo miko,	24	1
“ pehlichī,	7	10
Grace, ayukpa,	4	33
“ hanta,	14	3
“ achukma,	20	32
“ isht ilayukpa,	13	43

	<i>Chap.</i>	<i>Ver.</i>
Heaven, Shutik,	10	11
“ vba,	7	49
Hell, aiokpuloka,	2	31
Heresy, iksa inla,	24	14
High priest, nā holitompa isht asha pehlichī,	4	6
Holiness, achukma,	3	12
Holy, holitopa,	4	27
Holy One, Holitopa,	3	14
Holy place, aholitopaka ilvppa,	6	13
Idol, nā holba toba,	7	41
Island, tashaiyi,	13	6
“ yakni tashaiyi,	28	1
Judge, nan apesa,	10	42
Judgment, nan vlhpisa,	24	25
The Just, Aiāhli,	3	14
Just One, Aiāhli	7	52
Law, nan vlhpisa,	5	34
Life, aiokchaya,	3	15
Lord, Chitokaka,	4	24
A lot, lots, nā shueli,	1	26
Magistrate, tvshka chipota i miko,	16	20
Maket place, nan vpa a kanchi,	16	19
“ nana ai itatoba,	17	17
Martyr, atukowa anoli,	22	20
Miracle, nā fena,	4	16
“ isht ahullo,	2	22
Most High, moma i shahli,	7	48
Offerings, vba pit isht ai okpuchi,	24	17
Officer, nan vlhtuka,	5	22
Oration, anumpa ishthika,	12	21
Patriarch, hatak iki chito,	2	29

Philosopher, hatak nan imponna,	17	18
Poet, ataloa ikbi,	17	28
Power, ibbak foka,	1	7
“ aiahlhika,	1	8
“ apehlichy,	26	18
To pray, asilhha,	8	22
“ ilbvshvt anumpuli,	8	24
“ vba pit anumpuli,	1	24
To pray him, im ahni,	10	48
To preach, anumpuli,	5	42
Priest, na holitompā isht vttā,	14	13
Prison, aboha kvullo,	16	24
Prisoner, aboha kvullo foka,	25	27
Promise, anumpa,	2	39
Prophecy, vbanumpa isht anumpuli,	2	17
Prophet, hopaii,	2	16
Province, ulhti,	23	34
Quaternion, ushta bat aya,	12	4
To receive the gift of the Holy Spirit, Shilombish		
Holitopā ishi,	2	38
Shilombish Holitopā anukfoka,	8	15
Repent, ilekostininchi,	2	38
Repentance, ilekostininchi,	5	31
Ruler, atoni,	4	1
“ na pehlichy,	7	27
“ apehlichy,	18	17
Sabbath day, nitak hullo nitak,	17	2
To sacrifice, vbit isht aiokpvchi.	14	13
“ im vbi,	14	18
Sacrifice, nan isht aiokpvchi,	7	41
Saint, vbanumpuli,	9	32
“ holitopā,	9	13

Salvation, aiokchaya,	4	12
“ isht ai okchalinchi,	28	28
Saved, okchaya,	2	47
Savior, nan okchalinchi,	5	31
Scales, na hakhlobish,	9	18
Scribe, na holissochi,	4	5
“ holissochi,	6	12
Scriptures, Holisso holitopa,	17	2
Sect, ikxa,	5	17
Security, anumpa nana ho,	17	9
Sepulchre, ahullopi,	13	29
Sergeant, anumpeshi,	16	35
Shrine, itombushi,	19	24
Sign, nan isht ahoba,	2	19
Sin, aiashvcheka,	3	19
“ nan aiashvcheka,	2	38
Sir, hatak hvchia ma,	16	30
Sorcerer, hatak isht ahullo,	13	16
Stocks, iti iyi isht akvullo,	16	24
Surnamed, hochifo apunta,	1	23
Tetrarch, na pehlichy,	13	1
Theatre, okla ai itahoba,	19	29
Throne, aiasha,	7	49
“ aiasha holitopa,	12	21
Trance, holhpokuna chohmi,	10	10
Unclean spirit, na shilombish okpulo,	5	16
“ “ shilombish okpulo,	8	7
Unleavened bread, pvska ik shatvmmo,	20	6
Vessel, nan isht vitta,	9	15
“ nan aivlh pitta,	10	11
Viper, sinti okpulo fena,	28	3

	Chap.	Ver.
Vision, holhpokuna,	9	15
“ holhpokuna chohmi,	10	3
Verse, anumpa holhtina,		
Voyage, okhvta aya,	27	10
To take a vow, anumpa ilonuchi,	18	18
Wicked, okpulo,	18	14
“ haksi,	2	23
Wilderness, yakni haiaka,	7	30
Wonders, nan isht ahoba,	2	22
“ nā fena,	4	30
Worship, aiokpvchi,	7	42
“ aiokpanchi,	17	23

English Words adopted in this Translation.

Angel, enchil, vba hatak,	5	19
Palsy, palsi, nipi illi,	9	33
Satan, Setvñ, nan isht ahullo okpulo,	5	3
Synagogue, Sinikak, vba isht ai anumpa chuka.	6	9
Temple, Timpil, Chihowa im aboha.	5	42

Table of Contents in English.

CHAPTER I.

- SEC. I. v. 1. A repetition of part of Christ's history after his passion.
- SEC. II. v. 9. His ascension.
- SEC. III. v. 15. Peter's exhortation to ordain one in place of Judas.

CHAPTER II.

- SEC. IV. v. 1. The Apostles filled with the Holy Ghost, speak divers languages.
- SEC. V. v. 14. Peter's sermon.

CHAPTER III.

- SEC. VI. v. 1. Peter and John restore a lame man.

CHAPTER IV.

- SEC. VII. v. 1. Peter and John are imprisoned.
- SEC. VIII. v. 8. Peter's boldness.
- SEC. IX. v. 18. The apostles are threatened.

CHAPTER V.

- SEC. X. v. 1. Ananias and Sapphira at Peter's rebuke fall down dead.
- SEC. XI. v. 12. The apostles work miracles.

CHAPTER VI.

- SEC. XII. v. 1. The apostles' care for the poor, and preaching of the word ; seven deacons chosen.

CHAPTER VII.

- SEC. XIII. v. 1. Stephen being called, answers to his accusation.
- SEC. XIV. v. 54. They stone him to death.

CHAPTER VIII.

- SEC. XV. v. 5. Philip plants the church in Samaria.
- SEC. XVI. v. 26. He baptizes an Ethiopian.

CHAPTER IX.

- SEC. XVII. v. 1. Saul going toward Damascus, is called by Christ.
- SEC. XVIII. v. 10. Ananias sent to him, and he is baptized.
- SEC. XIX. v. 20. Paul boldly preacheth Christ.

CHAPTER X.

- SEC. XX. v. 1. Cornelius sends for Peter.
- SEC. XXI. v. 34. Peter preaches.
- SEC. XXII. v. 44. The Holy Ghost falleth on the hearers.

CHAPTER XI.

- SEC. XXIII. v. 1. Peter accused for going to the Gentiles.
 SEC. XXIV. v. 19. The gospel is preached in many places.
 SEC. XXV. v. 27. Agabus prophesies of a great dearth.

CHAPTER XII.

- SEC. XXVI. v. 1. Herod persecutes the Christians.

CHAPTER XIII.

- SEC. XXVII. v. 1. Paul and Barnabas sent to the Gentiles.
 SEC. XXVIII. v. 42. The Gentiles believe.

CHAPTER XIV.

- SEC. XXIX. v. 1. Paul and Barnabas are persecuted.
 SEC. XXX. v. 8. Paul healing a cripple at Lystra, they
 are reputed as gods by the people.
 SEC. XXXI. v. 19. Paul is stoned.
 SEC. XXXII. v. 21. After passing through divers churches,
 they return to Antioch.

CHAPTER XV.

- SEC. XXXIII. v. 1. Dissension about circumcision.
 SEC. XXXIV. v. 6. The apostles consult about it.
 SEC. XXXV. v. 22. Their determination.

CHAPTER XVI.

- SEC. XXXVI. v. 1. Paul circumciseth Timothy.
 SEC. XXXVII. v. 14. Lydia converted.
 SEC. XXXVIII. v. 25. The conversion of the jailer.

CHAPTER XVII.

SEC. XXXIX. v. 1. Paul preaches at Thessalonica.

SEC. XL. v. 10. Paul preaches at Berea.

SEC. XLI. v. 15. Paul preaches at Athens.

CHAPTER XVIII.

SEC. XLII. v. 3. Paul laboring with his hands and preaching at Corinth.

SEC. XLIII. v. 9. He is encouraged in a vision.

CHAPTER XIX.

SEC. XLIV. v. 6. The Holy Ghost given by the laying on of Paul's hands.

SEC. XLV. v. 17. Many believe the gospel.

CHAPTER XX.

SEC. XLVI. v. 1. Paul goes to Macedonia.

SEC. XLVII. v. 7. He celebrates the Lord's supper, and preaches.

SEC. XLVIII. v. 28. Paul commits the flock to the elders.

CHAPTER XXI.

SEC. XLIX. v. 1. Paul goes to Jerusalem.

SEC. L. v. 17. Paul at Jerusalem is apprehended.

SEC. LI. v. 31. But he is rescued by the chief captain.

CHAPTER XXII.

SEC. LII. v. 1. Paul declares how he was converted.

SEC. LIII. v. 25. He escapes scourging being a Roman citizen.

CHAPTER XXIII.

- SEC. LIV. v. 1. Paul pleads his cause.
 SEC. LV. v. 10. He is again imprisoned.
 SEC. LVI. v. 23. He is sent to Felix the governor.

CHAPTER XXIV.

- SEC. LVII. v. 1. Tertullus accuses Paul.
 SEC. LVIII. v. 10. He answers for himself.
 SEC. LIX. v. 24. He preaches Christ to Felix and his wife.

CHAPTER XXV.

- SEC. LX. v. 1. The Jews accuse Paul before Festus.

CHAPTER XXVI.

- SEC. LXI. v. 1. Paul before Agrippa declares his manner of life.
 SEC. LXII. v. 12. And his conversion.

CHAPTER XXVII.

- SEC. LXIII. v. 1. Paul sails in a ship toward Rome.
 SEC. LXIV. v. 14. A storm at sea.
 SEC. LXV. v. 39. They discover land and escape.

CHAPTER XXVIII.

SEC. LXVI. *v.* 1. Paul and his company entertained by the barbarians.

SEC. LXVII. *v.* 8. He heals many of the sick in the island.

SEC. LXVIII. *v.* 16. He arrives at Rome and preaches to the Jews.

Table of Contents in Choctaw.

ANUMPA NISHKOBO I.

- I. a. h. 1. Kilaist vt illi ha yvt tok a isht annoa kanioh-
mi kv̄t v̄lbitvt annoa hoke.
II. a. h. 9. Yvmmvt v̄ba ia isht annoa.
III. a. h. 15. Chutvs v̄lhtoba h̄o achvfa ka atokola he a,
Pita yvt isht anumpuli tok.

ANUMPA NISHKOBO II.

- IV. a. h. 1. Ubanumpeshi v̄hliha hv̄t Shilombish Holi-
topa anukfoka fena mvt, anumpa ilaiyuka
anumpuli tok.
V. a. h. 14. Pita yvt v̄banumpa isht anumpuli tok.

ANUMPA NISHKOBO III.

- VI. a. h. 1. Pita, Chani itatuklo kv̄t hatak imomokpulo
hlakofichi tok o isht annoa hoke.

ANUMPA NISHKOBO IV.

- VII. a. h. 1. Pita, Chani itatuklo kv̄t aboha kv̄llo v̄lhpit-
ta tok.

viii. a. h. 8. Pita yvt nukwāya iksho tok.

ix. a. h. 18. Ūbanumpeshi v̄hliha hv̄t anumpa kv̄llo im
v̄lhpisa tok.

ANUMPA NISHKOBO V.

x. a. h. 1. Aninaiv̄s Safaila itatuklo kv̄t, Pita yvt nan
i miha ma, illit akka kahv̄t tok.

xi. a. h. 12. Ūbanumpeshi v̄hliha hv̄t nā fena puta
yvmihinchī tok.

ANUMPA NISHKOBO VI.

xii. a. h. 1. Ūbanumpeshi v̄hliha hv̄t hatak ilbv̄sha
ithana, micha anumpa hā isht anumpuli
aiena tok. Hatak v̄lhtuka untuklot
v̄lhtuka tok.

ANUMPA NISHKOBO VII.

xiii. a. h. 1. Istifin ā im asilhv̄chi hatuk o isht il
anumpuli tok.

xiv. a. h. 54. Istifin ashō okla tv̄li ishit bolit illichī
tok.

ANUMPA NISHKOBO VIII.

xv. a. h. 5. Filip vt Samelia yā v̄banumpuli iksa ahile-
chi tok.

xvi. a. h. 26. Itiophia hatak anumpeshi yō baptismochi
tok.

ANUMPA NISHKOBO IX.

- xvii. a. h. 1. Sal vt Temaskvs pila ia hosh aya ho,
Kilaist vt im anumpuli tok.
- xviii. a. h. 10. Ananaius vt ayvt im ona ma, baptismo
tok.
- xix. a. h. 20. Pal vt nukwaya iksho hosh Kilaist a isht
anumpohonli tok.

ANUMPA NISHKOBO X.

- xx. a. h. 1. Kanilus vt Pita ya pit hoyo tok.
- xxi. a. h. 34. Pita yvt vbanumpa isht anumpuli tok.
- xxii. a. h. 44. Shilombish Holitopa yvt haponaklo vhliha
ha onuttoyula tok.

ANUMPA NISHKOBO XI.

- xxiii. a. h. 1. Pita yvt oklushi nan ik ithano vbanumpa
ont isht im anumpule tuk o, nanuma-
chi tok.
- xxiv. a. h. 19. Ubanumpa yvt tvmaha kanohmi ka ai
anumpa tok.
- xxv. a. h. 27. Akebus vt na hohchvfo chinta chi ka
tikbanli anoli tok.

ANUMPA NISHKOBO XII.

- xxvi. a. h. 1. Helvt vt vbanumpuli vhliha ha issikko-
pali tok.

ANUMPA NISHKOBO XIII.

- xxvii. a. h. 1. Pal Banevys itatuklo kṽt oklushi nan ik
ithano ya im iya tok.
- xxviii. a. h. 42. Oklushi nan ik ithano ṽhliha yvt ṽba-
numpa yimmi tok.

ANUMPA NISHKOBO XIV.

- xxix. a. h. 1. Pal, micha Banevys itatuklo kṽt im pa-
lṽmmi tok.
- xxx. a. h. 8. Pal vt Listi ȧ hatak imomokpulo ahlak-
ofichi na, nan ishtahullo ṽhliha hatuk o,
okla hṽt ahobṽchi tok.
- xxxi. a. h. 19. Pal vt tṽli isht boa tok.
- xxxii. a. h. 21. Tṽmaha ilaiyuka h̃lopullit aya mṽt, fa-
lamvt Antiak ȧ iṽlachi tok.

ANUMPA NISHKOBO XV.

- xxxiii. a. h. 1. Hakshup tṽpa isht ai itachoa tok.
- xxxiv. a. h. 6. Ṽbanumpeshi ṽhliha hṽt isht itim anum-
puli maya tok.
- xxxv. a. h. 22. Ai apissalechit imanukfila hṽt tok.

ANUMPA NISHKOBO XVI.

- xxxvi. a. h. 1. Pal vt Timoti ȧ hakshup tṽpli tok.
- xxxvii. a. h. 14. Litie vt ṽbanumpuli toba tok.
- xxxviii. a. h. 25. Aboha kṽllo apesṽchi vt ṽbanumpuli
toba tok.

ANUMPA NISHKOBO XVII.

- xxxix. a. h. 1. Pal vt Tisalonaika ya ṽba isht ai anum-
puli tok.

XL. a. h. 10. Pal vt Belia ako ai anumpuli tok.

XLI. a. h. 15. Pal vt Etins a ai anumpuli tok.

ANUMPA NISHKOBO XVIII.

XLII. a. h. 3. Pal vt Kolin a ibbak isht a toksvli, micha
vba isht ai anumpuli aiena tok.

XLIII. a. h. 9. Holhpokunna hosh isht ai i yiminta tok.

ANUMPA NISHKOBO XIX.

XLIV. a. h. 6. Pal vt ibbak isht om bitepa ka Shilombish
Holitopa yvt anukfohuka tok.

XLV. a. h. 17. Ubanumpa yimmi kv̄t laua tok.

ANUMPA NISHKOBO XX.

XLVI. a. h. 1. Pal vt Masitonia ona tok.

XLVII. a. h. 7. Pal vt Chitokaka im opiaka impa holitob-
lit antvt, vba isht anumpuli tok.

XLVIII. a. h. 28. Pal vt ik̄sa in tikba v̄hliha h̄a ik̄sa ya
atonichi tok.

ANUMPA NISHKOBO XXI.

XLIX. a. h. 1. Pal vt Chiluselvm a ia tok.

L. a. h. 17. Pal vt Chiluselvm a ont anta ma, iti hokli
tok.

LI. a. h. 31. Kv̄pitv̄ni chito vt Pal a hlakofichi tok.

ANUMPA NISHKOBO XXII.

LII. a. h. 1. Pal vt akaniohmit v̄banumpa nukfoka tok
vt anoli tok.

LIII. a. h. 25. Pal vt fymma he tuk kia, Lom hatak
atukosh hlakofi tok.

ANUMPA NISHKOBO XXIII.

LIV. a. h. 1. Pal vt isht il anumpuli tok.

LV. a. h. 10. Pal vt atukla ma, aboha kvllo foka tok.

LVI. a. h. 23. Pal vt nahullo miko Filiks a im ia tok.

ANUMPA NISHKOBO XXIV.

LVII. a. h. 1. Tatylvs vt Pal a anumpa onuchi tok.

LVIII. a. h. 10. Pal vt isht il anumpuli tok.

LIX. a. h. 24. Pal vt nahullo miko, tekchi itatuklo ka,
Kilaist isht im anumpuli tok.

ANUMPA NISHKOBO XXV.

LX. a. h. 1. Chu okla hvt Fistvs itikba hielit, Pal a
anumpa onuchi tok.

ANUMPA NISHKOBO XXVI.

LXI. a. h. 1. Pal vt Ekilipa a itikba hikiyt kaniohmit
aya chatuk puta kvrt anoli tok.

LXII. a. h. 12. Pal vt vbanumpuli toba tok vt anoli
tok.

ANUMPA NISHKOBO XXVII.

LXIII. a. h. 1. Pal peni fokvt Lom pila ia hosh aya tok.

LXIV. a. h. 14. Mahli kvllo vt peni a onuttula tok.

LXV. a. h. 39. Yakni a ont ahayuchi cha okla hlakofi tok.

ANUMPA NISHKOBO XXVIII.

LXVI. a. h. 1. Pal, micha apehvt aya tuk aiena kash okla nan ik ithano vbliha hvt i kana fena tok.

LXVII. a. h. 8. Pal vt yakni tashayi abeka aiasha tuk a laua ho hlakofichi tok.

LXVIII. a. h. 16. Pal vt Lom a vla mvt, Chu okla ha vba isht im anumpuli tok.

21664

AYER

Choctaw

126

AYER

421

C475

B553

1839

